

kat.komp.



BIBLIOTHECA  
UNIV. JAGELL.  
CRACOVENSIS

585114

Mag. St. Dr.

1

Nº F



585114

1

1981. 102



585114

I Mag. St. Dr.

OS

S

V

D

E

SI

π

Ap

OS

# SYNODVS

DIOECESANA  
VLADISLAVIENSIS.

*Ab Illustrissimo & Reuerendissimo Domino,*

D. MATTHIA  
LUBIENSKI,

Dei & Apostolicæ Sedis Gratia

EPISCOPO VLADI-  
SLAVIENSI ET POMERANIÆ

In sua Ecclesia Cathedrali.

ANNO DOMINI,

*Millesimo Sexcentesimo Trigesimo Quarto.*

*Die xvj. Maii cum vniuerso Clero Diœcesis  
eiusdem Celebrata.*

VARSAVIÆ,

Apud Viduam Joannis Rossowski, S. R. M. Typ:

Anno Domini, 1634.



1  
INSIGNIA Illustrissimi & Reverendissimi  
Domini,  
D. MATTHIÆ LVBIENSKI, DEI  
Gratia Episcopi Vladislaviensi &  
Pomeraniz




**T**aurino capiti capulo tenus abditus Ensis;  
Censuram placidâ cum pietate probat.  
Ensis iustitiæ vindex vehementior: huius  
Vim Taurus cohibens, exerit aure crucem.  
Tantane Lubienidum, quæres, industria Tauro?  
Ensis Apostolici Taurus acumen habet.

585114 I Mag. St. Dr.

Stbl. 102.

1954 D 909





## Indictio Synodi.

MATTHIAS LVBIENSKI,

Dei & Apostolicæ Sedis Gratia  
EPISCOPVS VLADISLAVIENSIS  
ET POMERANIÆ.



EVERENDIS<sup>mis</sup> ADM<sup>um</sup> REVEREND<sup>is</sup>,  
Reuerēdis, Venerabilibus, Religiosis, Ab-  
batibus, Prælatiſ, & Canonicis, tam Eccle-  
ſiæ Noſtræ Cathedralis, quam Collegiatæ Crufuicien-  
ſis, necnon Præpoſitiſ Prioribus & Guardianis Regu-  
laribus, Decaniſ Foraneis ſeu Ruralibus, Parochiſ, Cō-  
mendariis, cæteriſque quibuſcuſ Eccleſiarum Reſtori-  
bus & Presbyteriſ, qui de iure vel conſuetudine Syno-  
do Dioceſanæ tenentur, vel conſueuerunt intereſſe,  
per & intra Dioceſim Noſtram Vladislauienſem vbili-  
bet cōſiſtentibus, ad quos præſētes Noſtræ peruenerint  
literæ. Nobis in Chriſto dilectiſ. Salutem in Domino.

QVamprimū Diuina ordinante voluntate ad Epi-  
ſcopatum Vladislauieſem translati & euecti fuiſſemus,  
hoc præcipuum ſemper verſabatur in animo noſtro de-  
ſiderium, vt non ſolū Vniuerſo Clero, ſed etiam to-  
ti Chriſti fidelium congregationi Dioceſiſ huius quā  
maximē prodeſſe poſſet ſollicitudo Noſtra Paſtoralis.  
Quamobrem poſt primum ad eandem ingreſſum per-  
fun-



functi periculo pestilentie, quæ in ipso initio specialiter familiam Nostram peccatis Nostreis ita exigentibus inuaserat, & debita in Curia Regiæ Maiestatis residentia peracta, statim generalem Visitationem Ecclesiarum aggressi sumus, eamque quantum alia Reipublicæ negotia, quorum mole tempore præsertim præteriti Interregni distinebamur, permittebant, sollicitè profecuti sumus, quatenus lustrato, cognitoque totius Diocesis statu ad bonos mores inducendos, & prauos corrigendos, Hæresimque extirpandam hoc qualicumque Nostro labore via sterneretur, & opportuna ad id remedia adhiberentur. Perlustratis igitur insignioribus quidem per Nosmetipsos, alijs autem inferioribus partim per Archidiaconos, partim per Commissarios Nostros Ecclesijs Diocesis huius, ne Visitationum prædictarum fructus pereat, verum ut inde tam Clerus quam populus Nobis subiectus salutaribus vitæ institutis erudiat, & corrigatur, iuxta Sacrorum Canonum præscriptum Synodum Diocesanam, communicato prius cum Venerabili Capitulo Nostro consilio, duximus indicendam & intimandam, Deum Optimū Maximum precati ut hoc nostrum institutum pro sua infinita bonitate, ad laudem sui nominis, Ecclesiæque suæ vtilitatem promouere velit. In eiusdem itaque Dei Omnipotentis Patris & Filij & Spiritus Sancti, vnius & Indiuiduæ Trinitatis nomine Synodum Diocesanam pro Feria tertia post Dominicam quartam post Pascha, quæ erit dies Decima Sexta Mensis Maij, Anno præsentis in Ciuitate Nostra Vladislauensi inchoandam & successiue alijs diebus terminandam indicimus & intimamus per præsentem. Quod vobis omnibus



*Indictio Synodi.*

bus superscriptis quorum interest insinuamus, & ad cuiuslibet Vestrum noticiam indubitata deducimus. Mandantes in virtute Sanctæ Obedientiæ, & sub pecuniarijs arbitrio Nostro infligendis in subsidium Excommunicationis poenis, quatenus pro die & loco designatis (prouisistamen Presbyteris præsertim in locis populosioribus qui in absentia vestra Sacramenta populo administrent) in habitibus decentibus vi moris est comparatis; Iura & Priuilegia Ecclesiarum Vestrarum, Indices Supellectilis Ecclesiasticæ, Literas Ordinum, Prouisionum, & Dispensationum, quæ eas nondum in Visitatione exhibuistis, necnon publicorum scandalorum, si quæ forte in Parochijs vestris reperiuntur, connotationem Vobiscum adferatis: ac præterea de satisfactione Decretis Visitationis, tam per Nos quam per Archidiaconos vel Commissarios Nostros in Ecclesijs Vestris Parochialibus factis Nos sufficienter informare, de ijsque omnibus quæ ad Officium Vestrum Pastorale pertinent rationem reddere parati sitis. Certificantes vos omnes & singulos superscriptos, quod siue in Synodo prædicta comparueritis siue non, Nos nihilominus ad ipsius dante Domino celebrationem procedemus, & ea quæ ex vtilitate Ecclesiarum Diocesis Nostræ fore videbuntur constituemus ac decernemus, contumacia cuiusque non obstante, poenis tamen superscriptis contra inobedientes, & sine legitima causa, absentes inflictis & extensis. Quod si aliquis ex vobis ob legitimum aliquod impedimentum Synodo adesse, non poterit, causas suæ absentiae per Viciniorem Parochum explicet, & ea quæ statum Ecclesiæ ipsius concernunt per eundem ad Synodum remittat. Porro quan-

A

quan-



quandoquidem in Archidiaconatu Pomeraniæ adeo pauci Sacerdotes inueniuntur, vt vnus quandoque trium, quandoque quatuor Ecclesiarum curam gerere, necesse habeat, & si se ab ijs causa Synodi absentauerit, magna in Diuinis Officijs & in administratione Sacramentorum, præsertim in tanta distantia locorum, negligentia committeretur, indulgemus vt Parochis & Commendarijs circa Ecclesias suas remanentibus, (nisi peculiarem aliquam necessitatem Synodi adeundi habuerint) soli Decani Rurales, cum <sup>re</sup>do Domino Officiali Gedanensi pro celebratione huius Synodi cum sufficienti de statu Decanatum suorum, necnon de Ecclesiarum desolatarum vel ab Hæreticis interceptarum informatione se fistant, & ea quæ hic statuentur postea ad notitiam Vniuersi Pomeraniæ Cleri singuli in Congregationibus suorum Decanatum proximè celebrandis deducant. Volumus insuper & sub pœnis superscriptis præcipimus, ne de præmissis aliquam ignorantiam quisquam prætendat, vt præsentem Processum Nostrium per affixionem valvis Ecclesiæ Nostre Cathedralis Vladislauiensis prius publicatum, vel eius transcriptum sub Sigillo Admodum Reuerendi Domini Vicarij in Spiritualibus & Officialis Generalis Nostri editum, per singulos Archidiaconatus vnus ad alium Rectorem, Ecclesiæ sibi vicinioris, executione à tergo ascripta, quantò citius solita cursoria deferri curet, vltimus verò eum suo Archidiacono, aut Officiali Nostro Generali Vladislauic: representet. In quorum omnium & singulorum fidem & testimonium presentes literas manu Nostra subscripsimus, & Sigillo Nostro iussimus consignari. Dat. Vladislauic die 6. Mensis Februarij. Anno Domini M. DC. XXXIV.



# PRÆFATIO

Synodo per Illustrissimum & Reuerendissimum Dominum,  
D. EPISCOPVM VLADISLAVIENSEM & Pomeraniæ præmissa.

**S**YNODVM Diæcesanam Fratres Charissimi in Dei nomine celebraturi, supernacaneum esse existimus eius Nobis insituti causas longiore sermone prætexere, neminem enim Vestrum Diuinorum Eloquiorum & Sacrorum Canonum adeo rudem & ignarum esse arbitramur, ut eum lateat inter ceteras easque grauissimas Episcopales functiones, vigilantiam super gregem commissum Episcopo adeo propriam esse, ut inde etiam nomen suum sit sortitus, quem enim Grace Episcopum hunc Latine Speculatorem recte appellare possumus; non alia credo de causa nisi ut nomine ipso admonitus animarum sibi concreditarum diligentem curam gerat, seduloque provideat, ne aliqua ex his sua culpa vel negligentia pereat, cuius sanguinem de manu ipsius summus ille Pontifex Christus IESVS in extremo Dei iudicio sit requisiturus. Cum autem huic functioni nulla alia commodiori ratione Episcopus satisfacere valeat, quam si Diæcesis sue visitationem ex præscripto Sacrorum Canonum crebro instituat, atque ex ea defectus & errores tam in fide quam in moribus deprehensos corrigat, bonasque leges & salutaria recte viuendi insituta a populo sibi subiecto præscribat, ideo Nos in eminentissima huius Diæcesis specula Diuina Ordinatione constitutum diligentiis Officii Nobis rationes expendemus, in eam sciamus ab ipso suscepti regiminis initio cogitationem deuotissimam



quamprimum munus Visitationis Ecclesiarum ad Nostram curam pertinentium aggredi, illudque ad debitum effectum cum aliquo animarum Nobis commissarum fructu deducere possemus. Cui quidem Nosro insituto ceteri multa quae priuatim quae publice obicerentur impedimenta, illis tamen per gratiam Dei ut cunque superaretis, proxime praeteritis duobus annis Nobiliora vtriusque Diocesis Nosrae loca in persona Nosra, non sine aliqua difficultate, lustrauimus, reliqua autem partim per Archidiaconos, partim per nonnullos alios Commissarios Nostros visitari procurauimus, in eaque Visitatione tam per Nos quam per alios peracta vitam & mores Cleri ac populi diligenter inspicimus, ac defectus in utroque statu occurrentes scripto connotauimus, eosque quamprimum corrigendos vel prorsus amouendos in singulis Parochiis, iis quibus intererat serio demandauimus. Sed quia quae priuatim Ecclesiis sparsim sunt iniuncta, & vniuersae Diocesi Nostrae plurimum profutura existimamus, si in vnum collata, & Synodico eoque vniuersi consensu a vobis omnibus recepta, ad usum & instructionem totius Cleri Nosri praescriberemus, atque sic praescripta & ordinata in publicum proferremus, cuius rei causa hanc praesentem Synodum instituendam Fraternalitatesque Vestras ad eam conuocandas esse censuimus. Quamuis enim multa ex iis quae hic sunt tractanda, partim Ordinaria, partim etiam delegata potestate Nosra corrigi & emendari possent, omnia tamen de consilio & assensu Fraternalitatum Vestrarum sancire decreuimus, ut tanto libentius, & maiori cum fructu ea quae hic animis omnium consensientibus statuuntur, a vobis recipiantur, ac celerius Deo adiuuante executioni demandentur; Certo persuasi Vos ipsos ubi eorum, quae hic a Nobis proponuntur, usum & necessitatem cognoueritis non difficulter illa approbaturus, nec ea in temerariam & longiorem quam aequum sit disceptationem vocaturus. Et quidem pro consuetudine Synodorum recepta essent hic nonnulla de disciplina Eccle-




## P R A E F A T I O.

*Ecclesiastica ac de conuersatione Cleri a Nobis fufius commemo-  
randa fed quia eam Prouinciam Admodum Reuerendo Domino  
Sebastiano Grotkowski I. V. D. Vicario Nostro Generali deman-  
dauimus, ideo iis quae in hac materia dici possent omiffis, ea hic  
tantum summarie, idque propofitionis tractandorum punctorum  
loco, attingemus, quae ad cultum Diuinum conseruandum, & ad  
Clericorum Officiu debite exequendum auctoritate huius Syno-  
di magis necessario ordinanda esse iudicauimus. Cum enim Sacer-  
dotum, eorum praesertim quibus cura animarum incumbit, pre-  
cipuum munus sit, Diuinis Officiis ex praescripto Ecclesia Vacare;  
tremendum Missae Sacrificium offerre: Sacramenta a Christo in-  
stituta ministrare, populum sibi commissum verbo & exemplo e-  
rudire; aliaque munia procuranda animarum sibi commissarum  
salutis obire, dignum sane & necessarium esse existimamus, ut  
hoc tam sublime & arduum opus rite & summa cum diligentia ab  
iis peragatur. Quoniam autem nonnullos illorum ex visitatione  
comperimus suo hac in parte Officio deesse. Ac Diuinorum qui-  
dem Officiorum non tantum priuatam recitationem, sed etiam pu-  
blicam decantationem negligere: Missas vero, ad quas siue ex  
praescripto Canonum, siue ex peculiari Ecclesiarum Fundatione  
obligantur, omittere, aut certe minus paratos ad eas celebrandas  
accedere; in Sacramentorum administratione valde desides & ne-  
gligentes esse. Quumque ad curam suam pertinentium & pre-  
cioso Christi Sanguine redemptarum salutem minus curare, ac ea-  
rum conscientias obignorationem Casuum tam Apostolica quam  
Nostra Sedi reseruatorum, vel etiam quandoque ob defectum iu-  
risdictionis periculose implicare: Dotationes Ecclesiarum suarum  
notabiliter diminutas vel omnino suppressas non curare, illarum-  
que recuperationem prorsus intermittere, ruinis Sacrorum aedi-  
ficiorum & aliorum ad suum usum pertinentium minime obuiare:  
exiguo vel nullo Christianae charitatis affectu erga proximos mo-*




ueri, miserabiliumque personarum, præsertim vero Sacro Ordini adscriptarum necessitatibus remisse subuenire: Praelata vel per se ipsos usurpare, vel per alios perperam usurpata negligenter vindicare: complures denique, quod magis dolendum est, ita viuere ut secularibus personis, quibus bono exemplo prælucere deberent magnos sint scandalo & offendiculo. Proinde pro Officio Nostro Pastoralis, omnium quidem Christi fidelium ad curam Nostram pertinentium, sed vel maxime Cleri Nostri periculis animarum occurrere volentes, eum de singulis his defectibus, eo fere quo commemorati sunt ordine in presenti Synodo commonendum, & ad eos vel corrigendos vel prorsus amouendos oportuna remedia adhibenda, aliaque nonnulla quæ ad bonum Ordinem huius Diæcesis seruiunt sancienda esse consilio & assensu Fraternitatum Venerandarum accedente proposuimus. Prius tamen solenni ex formula Pape Pii IV. Fidei Catholice professione, & nonnullis aliis Ceremoniis quæ in Pontificali Romano præscriptæ habentur præmissis. Quod dum aggredimur, Diuini numinis auxilium ardentibus votis Fratr. charissimi imploremus, ut eo adiuti hoc nostrum institutum pro gloria ipsius, & pro utilitate Diæcesis Nostræ, ac pro omnium Nostrum salute susceptum, ad eum quem intendimus effectum feliciter deducamus.



ACTA





# ACTA

Seu Decreta & Statuta Synodalia

## VLADISLAUIENSIS

### DIOCESIS.

M. DC. XXXIV. Die. XVI. Maij, & sequen-  
tibus sancita.

## De Diuinis Officijs ritè pera- gendis, & de præparatione Sacrificio Missæ præmitten:



**C**VM Sacra eloquia cum maledictum  
pronuncient qui opus Domini facit,  
negligenter, Ministri autem Ecclesiæ  
peculiariter Diuino cultui sint man-  
cipati, in eam præcipue curam & co-  
gitationem omnes incumbere de-

bent, vt preces tam Nocturnas quam Diurnas tempo-  
re opportuno ita attentè & deuotè absoluant, vt quòd  
ore dicunt corde intelligant, neque sine grauissima, à  
Summistis aliàs expressa, causa recitationem illarum,  
vnquam intermittant. Eos enim qui ad Diuinum Of-  
ficium ratione Ordinis vel Beneficij recitandum obli-  
gantur, si illud intermiserint, non solum pro rata tem-  
poris & Officij neglecti parte fructus suos non facere,

B 2

sed

*Hierem.*  
c. 48.

## ACTA DIOECESIS

sed etiam grauissimo peccato conscientias suas obligare ex præscripto SS. Canonum, præsertim verò Constitutionis Pij Papæ Quinti, quæ incipit. Ex proximo Lateranense Concilio pia & salubris sanctio emanauit &c. præsens Synodus declarat.

*Tit. de  
Cultu Di-  
uino.*

Quod verò ad omissionem earum Horarum Canonicarum quæ in omnibus Ecclesijs Parochialibus Diocesis Nostræ diebus Dominicis & Festis non minus ex laudabili consuetudine quam ex præscripto Synodi Volucianæ decantari debent, necnon Officij B. Virginis Mariæ, vbi ad illud decantandum ex Fundatione nondum prorsus extincta, aut notabiliter diminuta, peculiaris obligatio habetur pertinet, præcauendo ne cultus Diuinus diminuatur, neue intentio piorum Fundatorum defraudetur, contra eiusmodi negligentes, quos Nobis vel Officio Nostro Decani Rurales deferre debebunt, poenas Nostras arbitrarías ad vsum earundem Ecclesiarum conuertendas extendemus. Ac præterea Fundationes eiusdem Officij B. M. V. quas in nonnullis Ecclesijs nondum ad effectum, ob negligentiam eorum quorum interest, deductas esse in Visitatione comperimus, vt intra Semestre deducant seriò mandamus.

Qui autem Missas, quæ ex obligatione Fundatorum statis temporibus sunt celebrandæ, omiserint, statuimus vt similiter portionem census pro rata Missarum neglectarum parte per eosdem Decanos detrahenda, & pro Fabrica vel alijs necessitatibus eiusdem Beneficij conuerten: amittant. Porro per viscera misericordiae Dei omnes & singulos Nostræ Diocesis Sacerdotes obtestamur, monemus, & rogamus, vt ita parati ad tremen-

tremen-  
poris &  
memor  
feruent  
& si ean-  
ne præ  
Cuius r  
pro loc  
xistenti  
vt omni  
timora  
decimo  
delicto  
cramer  
mittan  
gationi  
lis exig  
pro nec  
conuer  
os Offi

De

CV  
Se  
ctoribu  
tempo  
rum aff



## VLADISLAVIENSIS.

11

1. Corin.

tremendum Missarum Sacrificium accedant, ne Corporis & Sanguinis Domini rei efficiantur; ac proinde memores quod sancta sanctè sint tractanda, nonnisi feruenti Oratione ac diligenti Conscientiæ examine, & si eam grauatam senserint, Sacramentali Confessione præuia hæc Sacra Misteria celebrare præsumant. Cuius rei causa decernimus quatenus Decani Rurales, pro locorum & Sacerdotum intra suum Districtum existentium commoditate, Confessarios assignent, & ut omnes Presbyteri, non tantum pro morè hominum timorata conscientiæ, hoc est octauo vel ad summum decimo quinto die, sed quotiescunq̃ue grauiori aliquo delicto conscientiam suam oneratam hebuerint, Sacramentalē reconciliationem celebrationi Missæ præmittant, diligenter attendant, eiusq̃ue rei in Congregationibus suis Decanalibus seriam rationem à singulis exigant, negligentes verò poenā Trium Marcarum pro necessitatibus illarum Ecclesiarum quas obtinent conuertenda puniant. Quod si contumaces fuerint eos Officio Nostro poenā duplici puniendos deferant.

## De Sacramentorum admini-

stratione & de cura animarum debitè  
exercenda.

**C**Vra animarum & Sacramentorum administratio, D. Greg.  
Scientia Scientiarum à grauissimis Ecclesiæ Do- par. 1.  
ctoribus est indicata, ad eam tamen exercendam his Past. c.  
temporibus etiam paulò rudiores ob defectum doctio- 1.  
rum assumi cogantur, quorum plerique propter adeò  
B 3 tenues

tenuēs Ecclesiarum suarum redditus, vt ad ipsos alēdos non sint sufficientes, libros necessarios, qui sparsim & prolixē doctrinam hanc tradunt, difficulter cōparare possunt. Idcirco in subsidium eorum Epistolam Pastoralem Illustrmi olim D. Maćciowski autoritate conscriptam, & à Sede Apostolica recognitam & approbatam, quasi quoddam promptuarium pro curatis Sacerdotibus confectum, ad vsum Dioecesis Nostræ Decretis præsentibus nostris Synodalibus adiūgemus, præcipientes omnibus & singulis Parochis, seu quibusvis alijs Presbyteris Secularibus & Regularibus curam animarum exercentibus, & Sacramenta administrantibus, vt ipsius modum & doctrinam compendiose traditam in omnibus sequantur, & exequantur. Ad eum etiam effectū Librum Rituum seu Agendorum ex Decreto Concilij Prouincialis ad normam Ritualis Ecclesiæ Romanæ omnium Ecclesiarum Magistræ recognitum, & recens Typis Cracouiæ excussum, necessariò ab iisdem est comparandum, & præscriptum ipsius circa administrationem Sacramentorum in omnibus obseruandum. Nos verò hic autoritate præsentis Synodi id tantum adiungimus, quòd ad debitam reuerentiā Venerabilis Eucharistiæ Sacramenti, in quo Corpus & Sanguinis CHRISTI Domini verissimè continetur, maximè pertinere arbitramur. Cum enim in Ciuitatibus & Oppidis etiam frequentioribus fieri videamus quandò ad infirmos hoc Sanctissimum Sacramentum defertur, nullos alios præter Presbyterum, & vnum vel alterum Scholarem comites habere, idque fiat non tam negligentia populi quàm potius quod ad eam primum & meritorium opus is non imputetur; Ideò

decer.

decerni  
in præ  
ferend  
pli affi  
vel si o  
propos  
dulgen  
in eum  
tissimo  
thorita  
benter

Cum  
tum no  
ter præ  
tunc ac  
cia non  
datur,  
in Eccl  
tissimè  
Vener  
Proces  
ne pera  
as pub  
seu ips  
Nobis  
fligend

De

M



## VLADISLAVIENSIS.

12

decernimus ut quoties hoc Divinissimum Sacramentum in prædictis Civitatibus & Oppidis ad infirmos erit deferendum, signum sono campanæ parvæ in medio templi affixæ detur, & Christi fideles ad illud comitandum, vel si occupati fuerint saltem ad adorandum inuocetur, propositis etiam ex ambona Quadraginta dierum Indulgentiis, quas Nos præter alias à Summis Pontificibus in eum finem concessas, omnibus hunc cultum Sacratissimo huic Eucharistiæ Sacramento exhibentibus auctoritate Nostra Ordinaria bonitati Divinæ confisi libenter elargimur.

Cum autem ad eundem Venerabilis Sacramenti cultum non minus quoque pertineat, ut in Ciborio decenter præparato & benè serato asseruetur, ac ut ante illud, tunc ad minus cum Ecclesia est aperta, & Divina Officia non celebrantur, lampas vel candella aliqua accendatur, volumus & omninò præcipimus, ut hæc omnia in Ecclesiis tam Secularibus quàm Regularibus diligentissimè obseruentur. In quibus etiam nunquam hoc Venerabile Sacramentum in publicum exponi vel in Processione (quæ quidem sine Baldachino nulla ratione peragi debet) deferri, aut etiam aliquas Indulgentias publicari licebit, nisi facultate à Sede Apostolica, seu ipsius Nunciò concessa, & per Nos admissa aut à Nobis obtenta, idque sub poenâ arbitraria per Nos infligenda.

### De Doctrina Christiana fidelibus populis tradenda.

**M**agno Nostro cum dolore ex visitatione intelleximus

ximus prima Fidei rudimenta ita à multis ignorari,  
 quod ex plebe plerique iam adulti reperiantur, qui se-  
 signo Crucis munire, Orationem Dominicam recitare,  
 Sacramentales Confessiones facere nesciunt, rari verò  
 qui Decalogi & Ecclesiæ Præcepta caleant, rarissimi  
 denique qui præcipua Fidei Nostræ mysteria præfer-  
 tim, de Sanctissima Trinitate & incarnatione Christi,  
 saltem ruditer prout tenentur, intelligant. Vnde fit  
 quod opera hostis humani generis, rudis plebecula  
 impiè superstitionibus potius ac anidius studeat, quam  
 Mysteria Fidei ad salutem necessaria addiscere. Diui-  
 naque mandata observare curet. Inhærendo igitur tam  
 Sacri Concilij Tridentini quàm Prouincialibus & Sy-  
 nodalibus Decretis statuimus autoritate præsentis Sy-  
 nodi, vt Parochialium Ecclesiarum Rectores, Cōmen-  
 darij, & alij omnes & singuli Presbyteri in subsidium  
 curæ animarum assumpti, tam Sæculares, quàm Regu-  
 lares, quicumque Concionatorum munus obeunt, sin-  
 gulis Dominicis & alijs Festiuis diebus semper ita suas  
 Conciones sermonesque ad populum circa Missarum  
 solennia accommodent, quatenus ipsorum sermonum  
 seu Concionum magna pars vel ex Cathéchismo Ro-  
 mano (quem in Vernaculam linguam mandato Illmi  
 Domini Archiepiscopi Gnesnensis translatus, & typis  
 propediem imprimendum ab omnibus Curatis compa-  
 rari volumus) iuxta dispositionem, in eo contentā,  
 vel ex alijs Autoribus, qui ad hoc magis pro captu au-  
 dientium apti videbuntur, desumptam Doctrinam  
 Cathéchisticam complectatur, & Rudimenta Fidei suo  
 Ordine congruaq; Methodo iuxta Ordinationes Præ-  
 decessorum Nostrorum tradantur. Vbi autem pome-  
 ridiano

Sess. 24.  
 c. 4. de  
 Reform.  
 Syn. Lip  
 sit. de Do  
 & Clui.

ridian  
 bus, &  
 Ciuit  
 cupin  
 antem  
 eadem  
 Quod  
 cular  
 conte  
 Rural  
 Qu  
 perti  
 quan  
 plora  
 nodu  
 iuslib  
 nom  
 quod  
 gent  
 ofun  
 sion  
 ieiun  
 fas d  
 eros  
 ucha  
 tand  
 Om  
 loru  
 etia  
 plen  
 nen



## VLADISLAVIENSIS.

15

ridiano tempore, populus ad Ecclesiam exhortationibus, & pulsu campanarum inuitatus (quod in omnibus Ciuitatibus & Oppidis populosis, fieri omnino cupimus) conuenire solet, tunc iam non in Concione antemeridiana, sed in congregatione pomeridiana, eadem ipsis Doctrina Christiana diligenter explicetur. Quod si Parochi, & Concionatores quicunque tam Seculares quàm Regulares, etiam Claustrales, facere hoc contempserint, contra tales ex delatione Decanorum Ruraliū, ad poenas arbitrarías in Domino procedemus:

Quoniam verò ad munus Curatorum vel maxime pertinet, vt non tam ex vultu oues suas cognoscant, quàm vt statum animarum illarum perspectum & exploratum habeant. Ideò illis seriò iniungit Sacra Synodus, vt circa visitationem, quam ostiatim initio cuiuslibet anni facere pro laudabili more consueuerunt, nomina Parochianorum suorum, per singulas domos quotannis conscribant: de vità & conuersatione diligenter inquirant, & si quid scandalosum, vel superstitiosum reppererint amoueant: Rationes annuæ Confessionis & Communionis ab illis exigant: Ad Festa & ieiunia ab Ecclesia indicta obseruanda, necnon ad Missas diebus solennibus audiendas, seriò admoneant: Pueros rationis capaces, ad Sacramenta Poenitentiae & Eucharistiae ritè percipienda informant, & ad frequentanda praescriptis ab Ecclesia temporibus, inducant: Omnem denique pietatem & honestatem in teneros illorum animos, quàm diligentissime instillent. Neque etiam in posterum, eosdem suos Parochianos (quod à plerisque, contra expressam Lipsicianam Constitutionem fieri comperimus) causa Indulgentiarum vel aliarum

*Tit. de  
Smo Euc  
charis. &  
Missae sa  
crificiis*

quarum solennitatum, in vicinis Ecclesijs celebrari solitarum ita deferant, vt propter ipsorum à suis Ecclesijs absentiam Missæ Sacrificio, & concione priuentur, nisi fortè Presbyteros habuerint, qui ipsorum vices suppleant, aut illa Ecclesia in qua solennitas peragitur, ita sit vicina, vt in ea sui Parochiani Diuinis commodè vacare possent. Ad eorum quoque officium pertinebit, Dominos tēporales Oppidorum, & quosuis alios Magistratus Ciuiles monere (quos & Nos præsentibus feriò monemus) ne contra præscriptum SS. Canonum & Constitutionum Prouincialium, fora tam hebdomadalia quàm annalia, aliosque mercatus diebus Dominicis & solennioribus Festis, in contemptum Creatoris sui & Sanctorum exercere permittant. Idque sub poena Excommunicationis, in prædictis Canonibus & Prouincialibus statutis expressa. Quòd si tempore messis ob varias diebus profectis occupationes, & ob inueteratam consuetudinem, id euitari non poterit, saltem ab eiusmodi negotiationibus abstineant, quo ad Diuina Officia in Ecclesijs non fuerint expedita. Similiter etiam eosdem Dominos & Magistratus, commonefaciant, ne contra eorundem Canonum & Prouincialium Constitutionum præscriptum, Iudæos familiam Christianam, præsertim foemineï sexus, annua mercede conducere, aut nocturna ipsius opera vti, in contumeliam nominis Christianæ permittant.

## De publicatione Bullæ Coenæ Domini & Casuum Sedi Episcopali referuatorum.

Quam



**Q**Vandoquidem omnibus Presbyteris, tam Secularibus quam Regularibus pro Confessionibus excipiendis expositis, ad conscientias poenitentium rite dirigendas, cognitio Casuum tam Sedi Apostolicæ quam Nostræ reservatorum, maximè sit necessaria, in Bulla, autem Coenæ Domini, præcipui Casus Papales expressi habeantur. Ideò volentes ut eam non minùs ipsi Confessarii præ oculis habeant, quàm etiam ut Concionatores eandem ex ambona sæpius populo denuncient, statuimus: ut non tantum Feria Quinta Magna, prout Decreto Sanctæ Sedis Apostolicæ præcipitur, integra publicetur, sed etiam quodocunq; vel iudicia publica Nobilitatis celebrabuntur, vel causa Dedicationis seu Tituli Ecclesiæ, maiori populi concursus, quàm aliàs cõsuevit apparabit, puncta illius quæ pro his partibus maximè seruiunt, & quæ hic à Nobis inferuntur, in memoriam populo per Concionatores vernacula lingua reuocentur. Qui verò id facere neglexerint, poenis condignis ex delatione Decanorum Ruralium arbitrio Nostro infligendis, punientur.

Puncta autem Bullæ Coenæ Domini, Sedi Apostolicæ reservata, quæ hanc Dioecesim Nostram afficere, aut in ea contingere, possunt hæc præcipua sunt.

*Gregorius Episcopus servus servorum DEI.*

Nos igitur vetustum & solennem hunc morem sequentes, excõmunicamus & anathematizamus ex parte Dei Omnipotentis Patris & Filij & Spiritus Sancti, authoritate quoque Beatorum Apostolorum Petri & Pauli, ac Nostra, quoscunq; Hussitas, Videuitas, Lutheranos, Zuingullianos, Caluinistas, Vgonotas, Anabaptistas, Trinitarios, ac omnes & singulos alios

Hæreticos, quocunque nomine nuncupentur, & cuiuscunque Sectæ existant, & eorum credentes, ipsorumque receptatores & fautores, & generaliter quoslibet, defensores ac eorundem libros Hæresim continentes; vel de religione tractantes, sine autoritate Nostra, & Sanctæ Sedis Apostolicæ scienter legentes, aut tenentes, imprimentes, seu quomodolibet defendentes, ex quavis causa publicè vel occultè quouis ingenio vel colore, necnon Schismaticos, & eos qui se à Nostra & Romani Pontificis pro tempore existentis obedientia, pertinaciter subtrahunt, vel recedunt.

Item excommunicamus & anathematizamus omnes, qui in terris suis noua pedagya seu gabellas, ad id potestatem non habentes imponunt vel augent, aut imponi vel augeri, prohibita exigunt.

Item excommunicamus & anathematizamus omnes illos, qui equos, arma, ferrum, filum ferri, stannum, chalybem, omniaque alia metallorum genera, atque bellica instrumenta, lignamina canapem, funos tam ex ipso canape, quam ex quacunque alia materia, & ipsam materiam aliaque huiusmodi, quibus Christianos impugnant, deferunt Saracenis, Turcis & alijs Christi nominis inimicis; Necnon illos qui per se, vel alium seu alios, de rebus Christianæ Republicæ, statum concernentibus, in Christianorum perniciem & damnum, ipsos Turcas, & Christianæ religionis inimicos, certiores faciunt, illisque ad id auxilium, consilium, vel fauorem, quomodolibet præstant. Non obstantibus quibuscunque Privilegijs & concessionibus quibuscumque, Principibus & Dominis, siue priuatis personis, per nos & sedem prædictam hactenus concessis, quæ illis nolumus in aliquo suffragari.

Item



## VLADISLAVIENSIS.

19

Item excommunicamus & anathematizamus omnes, interficientes, mutilantes, vulnerantes, verberantes, percutientes, capientes, in carcerantes, detinentes, vel hostiliter insequentes S. R. E. Cardinales, ac Patriarchas, Archiepiscopos, Episcopos, Sedisque Apostolicæ Legatos, vel Nuncios, aut eosdem eijcientes, à suis Diocæsis, territorijs, terris seu dominijs, eaque mandantes, vel rata habentes, seu præstantes eis auxilium, consilium, vel fauorem.

Item excommunicamus & anathematizamus omnes, & singulos Cancellarios, Vicecancellarios, & Consiliarios ordinarios, & extraordinarios, quorumcunq; Regum, & Principum, ac Præsidentes Cancellariarum, Cõsiliorum & Parlamentorum, necnõ Procuratores generales eorundem, vel aliorum Principum Sæcularium, etiam si Imperiali, Regali, Ducali, vel alia quacunque, præfulgeant dignitate, quocunque nomine nuncupentur, aliosque Iudices, tam Ordinarios quàm delegatos, necnon Archiepiscopos Episcopos, Abbates, Commendatarios, Vicarios, & Officiales, qui per se, vel alium seu alios autoritate propria, & de facto quarumcunque, exemptionum, vel aliarum gratiarum, & literarum Apostolicarum prætextu, beneficiales, & Decimarum ac alias Spirituales, & Spiritualibus annexas causas, ab Auditoribus, & Commissarijs Nostrijs, alijsque Iudicibus Ecclesiasticis auocant, illarum cursum, & audientiam, ac personas, Capitula, Cõuentus, Collegia, causas ipsas prosequi volentes, impediunt; ac se de illarum cognitione, tanquàm Iudices interponunt, ac partes Actrices quæ illas committi fecerunt & faciunt ad reuocandum & reuocari faciendum, Citationes, vel inhibitiones, aut

alias literas, in eis decretas, & ad faciendum vel consensuendum eos, contra quos tales inhibitiones emanarunt, à censuris & poenis illis contentis, absolui statuunt & compellunt; vel alias executionem literarum Apostolicarum, vel Executorialium Processuum, ac Decretorum prædictorum, etiam sub prætextu violentiæ prohibendæ, vel quòd ad Nos informandos vt ipsi dicunt supplicauerint, aut supplicari fecerint, nisi ipsæ supplicationes huiusmodi, coram Nobis, & Sede Apostolica, legitime prosequantur, quomodolibet impediunt, vel suum ad id fauorem consilium aut assensum præstant.

Quiuè ex eorum prætenso officio, vel ad instantiam quorumcunq; personas Ecclesiasticas, Capitula, Conuentus, & Collegia Ecclesiarum quarumcunq; coram se ad eorum Tribunal, audientiam, Cancellariam, consilium, vel Parlamentum, præter iuris Canonici dispositionem trahunt, vel trahi faciunt: Vel procurant directè vel indirectè quouis quæsitò colore. Necnon qui Statuta, Ordinationes, Constitutiones Pragmaticas, seu quæuis alia Decreta, in genere vel in specie, ex quouis causa, & quouis quæsitò colore; ac etiam prætextu literarum Apostolicarum, vsu non receptarum, seu reuocatarum, vel cuiusuis consuetudinis, aut Præiudicij, vel alias quomodolibet fecerint, ordinauerint, & publicauerint, vel factis & ordinatis vsi fuerint, vnde libertas Ecclesiastica tollitur, seu in aliquo læditur vel deprimitur: aut alias quouis modò restringitur, seu Nostris & dictæ Sedis ac quarumcunq; Ecclesiarum Iuribus, quomodolibet directè vel indirectè, tacitè vel expressè præiudicatur.

Necnon qui Archiepiscopos, Episcopos, aliosque  
super-

superi-  
 cunq;  
 bet im-  
 ca, con-  
 nes &  
 Concil-  
 tuunt

Qui  
 ad Nos  
 asticas  
 & alio  
 vsurpa-  
 mani P  
 pressa

Qui  
 lia one  
 sticis a  
 rum be  
 fructib  
 simili  
 impon  
 aut sic  
 ribus r  
 directè  
 rare, a  
 ut vot  
 non ve  
 tatis, C  
 ali aut  
 ees, C  
 tus qui



## VLADISLAVIENSIS.

21

superiores vel inferiores Prælatos, & omnes alios quoscunque Iudices Ecclesiasticos Ordinarios, quomodolibet impediunt, quominus suâ Iurisdictione Ecclesiastica, contra quoscunque utantur, secundum quod Canones & Sacræ Constitutiones Ecclesiasticæ, & Decreta Conciliorum generalium, & præsertim Tridentini, statuunt.

Qui iurisdictiones, seu fructus, redditus & prouetus, ad Nos & Sedem Apostolicam, & quascunque Ecclesiasticas personas, ratione Ecclesiarum, Monasteriorum, & aliorum Beneficiorum Ecclesiasticorum, pertinentes usurpant; vel etiam quauis occasione, vel causa, sine Romani Pontificis, vel eorum, ad quos iure pertinent, expressa licentia, sequestrant.

Qui uero Collectas, Decimas, tales, præstantias, & alia onera, Clericis, Prælati, & alijs personis Ecclesiasticis ac eorum & Ecclesiarum, Monasteriorum, & aliorum beneficiorum Ecclesiasticorum bonis, illorumque fructibus redditibus & prouentibus huiusmodi, absque simili Romani Pontificis, speciali & expressa licentia, imponunt; & diuersis etiam exquisitis modis exigunt; aut sic imposita, etiam à sponte dantibus & concedentibus recipiunt: necnon qui per se, vel alium, siue alios, directè vel indirectè prædicta facerè, exequi, & procurare, aut in eisdem auxilium, consilium, vel fauorem aut votum, seu suffragium, palàm vel occultè, præstare non verentur, cuiuscunque sint præminentia, dignitatis, Ordinis, conditionis, aut status, etiam si Imperiali aut Regali præfulgeant dignitate, seu Principes, Duces, Comites, Barones, Respublicæ, & alij Potentatus quicunque, etiam Regnis, Prouincijs, Ciuitatibus, &

ICCLII

terris quoquo modò præsidētes; aut quavis etiam Pontificali dignitate insigniti : Innouantes Decreta super his, per Sacros Canones tam in Lateranensi nouissimè celebrata, quàm alijs Concilijs generalibus edita, etiam cum censuris & pœnis in eis contentis.

Item excommunicamus & anathematizamus omnes, & quoscunq; Magistratus, Senatores, Præsidentes, Auditores, & alios Iudices, quocunq; nomine vocentur; ac Cancellarios, Vicecancellarios, Notarios, Scribas, ac Executores & Subexecutores, & alios quoquo modò se interponentes, in causis Capitalibus seu Criminalibus, contra personas Ecclesiasticas, illas baniendo, capiendo, processando, seu sententias contra illas proferendo, vel exequendo, etiam prætextu quorumcunq; Priuilegiorum, à Sede Apostolica, ex quibusvis causis, ac sub quibuscunq; Regibus, Ducibus, Principibus, Rebusp. Monarchis, Ciuitatibus, & alijs quibuscunq; Potētatib⁹, quocunq; nomine cēseantur, quæ nolumus illis in aliquo suffragari, illa omnia exnunc in irritū reuocādo. Hactenus Casus ex Bulla Coenę Domini excerpti.

A quibus quidem Casibus, nullus per alium, quàm per Romanum Pontificem, nisi in mortis articulo; & hoc non nisi de stando Ecclesię mandatis, & de satisfaciendo cautione præstita, absolui potest; alias & pœnitentes nulliter absoluntur, & Pœnitentiarij Excommunicationis Papalis vinculo, innodantur.

Porro cū etiam cognitio Casuum, Episcopo in foro Pœnitentiali reseruatum, omnibus Confessarijs, tam Sæcularibus quàm Regularibus, non min⁹ sit necessaria. Ideò etiam eosdem prædictis Confessarijs proponendos, illosque hic inferendos duximus; monentes

vnum.

vnum  
ria te  
ætern  
præte  
in tre  
bus, n  
redda

Præ  
confu  
Nobi  
nem,  
mult  
stater

Q  
& pri  
quæ

Q  
pus  
rum.

Q  
subd  
iecto  
iustē

Q  
surp

Q  
vel a

Q  
con

Q  
pro



unumquemque eorum ut hosce Casus legat, & memoria teneat, ne penitentes in periculum dispendij salutis æternæ, nulliter eos absolvendo coniiciant; & seipsum præter censuras, quæ indebitè absolventes aggravant, in tremendo Iudicio Diuino, quòd de perditis animabus, rationem strictam exiget, improuidè culpabilem, reddat.

Præter illos itaque Casus, qui tam de iure, quàm de consuetudine in hac Prouincia Episcopis reservantur, Nobis, etiam horum specialiter Criminum absolutiorem, in forò Pœnitentiali reservamus, in quæ sæpius multos hisce temporibus, prolabi Diuinamque Maiestatem, grauitè offendere deprehendimus.

*Sunt autem hi.*

QVI Beneficiorum Ecclesiasticorum Foundationes, & priuilegia studiosè occultant & supprimunt; ne ea, quæ ad Ecclesiam pertinent restituant.

Qui ad Beneficia sui Iuris patronatus, ideò intra tempus præscriptum, non præsentant, ut prouentibus eorum Beneficiorum, liberiùs abuti possent.

Qui siue Patroni Ecclesiarum, siue quouis alij laici subditos villarum Spiritualium, iuri Ecclesiastico subiectos, ad aliquos labores & seruitia, aut collectas, iniustè & violenter adigunt.

Qui legata ad pias causas supprimunt, vel pro se usurpant.

Qui post mortè Clericorum, bona mobilia rapiunt, vel aliquo modò, in sciò Officio Nostro, distrahunt.

Qui falsum testimonium scienter in iudicio, precio conducti deponunt.

Qui in Deum, vel Sanctos, deliberatè blasphemias proferunt.

D

Qui

# ACTA DIOECESIS

Qui sterilitatem vel abortum, studiose procurant.  
 Qui Virgines inuitas, rapiunt.  
 Qui incestum in primò vel secundò gradu cōmittūt.  
 Qui in adulterio, vel concubinato publico, manent,  
 & moniti resipiscere nolunt.  
 Qui parentibus violentas manus, cū lēfione infē-  
 runt.  
 Qui publicas vsuras, studiose exercent.  
 Qui Veneficijs & superstitionibus, cū expresso vel  
 tacito Dæmonis pacto vacant.

## De Regularibus.

*Con. Tri-* **Q**uoniam ad Confessiones legitimè excipiendas,  
*dent. Sef.* nullus Presbyter accedere potest, cui iurisdictio-  
*23. c. 15.* nis potestate uti non est permissum, nonnulli autem de  
 Regularibus reperiuntur, qui prætextu suorum Priui-  
 legiorum, licentia ab Ordinarijs non obtenta, non tã-  
 tum poenitentium Confessiones excipere, sed etiam  
 eosdem à Casibus Nobis reseruatis, contra expressam  
 Sacrorum Canonum inhibitionem, absoluerè præsu-  
 munt, proindequè non tantum animas Christi fideiū,  
 in graue periculum inducunt, sed & ipsi poenas in Cle-  
 mentina C. Religiosi de Priuilegijs & excessibus Priui-  
 legiatorum, temerè incurrunt. Ideò ne eiusdem Con-  
 stitutionis ijdem in Nostra Diœcesi commorâtes, igno-  
 rantiam prætendant, eandem, hic insinuandam ipsis  
 decreuimus. Cuius tenor talis.

Religiosi qui Clericis, aut laicis, Sacramentum Vn-  
 ctionis Extremæ; vel Eucharistiæ ministrare; Matri-  
 moni-

monia  
 Presby  
 à Cano  
 per Pri  
 senten  
 mulga  
 culpa  
 munic  
 dem A  
 locor  
 excon  
 absol  
 giosis  
 gio su  
 Qu  
 inter  
 hiben  
 detra  
 suaru  
 nunci  
 stamē  
 à lega  
 tores  
 sibi a  
 uenti  
 cure  
 corn  
 ut pe  
 deleg  
 tes v  
 mult



moniaue solennizare, non habita super his Parochialis Presbyteri licentia speciali; aut qui excommunicatos à Canone, præterquam in Casibus à iure expressis: vel per Priuilegia Sedis Apostolicæ concessis eisdem, vel à sententijs per Statuta Prouincialia, aut Synodalia, promulgatis, seu ( vt verbis eorum vtamur ) à pœna & à culpa, absoluerè quemquam præsumpserint, excommunicationis incurrant sententiam ipso facto; per Sedem Apostolicam duntaxat absolueri: quos etiam locorum Ordinarij ( postquam de hoc eis constituerit ) excommunicatos faciant publicè nunciari, donec de absolutione ipsorum eis fuerit facta fides, nullo Religiosis eisdem super hoc exemptionis, vel aliò Priuilegio suffragante.

Quibus etiam in virtute Sanctæ Obedientiæ, & sub interminatione maledictionis æternæ, districtius, inhibemus: Ne in sermonibus suis Ecclesiarum Prælati detrahant, aut etiam retrahant laicos, ab Ecclesiarum suarum frequentia, vel accessu, seu Indulgentias, pronuncient indiscretas. Neque ( cum confessionibus Testamētorum interfuerint ) à restitutionibus debitis, aut à legatis Matricibus Ecclesijs faciendis retrahant testatores: Nec legata, vel debita, aut malè ablata, incerta, sibi aut alijs singularibus sui Ordinis Fratribus, vel Cōuentibus, in aliorum præiudiciū fieri seu erogari procurent: Nec etiam in Casibus Sedis Apostolicæ aut Locorum Ordinarijs reseruatis, quempiam absoluerè: Aut personas Ecclesiasticas, præsertim coram ludicibus, delegatis à Nobis, suam contra eos iusticiam prosequētes vexare indebitè, aut ad loca plura, & præsertim multum remota, conuenire præsumant. Si qui verò

## ACTA DIOECESIS

præmissa, vel aliquid de præmissis attentare præsum-  
pserint; per duos Menses subiaceant poenis illis, quæ  
secundum eorum Regulam vel statuta, pro grauibus,  
criminibus seu culpis, eis consueuerunt imponi. Super  
quibus absque manifesta necessitate, cum eis non vale-  
ant dispensari.

Cæterum prælati eorum, nisi de his, quæ occasione  
præmissorum excessuum, ad eos quoquo modo perue-  
nerint, Ecclesijs aut personis Ecclesiasticis, damnifica-  
tis, vel læsis, satisfactionem plenariam exhibuerint, infra  
menssem, postquam super hoc fuerint requisiti, suspen-  
sionis sententiam usque ad satisfactionem debitam, eo  
ipso incurrant, non obstantibus præmissis statutis, aut  
quibuscumque Privilegijs, cuiuscunque tenoris existant.  
Sanè Religiosis illis, quibus est ab Apostolica Sede cõ-  
cessum, ut familiaribus suis domesticis, aut pauperibus,  
in Hospitalibus suis degentibus, Sacramenta possint Ec-  
clesiastica ministrare, nullum ex præmissis volumus quo-  
ad hoc, præiudicium generari.

Haftenus Constituto Clementina.

Cum verò ad eorundem Regularium informationem,  
necnon omnium fidelium salutem, bonumque in Ecc-  
lesia ordinem conseruandum, binæ recentes Constitu-  
tiones, felicitis recordationis, Gregorij Papæ XV. vna,  
de Sacramentis ab eisdem Regularibus administrandis:  
altera verò, de conseruatoribus ab illis eligendis, non  
ita pridem emanarint, quæ nondum in Diœcesi nostra  
sunt publicatæ, ideo ut ad notitiam omnium in Nostra  
Diœcesi degentium perueniant, easdem Sacra Syno-  
dus publicandas, & hic inferendas decreuit. Tenores  
autem prædictarum Bullarum hi sunt. Prioris quidem.  
GREGORIUS EPISCOPUS SERVUS SERVORUM DEI. Ad

Ad

Insc  
Igm  
ralis N  
eam cu  
tis ran  
fiastic  
Mona  
idone  
dum.  
rum e  
Conf  
nec ac  
ficiun  
debit  
appre  
ut in  
quib  
um p  
seu lo  
cular  
in ijs  
nistr  
restr  
ut E  
inter  
Mon  
Apo



## Ad perpetuā rei memoriam.

**I**nscrutabili Dei prouidentia, vniuersalis Ecclesiæ regimini, meritis licet imparibus præsidentes, Pastoralis Nostræ sollicitudinis partes esse dignoscimus, in eam curam præcipuè incumbere, vt à dignis, & probatis tantum Sacerdotibus, Sanctè administrentur Ecclesiastica Sacramenta; atque vt virginum Deo Sacrarum Monasteria, diligentissime custodiatur, & viri assumantur idonei ad prædicationis Officiū salubriter exequendum. Sanè Tridentinæ Synodi Decretis prouidè cautum est, nullum Presbyterum etiam Regularem, posse Confessiones secularium, etiam Sacerdotum audire, nec ad id idoneum reputare, nisi aut Parochiale Beneficiū habeat, aut ab Episcopis per examen, si illis videbitur esse necessarium, aut alias idoneus iudicetur, & approbationem quæ gratis detur obtineat. Nec non, vt in Monasterijs seu domibus virorum, seu mulierum, quibus imminet animarum cura, personarum secularium præter eas, quæ sunt de illorum Monasteriorum, seu locorum familia personæ, tam Regulares quàm seculares, eiusmodi curam exercentes, subsint immediatè in ijs, quæ ad dictam curam & Sacramentorum administrationem pertinet, iurisdictioni, visitationi, & correctioni Episcopi, in cuius Diœcesi sunt sita. Item quæ vt Episcopi vniuersi, sub obtestatione Diuini Iudicij, & interminatione maledictionis æternæ, in omnibus Monasterijs sibi subiectis Ordinariâ, in alijs verò Sedis Apostolicæ auctoritate clausuram Sanctimonialium,

vbi violata fuerit, diligenter restitui, & vbi inuiolata est conseruari, maxime procurent; inobedientes atq; contradictores per censuras Ecclesiasticas, aliasq; poenas, quacunque appellatione postposita compescerent. Atque vt Regulares in Ecclesijs suorum Ordinum prædicare volentes, se coram Episcopis præsentare, & ab eis benedictionem petere, teneantur, in Ecclesijs verò quæ suorum Ordinum non sunt, nullo modo prædicare possint, sine Episcopi licentia, contradicente autem Episcopo, nulli, etiam in suorum Ordinum Ecclesijs, prædicare præsumant. Verùm quia experientia compertum est, Ecclesiastici regiminis rationes postulare, vt decretis eiusmodi aliquid adiungatur, matura deliberatione Nostra, & ex certa scientia, ac de Apostolicæ potestatis plenitudine, hâc generali perpetuò valitura Constitutione decernimus, statuimus, & declaramus: vt deinceps tam Regulares, quàm Seculares, quomodolibet exempti, siue animarum curam, personarum Secularium Monasterijs, seu domibus, Regularibus; aut quibusuis alijs Ecclesijs, vel Beneficijs; siue Regularibus, siue Secularibus, incumbentem exercent; siue alias, Ecclesiastica Sacramenta, aut vnum ex illis ministrent, præuia Episcopi licentia, & approbatione; siue quoquò modò in dictæ curæ exercitio, aut in eorundem Sacramentorum, vel alicuius ex illis administratione de facto absq; vlla authoritate, se ingerunt, in his, quæ eiusmodi curam seu administrationem concernunt, omnimodò iurisdictioni, visitationi, & correctioni Dioecesani Episcopi, tanquam Sedis Apostolicæ delegati, plenè in omnibus subiciantur. Adhæc tam Regulares, quàm Seculares huiusmodi,

di, nul  
quo m  
degent  
ministr  
gularib  
quam  
quand  
fessore  
docum  
dinarij  
subiect  
nisi pri  
& app  
ministr  
nialium  
pertine  
quomo  
am Sup  
admini  
neantu  
ant. L  
ores, R  
atque  
id facer  
piscop  
nistrato  
dicane  
perior  
Prioris  
dem M  
electio



di, nullis Privilegijs aut exēptionibus, tueri se possint:  
 quo minùs si deliquerint circa personas intra septa,  
 degentes, aut circa clausuram, vel circa bonorum ad-  
 ministrationem Monasteriorum Monialium etiam Re-  
 gularibus subiectarum, ab Episcopo loci similiter, tã-  
 quam ad hoc Sedis Apostolicæ delegato quoties &  
 quando opus fuerit puniri & corrigi valeant. Con-  
 fessores verò siue Regulares, siue Seculares, quomo-  
 docunq̃ exempti tam Ordinarij, quàm extraor-  
 dinarij, ad Confessiones Monialium etiam Regularibus  
 subiectarum audiendas, nullatenus deputari valeant,  
 nisi prius ab Episcopo Diocesano idonei iudicentur,  
 & approbationem quæ gratis concedatur. Sed & ad-  
 ministrantes bona ad eiusmodi Monasteria Sanctimo-  
 nialium, vt præfertur, etiam Regularibus subiectarum  
 pertinentia siue Regulares extiterint, siue Seculares,  
 quomodolibet exempti; Episcopo loci, adhibitis eti-  
 am Superioribus, Regularibus, singulis annis rationis,  
 administrationis, gratis tamen exigendas, reddere te-  
 neantur, ad idquē iuris remedijs cogi & compelli que-  
 ant. Liceatquē Episcopo ex rationabili causa Superi-  
 ores, Regulares admonere, vt eiusmodi Confessores,  
 atquē Administratores amoueant, ijsq̃ Superioribus,  
 id facere detrectantibus aut negligentibus, habeat E-  
 piscopus facultatem prædictos Confessores, & Admi-  
 nistratores amouendi, quoties & quando opus esse iu-  
 dicauerit. Ac similiter possit Episcopus, vna cum Su-  
 perioribus, Regularibus, quarumcunq̃ Abbatissarū,  
 Priorissarum, Præfectarum, vel Præpositarum eorun-  
 dem Monasteriorum, quocunq̃ nomine apellantur,  
 electionibus per se vel per alium interesse ac præsidere,  
 absque

absque vlla tamen ipsorum Monasteriorum impensa. Ac demum habeat Episcopus, tanquam dictæ Sedis delegatus, auctoritatem coercendi ac puniendi quoscunque exemptos, tam Seculares, quam Regulares, qui in alienis Ecclesijs, aut quæ suorum Ordinum non sunt, absque Episcopi licentia, & in Ecclesijs suis aut suorum Ordinum, non petita illius, benedictione aut ipsis contradicente, prædicare præsumperint. Ita ut Episcopi in superscriptis Casibus, & in prænomintas personas, in præmissis omnibus & singulis, aut circa ea quoquo modò delinquentes, quoties, & quando opus fuerit, etiam extra Visitationem, per censuras Ecclesiasticas aliasque poenas, vti eiusdem Sedis delegati procedere, omnemque iurisdictionem exercere, liberè & licitè valeant. Decernentes sic per quoscunque Iudices quauis auctoritate fungentes, etiam Sacri Palatii Auditores, necnon Sacræ Romanæ Ecclesiæ Cardinales, sublata eis & eorum cuilibet quauis aliter iudicandi, vel interpretandi facultate & auctoritate, iudicari & definiri debere; Irritum quoque & inane, si secus super his à quoquam quauis auctoritate scièter vel ignoranter contigerit attentari. Non obstantibus, Constitutionibus, & Ordinationibus Apostolicis, in fauorem quarumcunque personarum, atque Regularium Mendicantium, quam non Mendicantium. Militiarum etiam Sancti Ioannis Hierosolymitani, Congregationū, Societatum, ac cuiusvis alterius instituti etiam necessariò, & in indiuiduo exprimendi, Monasteriorum, Conuentuum, Capitulorum Ecclesiarum, & aliorum quorumcunque, tam Secularium, quam Regularium, locorum, necnon illorum, etiam iuramento, confir-

mati.

mati  
tis,  
libus  
etiam  
nero  
ri Ma  
serua  
bitio  
& qu  
mis,  
rijs,  
non  
certa  
aut a  
tion  
prob  
dero  
mis,  
auto  
tio,  
exq  
de v  
illis  
exp  
sent  
furi  
tran  
sent  
men  
La  
can



mationē Apostolica; vel quauis firmitate alia roboratis, Statutis vel consuetudinibus, etiam immemorabilibus, exemptionibus quoque, Indultis, & Priuilegijs, etiam in corpore iuris clausis, aut ex causa & titulo oneroso, vel in limine Foundationis concessis, etiam Mari Magno seu Bulla Aurea, aut alias nuncupatis; Conseruatorum deputationibus, eorumque atq; alijs inhibitionibus, quibus Episcopi deferre minimē teneantur, & quibusuis alijs, sub quibuscunq; tenoribus & formis, ac cum quibusuis etiam derogatorijs derogatorijs, alijsque efficacioribus, & in solitis clausulis, necnon irritantibus Decretis, etiam motu proprio, & ex certa scientia, ac de Apostolicæ potestatis plenitudine, aut alias quomodolibet, etiam per viam communicationis, seu extensionis concessis, & iteratis vicibus approbatis & innouatis, etiam si pro illorum sufficienti derogatione de illis, eorumque totis tenoribus & formis, specialis & indiuidua, ac de verbo ad verbum, non autem per clausulas generales, idem importantes mentio, seu quæuis alia expressio habenda, aut aliqua alia exquisita forma seruanda esset, tenores huiusmodi, ac si de verbo ad verbum, nihil penitus omissio, & forma in illis tradita obseruata, inserti forent, præsentibus pro expressis habentes, quibus, quo ad ea quæ eisdem præsentibus, aduersantur illis, alias in suo robore permanentibus, specialiter & expresse derogamus; cæterisque contrarijs quibuscunq;. Cæterum quia difficile foret, præsentibus literas ad singula quæque loca deferri: vt cæramen omnibus innotescant, mandamus, illas ad valuas Lateranen: & Principis Apostolorum, de Vrbe Basilicarum, atque Cancellariæ Apostolicæ, & in acie cam-

pi Floræ publicari, & inibi affigi, & per aliquot temporis spacium dimitti, eisq; detractis, earum exempla eo in loco relinqui. Ac volumus, vt earundem præsentium literarum transumptis etiam impressis, manu alicuius Notarij publici subscriptis, & Sigillo Palati, seu personę, in dignitate Ecclesiastica constitutę munitis, in iudicio, & extra illud, vbi opus fuerit, eadem prorsus fides adhibeatur, quę ipsis Originalibus adhiberetur, si forent exhibitę vel ostensę. Nulli ergo omnino hominum liceat, hanc paginam Nostrorum, Statuti, declarationis, decretorum, derogationis, mandati & voluntatis, infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri & Pauli Apostolorum eius, se noverit incursum. Datum Romę, apud Sanctum Petrum. Anno Incarnationis Dominicę M. DC. XXII. Nonis Februarij, Pontificatus Nostri Anno Secundo.

V. Dat.

*S. de Vrsini.*

*Registrata in Secretaria Brevium.*

**In nomine Domini, Amen.**

Anno, à Natiuitate Domini Nostri IESV CHRISTI, M. DC. XXII. Indictione Sexta, die veró Octaua, Mensis Februarij.

**P**ontificatus autem Sancti in Christo Patris & Dñi Nostri, D. Gregorij, Diuina Prouidentia Papę XV. Anno Secundo, retroscriptę literę Apostolicę affixę & publicatę fuerūt, ad Valuas Basilicarū S. Ioānis Latera-

*DECE*



## VLADISLAVIENSIS.

33

nēn: Principis Apostolorum, de Vrbe, ac Cācellariæ  
Apostolicæ, & in acie Campi Floræ, dimissis ibidem  
earundem literarum Originalibus appensis; per ali-  
quot temporis spacium, & exinde remotis, deinde,  
dimissis, earundem literarum copijs affixis, vt moris est  
per Nos Cosmum Modium, & Alexandrum de Rochis  
Sanctissimi Domini Nostri Papæ Cursores.

*Octavius Spada Magister Cursorum.*

**P**osterioris vero. Sanctissimus in Christo Pater, & Do-  
minus Noster D. GREGORIUS, Diuina Prouidentia Pa-  
pa XV. ex certis rationabilibus causis, animū suū mo-  
uentibus, & de voto Venerabilium Fratrum suorum S.  
R. E. Cardinalium, Concilij Tridentini Interpretum,  
partim fælicis record. CLEMENTIS Papæ VIII. Præde-  
cessoris sui, vestigijs inhærendo; reuocauit, ac nullas  
& inualidas decreuit, omnes & quascunque iudicium  
Conseruatorum, Electiones, Nominationes, seu Depu-  
tationes, tam in vim literarum conseruatoriarum, iuxta  
formam, in quinterno Cancellariæ descriptam, quā  
in vim, quorumcunque Priuilegiorum, perpetuò, vel  
ad tempus nondum elapsū, Apostolica auctoritate  
concessorum, seu alias quocunque iure, vel titulo ha-  
ctenus factas, pro quibuscunque Conuentibus, Capi-  
tulis, Militijs, etiam Sancti Ioannis Hierosolymitani,  
Congregationibus, Collegijs, Ordinibus, Monaste-  
rijs, Hospitalibus, aut alijs quibuscunque pijs, tam Secula-  
ribus, quā cuiusuis Ordinis, etiam Mendicantium,  
seu Instituti, vel Societatis, Regularibus locis quantum-  
uis exemptis, etiam de necessitate exprimendis, seu il-  
lorum personis, cuiusuis qualitatis seu conditionis exi-  
stant.

stant. In futurum verò Sanctitas sua, hâc Generali & perpetuò valiturâ constitutione, statuit & decreuit; vt Iudices, Conseruatores huiusmodi, siue personales, siue subrogati, eligi, nominari, aut deputari non possint, nisi non solùm habeant qualitates requisitas, & descriptas in Constitutione similis recordat. BONIFACII Papæ VIII. etiam Prædecessoris sui, quæ incipit *Statutum*; vel dignitate Ecclesiastica præditi, vel personatum obtinentes, vel Ecclesiarum Cathedralium Canonici existant; sed etiam in Concilijs Prouincialibus, aut Dioecesanis, iuxta Decretum Concilij prædicti, Iudices Electi, seu designati sint. Quodque deinceps litteræ Conseruatoriæ, per Sedem Apostolicam concedendæ, superscriptis tantum dirigantur: & si quæ litteræ aliter expedientur, illæ, ac deputationes huiusmodi, omniaq; exinde sequenda, nullius sint roboris, vel momenti. Et nihilominus qui secus, quàm iuxta formam superiùs præscriptam, Conseruatores huiusmodi cum effectu eligere nominare seu deputare; aut electis, nominatis seu deputatis, vt ausi fuerint, Regulares quidem voce actiua & passiua, sint ipso iure priuati; adeò vt habilitationem à nemine, præterquam à Romano Pontifice, consequi valeant; Reliqui verò alijs poenis arbitrio Sanctitatis suæ còerceantur, & prædictorum omnium, Conuentus, Monasteria, ac loca huiusmodi eorumque personæ, ac bona, careant conseruatore ad annum: ita vt illorum causæ interea, coram Locorum Ordinarijs duntaxat cognosci, ac definiri debeant. Cæterum vt latius pateat, Còseruatorum huiusmodi deligendorum facultas, Sanctitas sua, admonitos voluit. omnes locorum Ordinarios, vt in Synodis Prouincialibus.

libus  
tibus  
BONI  
aptas  
signa  
confi  
ram  
per  
mili  
ris  
ius  
Sex  
stitut  
more  
eiusq  
fra  
rum  
mino  
mam  
eisdem  
tores  
tima  
prou  
appro  
nis, a  
Adha  
torib  
quide  
here  
causis  
lam p



libus, aut Dioecesanis, quàm plures personas ex habebatibus qualitates in prædicta Constitutione, eiusdem BONIFACII Prædecessoris contentas, & alioquin ad id aptas, designare procurent; & si aliquem interim ex designatis mori contigerit, substituatur Ordinarius loci, cū consilio Capituli, alium in eius locum, usque ad futuram Prouincialem, aut Dioecesanam Synodum. Insuper Sanctitas sua, inhærendo hac in parte Decreto similis record. GREGORII Papæ XIII. etiam Prædecessoris sui statuit, & ordinauit; vt Regulares ac personæ huiusmodi in Italia infra duos, extra Italiam verò, infra Sex Menses, à die publicationis, in Vrbe præsentis Constitutionis inchoandos, debeant sibi eligere seu assumere conseruatores, iuxta formam superius propositā, eiusque Electionis, seu assumptionis documentum infra tempus huiusmodi, penes Acta Curie Ordinariorum exhibere, & dimittere teneantur: alioquin eo termino elapso, quamdiu conseruatores secundum formam præsentis Constitutionis non elegerint, coram eisdem Ordinarijs, conueniantur: quodque Conseruatores huiusmodi semel legitimè deputati, nisi ex legitima causa à Sede Apostolica, aut locorum Ordinarijs, prout iisdem Regularibus, & alijs supradictis libuerit approbanda, durante quinquennio, à die deputationis, amoueri aut mutari nullatenus possint aut valeāt. Adhæc statuit Sanctitas sua, vt coram ipsis Conseruatoribus, Regulares, ac personæ superscriptæ, conueniri quidem aut trahi debeant, sed alios conuenire, aut trahere non possint; Ita vt memorati conseruatores, in causis in quibus Regulares, & alij Actores fuerint, nullam prorsus iurisdictionem habeant, sed in ijs tantum

E ;

in qui-

in quibus rei extiterint : neque extra Ciuitatis seu Diœcesis, in quibus fuerint deputati, contra quoscunq; procedere præsumant. Si qua verò inter Iudices Conseruatores, huiusmodi & locorum Ordinarios, controuersia super competentia iurisdictionis, orta fuerit; nequaquam in causa procedatur, donec per Arbitros in forma Iuris electos, super Iurisdictionis competentia, fuerit iudicatum. Quòd si qui conseruatores, siue in hac parte, siue alias, quomodolibet suos limites excesserint, per annum ab Officio conseruatoris, huiusmodi, suspensi sint, & pars quæ hoc fieri procurauerit, sententiam Excommunicationis incurrat, iuxta formam alterius Constitutionis, eiusdem BONIFACII Prædecessoris, quæ incipit : *Hac Constitutione* : quam Sanctitas sua, in his omnibus quæ præsentì Constitutioni non aduersantur, innouauit & innouat. Per hoc tamè, non intendit Sanctitas sua prohibere, quominus Regulares, & alij supradicti, in Casibus à iure permissis, petant Iudicem non suspectum à Principibus, seu Magistratibus Secularibus, dum tamen hæc tria copulatiuè concurrant : Videlicet vt Regulares, & alij prædicti sint Actores, non autem Rei; vtque agant contra Ecclesiasticum, vel alias à iurisdictione Seculari exemptum; atque vt causa, in qua Iudex deputatur, fuerit, prophana, non autem Ecclesiastica; & in ea iuxta Sacrorum Canonum dispositionem laicus vt præfertur, eligendus Iudex, competens existant. Quæ omnia & singula in præsentì Constitutione contenta, Sanctitas sua voluit inuolabiliter obseruari, decernens : sic in ijs cæterisque omnibus præmissis, per quoscunq; &c. etiam Sacri Palatii Apostolicæ Auditores, necnon Sacre Romanæ

Rom  
&c. n  
stitue  
Con  
stitue  
num  
Mili  
greg  
tuti,  
tulor  
quor  
locon  
tione  
statu  
Prinil  
dultis  
Bulla  
tenor  
torian  
litis cl  
& ex  
tudin  
munie  
vicib  
suffici  
formi  
non a  
ment  
alia ex  
di, ac  
forma



## VLADISLAVIENSIS.

37

Romanæ Ecclesiæ Cardinales, sublata &c. iudicandi  
 &c. necnon irritum & inane &c. Non obstantibus Cō-  
 stitutionibus & Ordinationibus Apostolicis, ac literis  
 Conseruatorijs, quas omnes ad formam præsentis Cō-  
 stitutionis reduxit, in fauorem quorumcunque Ordini-  
 um, tam Mendicantium, quàm non Mendicantium,  
 Militiarum, etiam S. Ioannis Hierosolimyti Congregationum, Societatum, aut cuiusuis alterius Instituti, etiam necessariò exprimendi, Collegiorum, Capitulorum, Ecclesiarum, Monasteriorum, ac piorum, quorumcunque, tam Secularium quàm Regularium locorum; necnon illorum etiam, iuramento, confirmatione Apostolica, vel quauis firmitate, alia roboratis, statutis, & consuetudinibus, etiam immemorabilibus, Priuilegijs quoque, etiam ex causa & titulo oneroso indultis, & literis Apostolicis, etiam Mari Magno seu Bulla aurea, aut alias nuncupatis, sub quibuscunque tenoribus & formis; ac cum quibuscuis, etiam derogatorijs derogatorijs, alijsque efficacioribus & insolitis clausulis, necnon irritantibus etiam motu proprio, & ex certa scientia, ac de Apostolicæ potestatis plenitudine, aut aliàs quomodolibet, etiam per viam communicationis, seu extensionis, concessis, & iteratis vicibus approbatis & innouatis, etiamsi pro illorum, sufficienti derogatione, de illis eorumque tenoribus & formis, specialis & indiuidua, ac de verbo ad verbum, non autem per clausulas generales idem importantes mentio, seu quæuis alia expressio habenda, aut aliqua alia exquisita forma seruanda esset; tenores huiusmodi, ac si de verbo ad verbum, nullo penitus omisso & forma in illis tradita, obseruata, inserti forent, præsc-

tibus

tibus pro expressis habens: quibus quò ad ea quæ præsentibus aduersantur, illis, aliàs in suo robore perman-  
suris, hac vice duntaxat, specialiter & expresse dero-  
gavit. Cæterisque contrarijs quibuscunque. Cæterum  
vt præsens Constitutio, facilius omnibus innotescat,  
Sanctitas sua voluit, & mandauit, vt non solum in  
Cancellaria Apostolica, sed etiam ad Valuas Basilicæ  
Principis Apostolorum de Vrbe, & in acie Campi Flo-  
ræ publicetur; illiusque exempla, in iisdem locis affi-  
xa dimittantur, ac in Quinterno Cancellariæ inter Cō-  
stitutiones perpetuas, describatur & annotetur.

Placet, publicetur, & describatur. A. Lecta & pu-  
blicata fuit, supradicta Cōstitutio, in Cancellaria Apo-  
stolica, ab altero ex R. P. D. Maioris Præfidentie Ab-  
breuiatoribus, die Vigesima Mensis Septembris. Anno  
Incarnationis Dominicæ, Millesimo Sexcentesimo Vi-  
gesimo primo. Pontificatus verò, prælibati SS. D. No-  
stri D. Gregorij Papæ XV. Anno primo. Et postmo-  
dum die & anno supradictis, in Quinterno eiusdem  
Cancellariæ, inter alias Constitutiones Apostolicas  
descripta, & annotata fuit. Nicolaus Vrsinus Procustos.

In DEI nomine AMEN. Anno á Natiuitate Dñi  
Nostri JESV Christi, M. DC. XXI. Indictione quar-  
ta, Die verò Vigesima Septembris.

Pontificatus SS. in Christo Patris & Domini Nostri;  
D. GREGORII Diuina Prouidentia Papæ XV. Pontifi-  
catus Sui, Anno primo, retroscripta Constitutio Apo-  
stolica, affixa & publicata fuit, in Valuis Basilicæ, Prin-  
cipis Apostolorū de Vrbe, & in acie Campi Floræ per  
me Augustinum Bracherium Apostolicum Cursorum.

Osauus Spada Magister Cursorum. De



## De dotibus, &amp; prouentibus

Ecclesiasticis, perperam vsurpatis, vel  
neglectis, repetendis.

**B**eneficiatorum quorundam supina negligentia, ac nonnullarum personarum Secularium caeca cupiditate factum est, quod dotes multarum Ecclesiarum, & iura ac Priuilegia suppressa existunt, nec ea quæ debentur Ecclesijs earumque Ministris, vsurpatores restituere curant, immò repetita quasi malicia, licere sibi eandem vsurpationem & suppressionem, nonnulli etiã existimant. Ne igitur errore, tam damnabili, deinceps detineantur, & vt aliquando resipiscant, eaquẽ omnia quæ olim Deo omnium bonorum datori, & Ecclesiæ ipsius Sacrosanctè dicata fuerunt, contra seuerissimum Concilij Tridentini edictum, vsurpata & detenta plenè restituant; Statuimus vt hoc idem Edictũ, quod Sess. 22. c. 11. habetur, quater in anno, Dominicis immediatè, Quatuor anni tempora sequentibus; necnon quoties populus, causa Indulgentiarum, Dedicationum, Conuentuum Particularium, Electionum, Iudiciorum, & aliorum actuum publicorum, frequentior ad Ecclesias conuenire solet, pro admonendis istiusmodi detentoribus seu occupatoribus, post concionem publicè ex ambona, in vernaculam linguam fideliter translatum, prælegatur. Porro Parochi & alij Beneficiati omnes & singuli, tam Seculares, quàm Regulares, à Sacra Synodo seriò monentur, ne illos contractus in præiudicium Ecclesiæ, vel Successorum suorum,

F

cum

## ACTA DIOECESIS

cum Patronis, & alijs personis, ratione prouentuum ad Beneficia sua pertinentium, in consilio Ordinario incant, neue ab ijs recuperandis aliquibus promissionibus, vel minis deterreantur, immò memores sui iuramenti, circa Institutionem de alienatis recuperandis præstiti, de suarum Ecclesiarum & Beneficiorum obventionibus quàm primùm iure agere non negligant. Ad quem Nos quoque effectum, aduocatum Iuris nostri peritum, qui Pauperum Parochorum & Sacerdotum causas in Iudicijs Tribunalicijs, quando illuc per appellationem deuoluentur, promouebit, iuxta Statuti Provincialis dispositionem prouidebimus. Negligentes verò in prouentibus suis recuperandis, pro arbitrio Nostro puniemus.

Quemadmodum & eos, qui ædificia Ecclesiarum, & ædium Parochialium ita negligunt, vt in dies maiorem ruinam minentur. Quorum restorationi, vt Decani Rurales diligenter attendant, & negligentes Nobis vel Officio Nostro deferant, seriò iniungimus.

Sed nec illud cum minori Ecclesiarum Parochialium damno fieri videmus, quando Curati pecuniam ex Eleemosyna pro fabrica, vino, cera, & alijs necessitatibus Ecclesiæ collectam, vel in suos priuatos vsus, Sacrilègè conuertunt, vel etiam amicitie captandæ causa Parochianis suis, eandem mutuo concedunt, quam deinde ab illis difficiliter vel nūquam exigere possunt. Quamobrè autoritate præsentis Synodi præcipimus, vt deinceps eiusmodi pecuniæ rationes, tam per Parochos, quam per Ædituos, seu Victricos, (quos in singulis Parochialibus Ecclesijs binos, Sacramentali iuramento obstrictos, quamprimùm à Decanis Ruralibus institui



## VLADISLAVIENSIS.

49

institui, omnino volumus) conscribantur, & sub duabus Clauibus, quarum alteram Parochi, alteram Vicarici penes se retineant, conseruetur, neque ullis personis, & Patronis Ecclesiarum mutuò sine expressa licentia Officij Nostri, sub poena dupli concedatur; quæ verò iam est concessa omnino infra Sex Menses, per eos, qui eam mutuò dederunt, sub refusione de proprio are exigatur; attendentibus ad id Decanis, Nobisque vel Officio Nostro negligentes post terminum elapsum deferentibus.

## De Ecclesiarum omnino desolatarum, & Rectoribus carentium restauratione & prouisione.

**C**Vperet sanè ex animo, Sacratu præsens totius Cleri cætus, ut desolatæ Ecclesiæ Parochiales, & ob tenuem ac exiguam prouisionem Rectoribus destitutæ, in pristinum statum quantocius reducantur, & inopia laborantes, amplioribus redditibus non minùs cultus Diuini promouendi, quàm etiam muneris Pastoralis eò commodiùs explendi gratia augeantur. Sed cum hæc ob recentis belli Prussici, & pestilentie grassantis in commoda, ac grauem bonorum per milites vastitatem præstari posse, nulla humana ratione, hoc præsertim rerum statu, existimentur, propterea Deum Optimum Maximum, omnium bonorum datorum, supplex ardentibus votis precatur, ut donum pietatis, & zelû promouendi cultus Diuini in cordibus Patronorum, & Parochianorum eiusmodi Ecclesiarum instillet, quate-

nus gratitudinem erga suum Creatorem & Redempto-  
 rem, in reedificandis & augendis Ecclesijs, tandem a-  
 liquando munificè exercere, maiorum suorum exem-  
 plo non negligant; si iustissimam Diuinæ Maiestatis  
*Aggeic.* indignationem, quam olim Aggeus Propheta illis ver-  
 bis comminatus est: Dicit Dominus Exercituum, quia  
 Domus mea deserta est, & vos festinatis unusquisque  
 ad domum suam, propter hoc super vos prohibiti sunt  
 cæli ne darent rorem, & terra prohibita est ne daret  
 germen suum; euadere volunt: Quod illis Prædicator-  
 res verbi Dei feruè in Concionibus inculcare non omit-  
 tant. Vbi autem ædificia Ecclesiarum desolatatum,  
 ita iam sunt collapsa, vt nulla, vel difficilis ratio earum  
*Sess. 21.* restaurandorum iniri possit; iniungimus Decanis Ru-  
*c. 7. de* ralibus, vt iuxta præscriptum Concilij Triden: Sacris  
*Reffor.* Reliquijs, & Altaribus, necnon Supellectili Ecclesia-  
 stica, inde ad Ecclesias, quibus autoritate huius Sy-  
 nodi vniendæ erunt translatis, tigna ipsarum, trabes,  
 & reliquam Sacri ædificij materiam, in loco aliquo tu-  
 to & decenti collocare curent, nec eam ad vsus profa-  
 nos inscio Officio Nostro conuertere permittant. In-  
 terim autem pro Nostro Pastoralis munere providere  
 volentes, ne Parochiani Ecclesiarum sic desolatatum,  
 sine vlllo Pastore omnino maneant, neque illorum pro-  
 uentus penitus intercidant, eas vigore Bullæ Prouin-  
 cialis, à Leone Decimo concessæ, necnon Concilij Tri-  
 dentini, alijs vicinioribus Ecclesijs melius prouisis,  
 quo ad à Patronis restauratæ, & pristino statui restitu-  
 tæ fuerint, quamprimum vniendas, & incorporandas  
*In Confr.* specialibus literis Nostreis duximus. Alias verò Eccle-  
*Prouin.* sias, ad præsens, Rectoribus siue ob inopiam prouisi-  
*lib. 4. De* onis  
*Præu. &*  
*exc. Pri*  
*uik*

onis  
 iniqu  
 Paroc  
 postor  
 (de q  
 mis R  
 das, &  
 Nost  
 & vt  
 petur  
 mus:  
 test,  
 nis, I  
 Dom  
 B. M.  
 talis  
 bus,  
 mora  
 is, M  
 cere  
 accip  
 rum  
 negli  
 DD.  
 sens  
 astic  
 illis  
 non



## VLADISLAVIENSIS.

43

onis, siue ob negligentiam Patronorum, siue etiam ob *Sess. 2.*  
 iniquitatem temporum destitutas, vicinioribus itidem *c. 5. de*  
 Parochis ultra iuris præscriptum, ex speciali Sedis A- *Reff.*  
 postolicæ Indulto ad biennium, nisi interim à Patronis  
 (de quo à præsentì Synodo serìò monentur) de legiti-  
 mis Rectoribus ijsdem prouisum fuerit, commendan-  
 das, & literas earum Commendarum, ex Cancellaria  
 Nostra, primò tempore extradendas esse constituimus,  
 & vt in Ecclesijs sic commendatis, vbi prouentus sup-  
 petunt, Vicarij foueantur, ijsdem Parochis, iniungi-  
 mus: vbi autem ob egestatem id fieri nullà ratione po-  
 test, vigore eiusdem Bullæ Leoninæ, in Circumcisio-  
 nis, Epiphaniæ, Paschatis, Pentecostes, Ascensionis  
 Domini, ac præterea Purificationis, & Assumptionis  
 B. M. V. necnon, Natiuitatis Ioannis Baptistæ, & Na-  
 talis Beatorum, Petri & Pauli Apostolorum festiuitati-  
 bus, & celebritate Omnium Sanctorum, & Com-  
 memoracione omnium Defunctorum, in duabus Ecclesi-  
 is, Missarum Solennia celebrare & Eucharistiam confi-  
 cere (dummodo nonnisi in vltima Missa Purificatiõẽ  
 accipiãt) posse declaramus. Ita tamen ne cura anima-  
 rum in illis, quas nunc obtinẽt Ecclesijs, eam ob causam  
 negligatur: In Ecclesijs autem Reuerendissimorum,  
 DD. Abbatum, alijsq; Regularibus, Parochis, ad præ-  
 sens destitutis, per Religiosos Monasteriorum, Ecclesi-  
 astica Sacramenta licitè poterunt administrari, quo ad  
 illis per eosdem Collatores de Secularibus Rectoribus,  
 non fuerit prouisum.

## De Ecclesijs à Dioecesi Płocensi, ad Dioecesim Vladislauensem, nouiter adiunctis, & de auctione Decanorum Ruralium eorumq; Officio.

**Q**uandoquidem maiorem bonorum Nostrorum partem, extra Dioecesim, in qua de iure residere obligamur, sitam habemus, ideò tres Ecclesias Parochiales, in bonis Nostris Ciechocinensibus. Videlicet Ciechocinensem, Nouogrodiensem, & Dobrzeiouiensem, vnà cum Złotoriensibus illis adiacente, in finibus Dioecesis Nostræ existentes, & ad Dioecesim Płocensem antiquitus pertinentes, Nostræ Dioecesi, ab Illmo Dño moderno Episcopo Płocensi, & Capitulo ipsius, adiungendas & incorporandas procurauimus, easq; nunc auctoritate præsentis Synodi, ad alias Ecclesias trans Vistulam in terra Dobrzine<sup>n</sup>. existentes, adiungimus: Ibidemq; maioris Cleri commoditatis causa, nouum Decanatum Bobrownicensem, ijs Ecclesijs, quæ cis Vistulam sunt sitæ, penes Decanatum Niezauensem relictis, erigimus; eiusdemq; Decanum Ruralem Parochum modernum Bobrownicensem Reuerdum Martinum Brachlinium, cum potestate & prærogatiuis, aliorum Decanorum constituimus.

Decanū autē Koscierzynensem, Reuerdum Albertū Nickowski, modernū ordinamus. Et vt ita hi nouiter instituti, quàm alij, qui in præcedenti Synodo Lypsciana iuramentū super fidei officij sui administratione, nō præstiterunt,

tunt,  
mnib;  
bis, v  
solue  
etiam  
sum,  
benig  
lis suis  
tiquas  
fuerit  
pro D  
Cleri  
proba  
entia  
fuerin  
rēt, &  
in alijs  
Nostr  
præter  
um iur

De

Q  
totius  
charita  
pauper  
suum



runt, illud durante Synodo præsent inuigimus. Omnibus autem Decanis Ruralibus, prius tamen a Nobis, vel ab Officio Nostro approbatis, facultatem absolendi, à Casibus Sedi Nostræ Ordinariæ reservatis, etiam cum facultate delegandi, quo ad singularem casum, propter maiorem poenitentium commoditatem, benignè concedemus. Qui quidem Decani in singulis suis Congregationibus, (quas bis in anno, iuxta antiquas Ordinationes, in loco, qui commodior visus fuerit, omninò celebrari volumus) Missæ Sacrificio, pro Defunctis Fratribus præmissis, diligenter in mores Cleri sibi subiecti inquirent, literas Ordinum, & approbationum reuidebunt; Dubia circa Casus Conscientiæ occurrentia proponent ac decident: quæ autem fuerint perplexa, ad Nos, vel Officium Nostrium deferret, & alia omnia, quæ tam in Epistola Pastoralis, quàm in alijs Synodis Prouincialibus ac Diocesanis, & in hac Nostra sparsim sunt eis iniuncta, sedulò exequentur; præterea ad munus Syndicorum seu testium Synodali-um iuramento astricti, illud fideliter obibunt.

## De Hospitali pro pauperibus

Senibus & infirmis Clericis erigendo.

**Q** Vandoquidem Illmi olim Domini Pauli Wolucki Antecessoris Nostri, piùm desiderium: necnon totius Cleri Diœcesis huius Vladislauiensis, fraternæ charitatis affectus, erga Senio confectos, infirmos, & pauperes Sacerdotes ac Clericos hætenus, non sunt suum sortita effectum, vt ædes pro Hospitali eiusmodi

dic-

di emerentur, in eisquē dictis Clericis necessaria, ex contributionibus, in Synodo Dioecessana vnanimiter concessis prouiderentur; Idcirco eandem Constitutionem reassumimus, & vt ad exequutionem id quod semel placuit, infra biennium, à publicatione præsentis Nostri Decreti computandum, omninò deducatur, huius Synodi autoritate decernimus. Quamobrem Decani Rurales Exactores destinati, infra decursum vnus anni, ab eadem publicatione computandi, contributionem laudatam, videlicet à Parochis per grossos decem, à Vicarijs autē per grossos quinq̃s, alias iuxta eiusdem Volucianæ contenta, exigent, & Summam collectæ pecuniæ, ad manus Reuerendi D. Procuratoris pro tempore existentis, quem Prouisorē huius Hospitalis constituimus, consignabunt. Quòd si in eo passu aliquis ex illis negligens repertus fuerit, & infra tēpus præscriptum, ea exequi contempserit, poenis arbitrio Nostro infligendis subiacebit. In quem Nos quoque vsum legumina certa, & olera, iuxta ordinationem à Nobis faciendam, ex Clauī Nostre Vladislauici, quotannis extradi mandabimus: Ac præterea bona, post Clericos intestatos, in eundem vsum deinceps conuertenda esse, autoritate huius Synodi ordinamus. Cui quoq̃, pro instituto, præmissa in proximè futuro Generali Capitulo tractatione, Reuerendi DD. Prælati & Canonici, se non defuturos, promiserunt.

## De Ereptione Noui Seminarij in Szodlant.

ET si idem Ill<sup>mu</sup> Dominus Paulus Wołucki, Episcopus

pus V  
suoru  
datun  
narij t  
Catho  
sollici  
nario  
cipia  
Pome  
in qu  
tionis  
hend  
ex G  
mitti  
Dioec  
aut n  
cto r  
Adm  
drali  
cum  
stis  
rium  
tutis  
pent  
ana  
min  
dun  
petu  
vero  
qua  
nica

pus Vladislaviensis, Sanctum ac pium Antecessorum suorum, à Sacrosancta Tridentina Synodo commendatum, institutum, & iam inchoatum negotium Seminarii fundandi, in hac Dioecesi penes ipsam Ecclesiam, Cathedralē, proprijs impensis, ad optatum effectum sollicitè ac feliciter deduxerit, ita ut ex eodem Seminario non mediocrem eadem Dioecesis utilitatem percipiat. Cùm tamen ita ampla sit, ut etiam Prouinciā Pomeraniæ, ad Regnum pertinentem complectatur, in quā non solum Polonicæ, sed etiam Germanicæ nationis populus, vsum diuersæ linguæ habens, comprehendatur; nec ita faciliè adolescentes reperiantur, qui ex Germanis ad idem Seminarium Vladislaviense se admitti, & in eodem institui curent; vnde etiam illa pars Dioecesis magna ex parte Hæresibus infecta, rarum aut nullum penitus fructum, aut subsidium, ex prædicto reportet Seminario. Ideò Nos communicato, cum Admodum Reuerendis Dñis Ecclesiæ Nostræ Cathedralis Vladislaviensis Prælati & Canonicis, necnon cum Reuerendissimis DD. Abbatibus Fratribus Nostris Charissimis, consilio, duximus hoc idem Seminarium Vladislaviense ita esse diuidendum, ut pars iuuentutis nationis Polonicæ, sumptibus consuetis, vnâ cū pensione Monasterij Strzelensis, in Synodo Voluciana decreta, & in præsentī reassumpta, in eodem Seminario (Peplinensis, & Oliuensis, Monasteriorum duntaxat pensionibus exceptis) penes Ecclesiam perpetuis temporibus more iam cæpto instituatur. Aliā verò pars nationis Germanicæ, siuè etiam Polonicæ, quæ non esset omninò ignara eiusdem linguæ Germanicæ, in Vico Nostro Szodlant nuncupato, ad Cui-



tatem Gedanensem sive, à Patribus Societatis Jesu, ibidem ab Antecessoribus Nostreis, iam ante utiliter fundatis, in pietate, bonis moribus, & literis informetur, & ut de Ecclesia Dei mereri sciat & possit, edoceatur.

Pro quorum Alumnorum commoda habitatione, iam ibi per eundem Ill<sup>m</sup> Olim Paulum Wołucki, & desunt comparatæ, quæ si aliqua reparatione indiguerint, eam nos faciendam procurabimus, & hortum aliquem pro ipsorum maiori commoditate, occasione oblata adiungemus.

Porro pro alendis dictis Clericis, & eorum necessitatibus providendis pensiones à prædictis Reuerendissimis D<sup>n</sup>is Abbatibus Oliuensi, & Peplinenfi, quæ hæcenus Seminario Vladislaviensi ab ipsis soluebantur, vnâ cum pensione florenorum Quinquaginta Monasterio Carthusianorum, in Synodo Wołuciana imposita, eidem in Szodlant Seminario, autoritate huius Synodi incorporantur, & eidem perpetuò persoluendæ decernuntur. Ac propterea ad eundem vsum pensiones, quoque ex Zukouienfi, & Zarnouecenfi Monasterijs, postquam pristinæ integritati restituta fuerint, iuxta Ordinationem & Decretum Concilij Tridentini persoluendæ, conuerti debebunt. Pro maiori autem eiusdem Seminarij sic diuisi & erecti subsidio, iidem Reuerendissimi DD. Abbates, Peplinenfis & Oliuensis, certa frumenta, legumina, & lacticia ad victum pertinentia spontè & beneuolè perpetuis temporibus, mediam quidem partem pro Festo Paschatis, Alteram verò mediam partem, pro Festo S. Michaëlis Archangeli, sequotannis extradituros, separata diplomate obligare promiserunt; Hac tamen conditione adiecta, ut pro Eccle-

Eccle-  
baria  
curan  
opon  
dacio  
js im  
inspe  
ce pro  
O  
omn  
into  
nis P  
lis V  
mus.  
Fune  
nati  
Semi  
uere

S  
p  
inou  
part  
oper  
quid  
est  
sua  
narv

Ecclesijs quoque Parochialibus, quas in suis bonis Abbatialibus habent fundatas, ex eodem Seminario ad curam animarum gerendam, Presbyteros temporibus, oportunis assumere valeant. Ad quam nos etiam Fundationem augendam id quod defuerit, tum ex proprijs impensis, tum etiam ex bonis Mensæ Episcopalis, inspectis penitus ipsius Seminarij rationibus, Deo dante prouidebimus, & supplebimus.

Ordinem verò studiorum, victus rationem, & alia omnia ad dicti Seminarij statum debitè conseruandum, inito consilio cum Admodum Reuerendis Dominis Prælati, & Canonicis, Ecclesiæ Nostræ Cathedralis Vladislaviensis, speciali Nostro Priuilegio describemus. Interim tamen quousque huius Noui Seminarij Fundatio ad effectum deducta non fuerit, prænominati Reuerendissimi Dñi Abbates solitas pensiones ad Seminariū Vladislaviense pertinentes quotannis solvere tenebuntur.

## De Pijs Legatis.

**S**æuiente non ita pridem in hac Diœcesi Nostra lucē pestifera, multi ad pænitentiam Diuina Clementia inducti causa mortis, vel tota sua Bona, vel illorum partem, in satisfactionem peccatorum suorum, ad pia opera destinarunt. Porro eorum legatorum magna quidem pars, iuxta mentem piorum testatorum, suum est sortita effectum, verum maior sine & executione sua est destituta, non solum propter quarundam personarum Secularium, sed etiam, quod grauius est, Spiritu-  
ualium

tualium iniustam eorum detentionem, quarum vel fidei dispositioni commissa, vel per modum depositi concredita esse dignoscuntur. Monitos igitur volumus. prout serò auctoritate præsentis Synodi omnes & singulas tam Ecclesiasticas quam Seculares personas monemus & requirimus, ut hæc omnia pia legata, infra decursum sex Mensium, a publicatione præsentis Nostri Decreti computandorum, vel ad eorum manus quorum fidei dispositioni sunt commissa conferant, vel ipsi quibus hoc incumbit munus infra præfixum tempus iuxta mentem Testatorum, quam fidelissimè disponant, sub pæna Excommunicationis, quam contra negligentes, vel Nostra monita contemnentes lapsis dictis sex Mensibus à publicatione præsentis Synodi, iam exnunc prout ex tunc decernimus, & per Decanos Rurales promulgandam fore ordinamus.

## De vita & honestate Cleri.

*Sess. 22.*

*a. 1. de* **P**Lurima in Sacris Oecumenicis Conciliis, & nouissime in Sacra Tridentina Synodo, tum etiam Provincialibus, atq; Dioecesanis Synodis sancita sunt, per *3. rit. de* quæ sufficienter honestas vitæ, Clero proponitur & *vita & honestate* præcipitur obseruanda. Quamobrem ea omnia & singula *Clericor.* gula salubriter constituta, in præsentì quoq; Synodo *Past. E-* reasumimus, & innouamus districtè præcipientes, ut *pist. rit.* secundum ea Clerus iurisdictioni Nostre subiectus, *de vita & honestate* tam & mores suos componat. Alioquin si quispiam re- *honestat.* fractarius extiterit, Nos contra eiusmodi, salutis suæ *Cleri.* prodigum, seruata forma & modo à Sacra Tridentina

Synod.



## VLADISLAVIENSIS.

Synodo præscripta sine strepitu & forma iudicii & sola  
veritate tacti inspecta, præsertim verò contra vitio car-  
nis, obnoxios (contra quos quemadmodum in visita-  
tione, primam, ita nunc secundam monitionē, præmit-  
timus) procedemus, & poenis condignis, in eos ani-  
maduertemus.

31

Sejs. 25.

c. 14.

## De Deputatis pro futura Sy- nodo Prouinciali futuris Comitijis neces- sariò præmittenda.

**I**Nter alias Synodi præsentis indicti causas, non est ea  
postrema, quod ex lege publica, in proximè venturis  
Comitijis ea tractari debent, quæcunque inter statum  
Spiritualē, & secularem controuersa reperiuntur. Ad  
quod negotium, ut potè grauissimum, ex re & utilitate,  
vniuersi Ordinis Nostri peragendum cum non dubite-  
mus, quin Illustrissimus Dominus Archiepiscopus, Gne-  
sniensis pro sua Pastoralis vigilantia Synodum Prouin-  
cialē sit necessariò indicturus, ideò Nos etiam, ne offi-  
cio Nostro hac in parte deesse videamur, ad hoc publi-  
cum consilium, eiusmodi ex medio Cleri Nostri depu-  
tandos censuimus, qui hanc Prouinciā pro dignitate  
Dioecesis huius, & pro rei exigentia obire possent quæ-  
admodum deputamus, ex Cathedrali quidem Ecclesia  
Admod. Reuerendos Dominos Chrystophorum Charbi-  
cki Præpositum, & Iacobum Piascki Archidiaconum  
Vladislauiensem ex Collegiata verò Crusicensi, & ex  
minori Clero Reuerendos Dominos Ioannem Polan-  
ski Archidiaconum Crusicensē, & Bartholomæum

G 3

Bleski

Bleski Canonicum Crusuicensem Præpositum Brestensem, eisdemq; monemus, quatenus pro loco & tempore assignando, iuribus Privilegijs & alijs literatorijs ex Archivo Ecclesiæ Nostræ monumentis sufficienter instructi, se sistere non negligant.

## De Iudicibus Commissionum Apostolicarum,

**D**ecreto Sacrosancti Concilij Tridentini in hærentes ad Commissiones à Sede Apostolica emanatas cognoscendas autoritate præsentis Synodi deputamus, Admodum Reuerendos Dominos Chrystoporum Charbicki Præpositum, Sebastianum Grotkowski J. V. D. Officialem Nostrum, Generalem Stanislaum Pomorski S. T. D. Anselmum Raciborski J. V. D. Canonicos, Ecclesiæ Cathedralis Vladislauensis.

## De Examinatoribus, ad Sacros Ordines promouendorum: & ad curata Beneficia instituendorum,

**A**dexamen verò eorum, qui in sortem Domini adscribi, & ad Ordines Sacros promoueri, vel iam promoti ad Curata aliqua Beneficia institui voluerint, tam intra Dioecesim Nostram, quàm etiam extra, ubi Nos frequenter residentiam habere contingit, Admodum Reuerendos Dominos, Iacobum Piasecki Archidiaconum Vladislauensem, Martinum Bieleanowski

Pome,

Pome  
wsk  
roslav  
flauie  
conun  
Iacob  
lis Vla  
namu  
perag  
præsc

De  
cr

Q  
mortu  
cti, le  
direct  
est in  
autem  
berna  
ne &  
demo  
rum,  
vener  
res ha  
confi  
clesia

## VLADISLAVIENSIS.

53

Pomeraniæ Archidiaconum, Sebastianum Grotkowski Officiale Nostrum Generalem, Andream Mięrosławski, Anselmum Raciborski, Canonicos Vladislavienses, Ioannem Połanski Crusvicensem Archidiaconum, Adamum Golynski Officiale Gedanensem, Iacobum Kalynski Pœnitentiarium Ecclesiæ Cathedralis Vladislaviensis, autoritate eiusdem Synodi nominamus, & assignamus ab ijsq; circa hoc negotium ritè peragendum Concilij Tridentini & Epistolę Pastoralis præscriptum omninò obseruari volumus.

*Sess. 27.  
for. tota  
de Refor.  
& Sess. 24  
c. 18.*

## De publicatione Decreti Sacrae Rituum Congregationis circa Beatificationem Sanctorum.

**Q**Voniam ante duos circiter annos, Decretum Sacrae Rituum Congregationis, de Beatificatione mortuorum, miraculisq; de sanctitate alicuius defuncti, legitime colligendis, ad manus Nostras ab Vrbe est directum, idè illud ad notitiam eorum, quorum interest in Dioecesi Nostra deducimus & publicamus. Tenor autem huius Decreti est talis. Cum in tota Ecclesiæ gubernatione nihil maius, nihil sit augustius Beatificatione & Canonizatione Sanctorum, vtpotè homines, iam demortuos, etiam cum fama Sanctitatis, & miraculorum, declarare pro Sanctis, eosq; vti tales colendos, & venerandos, decernere. Sacra Rituum Congregatio, vt res hæc planè amplissima atq; grauissima, ritè sanctèq; conficiatur, prohibet omnibus & singulis personis Ecclesiasticis, tam Secularibus quam Regularibus, etiam Sancti



Sancti Ioannis Hierosolimitani, Societatis Iesu, vel aliorum quantumvis, speciali nota dignorum, ne audeant ipsi per se, aut per alios capere informationes, super Sanctitate aut miraculis alicuius defuncti, neq; villo modo exquirere, atq; obtinere ad hunc effectum, extraiudiciales testificationes, aut subscriptiones, sub poenis arbitrio Sacrae Congregationis infligendis. Quod si superiori, Sacristae, seu alteri Officiali illius Ecclesiae, in qua requiescit corpus ipsiusmet defuncti; vel alterius etiam Ecclesiae, fuerint reuelata aliqua miracula, siue Prophetiae dona, possint ea recipere sub Sigillo secreti, ab ipsis tantum relatoribus, in quorum gratiam contigisse narrabitur; teneantur tamen quamprimum commodè eadem deferre, vel obsignata transmittere Episcopo loci, cum expressa declaratione: quod reuelationes sic vt supra receptae, non faciant aliquem probationis gradum, etiam cuiusvis longissimi temporis cursu. Quod Decretum, cum fuerit ad notitiam S. D. N. Urbani Papae VIII deductum, Sanctitas sua illud approbavit, & imprimi, & vbiq; publicari mandauit. Die 12 Martij 1631.

## De publicatione Synodi Prouincialis proximè celebratae.

**Q**Vandoquidem hucusq; Statuta & Decreta proximè praeteritae, Synodi Prouincialis Petricouensis, Anno Millesimo Sexcentesimo Vigesimo Octauo celebratae, per Sanctae Romanae Ecclesiae Cardinales Sacri Concilij Tridentini Interpretes, recognita, &

emin.

emendata; & per Sanctissimum in Christo Patrem & Dominū Urbanum Papam Octauum approbata, nondum sunt in eadem Diœcesi publicata. Ideò Nos in præsentī Synodo Diœcesana, prædicta Statuta Prouincialia publicari mandamus, & publicamus, & pro publicatis habenda decernimus, utq; ab Vniuerso Clero Diœcesis Vladislauensis obseruentur, mandato & auctoritate prælibati SS. D. N. districtè præcipimus.

## De dispensationibus super pluralitate Beneficiorum exhibendis.

**N**ihil magis Sacri Canones execrari videtur, quàm pluralitatem Beneficiorum, quæ etsi in his, partibus in quibus Beneficia Ecclesiastica valde tenuer prouisa plerumq; existant difficile euitari potest. nemo tamē adeò laxæ Conscientiæ esse debet qui sine expressa Sedis Apostolicæ licentia, plura Beneficia præsertim Curatæ, vel residentiam requirentia, obtinere præsumat. Etsi autem multæ eiusmodi dispensationes, tam in visitatione quàm in præsentī Synodo fuerint iam Nobis exhibitæ quia tamen pleriq; adhuc reperiuntur, qui licet à Nobis admoniti, id tamen hucusq; facere neglexerunt. Ideò quamuis iam contra eos de rigore iuris procedere possemus. ex solita tamen benignitate Nostra, eisdem adhuc Semestre à publicatione præsentis Synodi, ad easdem dispensationes coram Nobis, vel Officio Nostro producendas assignamus, idq; sub poena priuationis, à SS. Concilio Tridentino interposita, & per Nos contra inobedientes, irremissibiliter extendenda.

*Sess. 24.  
cap. 17.*

H

DE PRÆ.

## De prælectione nonnullorū

Conc. Triden. Decretorum Curatos concernentium.

**O**Mnia quidem sancita à Concilio Tridentino, salubriter decreta, mentibus spiritualium hæere debent; sed maximè ea quæ ad Beneficia Ecclesiastica legitime assequenda, & ad ea ritè & ordinatè administranda, ac ad honestatem vitæ retinendam spectare videntur. Ideo ea in memoriam omnium hic congregatorum reuocare, & menti illorum efficaciter imprimere volentes, eadem hic prælegenda censuimus, videlicet Decretum Sess. 24. Cap. 12. De asscutione Dignitatū & Canonicatum Cathedraliū, Decretum eiusdē Sessionis Cap. 18. de asscutione Beneficiorum Curatorum. Decretum de Residentia circa eadem Curata Beneficia Sess. 6. Cap. 1. & 2. & Sess. 23. Cap. 1. de Refor. Decretum de pluralitate Beneficiorum Sess. 24. Cap. 17. Decretum de Continentia à Clericis in Sacris Ordinibus constitutis seruanda 25. Cap. 14. Ac deniq; Bullam Pij Papæ Quinti, contra intermittentes recitationem Diuinorum Officiorum editam, cuius in primo Capite huius Synodi mentionem fecimus.

## De Executione Decretorū,

in proximè præterita Visitatione factorum.

Multa



**M**ulta quidem & ea perutilia, in Visitatione à Nobis, & ab ijs quibus id incumbere peracta, sunt statuta & ordinata, quia tamen plerumque in ijs, non tam eorum, quibus erant iniuncta, negligentia (quamvis & hæc in nonnullis est deprehensa) quam temporum iniuria & iniquitate, nondum effectum suum commodè sortiri poterant. Ideò auctoritate præsentis Synodi, omnes à quibus nondum eiusmodi Decretis Visitationis est planè satisfactum, monemus, ijsque seriò præcipimus: ut intra sex Mensium, à publicatione præsentium decursum, omnes Ordinationes & Decreta prædictæ Visitationis exequi, & ad debitum effectum deducirent idque sub pænis arbitrio Nostro iniungendis, posteaquam à Decanis Ruralibus quibus eius rei inspectionem, singulis annis per singulas Decanatum suorum Ecclesias faciendam committimus, de negligentia vel in obedientia ipsorum præmoniti fuerimus.

## De obligatione Constitutionum in præsentis Synodo sancitarum: & de conclusione eiusdem.

**Q**uandoquidem omnium legum & Constitutionum, vis & efficacia, in executione consistit. Ea propter non tantum ad has præsentis Ordinationes Nostras, sed etiam ad omnia præscripta Epistolæ Pastoralis Maciejouanæ, (quam iam pridem ab vniuersa Prouincia Gnesnensi, auctoritate Sedis Apostolicæ receptam, pro usu huius Diocesis, prout supra Nos facturos receperimus, huic Synodo adiungi curabimus) vni-

uorsum Clerum Nostrum obligamus, & ut Decani Rurales huic negotio diligenter attendant, ac in suis Congregationibus, seriam eius rationem, à Clero sui Decanatus exigant, negligentes verò Nobis vel Officio Nostrò Ordinario deferant, iisdem iniungimus. Et quòd reliquum est, præsentem Synodum prædictis Decretis de Consilio totius Cleri, qui Synodo adfuit laudatis, & publicè lectis, ac ab eodem Clero acceptatis, in contumaciam absentium in Dei nomine concludimus. Ab absentibus autem causas legitimas absentiae suae allatas, benignè audiuimus, & eas admisimus, prout per præsentem admittimus. Nonnullos verò præsertim DD, Capitulares tam Cathedralis, quàm Collegiatæ Ecclesiarum, & Decanos Rurales (siquidem inferiorem Clerum, partim paupertas ipsa, partim locorum distantia, partim etiam defectus Presbyterorum, ad exercitium curæ animarum substituendorum, sufficienter excusat) temere se absentes Contumaciæ pronunciamus, & eodem loco Censurarum Ecclesiasticarum, ad pœnam Triginta Marcarum, pro Fabrica Ecclesiæ Cathedralis & Collegiatæ respectiue conuertendam, ac ad instantiam Instigatoris Nostrì, ab Officio Nostrò intra Semestre irremissibiliter exigendam, auctoritate præsentis Synodi condemnamus,

Porrò cum Archidiaconatus Pomeraniæ in edicto Synodali ab interessentia huic Synodo, ob distantiam loci, & ob paucitatem Cleri, specialiter fuerit exemptus, & solus Admodum Rector Dominus Officialis Gedauensis, cum Rectoribus Dominis Decanis Ruralibus, interesse iussus, idèò eiusdem Cleri absentiam, non tantum excusata habemus, sed etiam ut omnia Decreta & sanc-

fanci  
rum  
libus  
tur, &  
delit

Do

P  
larg  
exifi  
daru  
& P  
ac T  
amp  
oce  
uan  
quic  
dieb  
lias  
pro  
Vo  
tū  
can  
præ  
Fer  
Co


fancita huius Synodi eidem, ne ab obseruatione illorum ignorantiam prætendat, à singulis Decanis Ruralibus, in proxima Congregatione Decanali exhibeantur, & quæcunque hic acta & gesta sunt per eosdem fideliter deferatur, ordinamus ac iniungimus.

## De publicatione Supplicati- onum pro præsentibus Reipublicæ necessitatibus.

**P**RO fælici successu & determinatione præsentis Synodi, debitis Deo Præpotenti omnium bonorum largitori gratijs persolutis, iustum esse & necessarium existimamus, vt ad calcem illius gratiarum quoq; agendarum, tam pro Beneficijs præteritis Serenissimo Regi & Reipublicæ Nostræ, in expeditionibus Moschouitica ac Turcica, seu Tartarica, abunde exhibitis, quàm etiam pro nouis impetrandis, modum per vniuersam Diocesim, ad vltiorem declarationem Nostram obseruandum præscribamus, Ita videlicet, vt pro obtentis quidem beneficijs, in omnibus Missis Conuentualibus diebus profectis Collecta, pro gratiarum actione ad alias solitas apponatur. Pro nouis verò obtinendis, & pro imminetibus periculis, à Patria nostra auertendis Votium Sacrum, contra Paganos ab Ecclesia ordinatum singulis Ferijs Quartis, in frequētiorib⁹ quidem locis cantatum, in alijs verò minoribus lectum habeatur. Ac præterea, in omnibus huius Diocesis Ecclesijs, singulis Ferijs Quartis & Sextis, Litanie de Sanctis, cum solitis Collectis Processionaliter decantentur. Pro salute de-



niq̃ue & incolumitate Regiæ Maiestatis, Domini No-  
stri Clementissimi, Collecta pro Rege, singulis diebus  
Dominicis, & Festis, maioribus solennitatibus dunta-  
xat exceptis, in Missis cantatis adhibeatur. In genere  
autem pro omnibus Ecclesiæ & Patriæ Nostræ neces-  
sitatibus, in frequentioribus Ciuitatibus, & Oppidis,  
Quadráginta Horarum Orationes, diebus solenniori-  
bus, quando id oportunè fieri poterit, tam in Cathe-  
drali & Collegiata, quàm Parochialibus & Regulari-  
bus Ecclesijs, cum expositione Venerabilis Sacramen-  
ti, & cum debito apparatu, singulis Mensibus semel  
peragantur. Ac in ijsdem & alijs omnibus Ecclesijs, sin-  
gulis diebus Dominicis & Festis circa finem Missæ, hoc  
idem Venerebile Sacramentum in pixide clausa, publi-  
ce exponatur; & cum eo præcinendo: Saluum fac po-  
populum tuum, & populo solennis benedictio detur.  
Ad quam quidem deuotionem frequentandam, fidelis  
populus crebris Concionatorum exhortationibus in-  
ducatur, propositis etiam Indulgentijs Quadráginta  
dierum, quas Nos ijs omnibus qui eiusmodi deuo-  
tionibus, interfuerint auctoritate Nostra Or-  
dinaria, Diuinæ misericordiæ confisi,  
elargimur.



SER:

# S E R M O

61

## In Conclusione Synodi ab Illustriſſimo Domino Episcopo habitus.

**S**Tnodo iam per Dei gratiam Fratres Charissimi feliciter Speraſta, nihil aliud reſtat, quam ut Fraternitates Veſtras pro munere Noſtro Paſtorali, Officii Veſtri, paucis verbis admoneamus. Quod quidem cum in puritate propriæ Conſcientiæ, & in zelo animarum veſtræ curæ commiſſarum maxime conſiſtat, utrumque quatenus memoriæ firmitus hæreat, Frater<sup>ſus</sup> Veſtris, iam hinc diſceſſuris, ſedulo inculcandum eſſe duximus. Et quidem puritas Conſcientiæ Nobis omnibus qui Divinis ſervitiis ſumus mancipati, adeo eſt neceſſaria, ut abſque ea, neque Miſſarum Sacrificia offerre, neque Sacramenta a Chriſto inſtituta miniſtrare: neque alia Eccleſiaſtica munia obire, ſine inſigni iniuria Dei, & ſine noua lethalis peccati obligatione poſſimus. Cum autem hoc tempore in Clero tria potiſſimum viciorum genera, auaritiæ videlicet, ebrietatis & incontinentiæ graſſari videamus, ideo ad ea euellenda, nonnulla remedia breuiter hic innuenda eſſe, neceſſarium exiſtimauimus. Et quidem quo ad primum cupientes ex animo, ut Noſtræ Diœceſis Clerus, tetræ hoc auaritiæ crimen, quod Apoſtolus idolorum ſeruitutem merito appellat deſtetur, virtutes vero huic vicio oppoſitas amplectatur, eidem pietatem erga Deum, & liberalitatem erga proximos, cæteraque miſericordiæ opera, de quibus ſupremum illud iudicium præcipue inſtitueatur. ſummopere commendamus, & pro Paſtorali Noſtro Officio monemus ut tempeſtiue prouideat, ne ea quæ ſollicite congregat, aliis qui nullam ſalutis ſuæ rationem ſunt habituri diripienda, & quæ pro decore Domus Domini, & pro ſubleuanda proximorum

inopia

62 inopia erant exponenda, pro luxu consanguineorum, ne dicam aliarum minus honestarum personarum. cum euidenti salutis suae dispendio conuertenda relinquat, Ebrietatem autem tanquam aliorum vitiiorum fontem, ab omnibus quidem Christi fidelibus, sed vel maxime a Clericis, ad contemplationem rerum caelestium, & ad seruitium Diuinum peculiariter obligatis. euitandam esse, non solum Sacra eloquia, sed etiam omnes Sancti Patres clamant; & quidem merito quomodo enim illi qui continue ebrietati dediti sunt mentem ad caelestia eleuare vel Diuina Mysteria cum debita preparatione, & animi attentione absoluerent, poterunt, qui etiam ratione, qua sola homo a bestiis differt, destituti, ad ipsas functiones humanas omnino inutiles redduntur? A quo quidem ebrietatis vicio, cum & illud aliud quod tertio loco posuimus videlicet luxuria suam originem trahat, siquidem crapula flammam libidinis nutrit, & venter vino repletus facile in eandem despumat, eo etiam magis est fugiendum, quo Clerum ad incontinentiam facit procliuorem: quae adeo statum spiritualem decurpat ut ei dediti, nomine Sacerdotum indigni prorsus existant; quorum cum praecipuum sit munus, tremendum Missae sacrificium Deo Praepotenti offerre, hoc autem Angelicam omnino puritatem requirat, quomodo ii qui caeno voluptatis immersi, & per carnalitatis vitium, unum corpus iuxta Apostolum cum meretricibus effesti polluti animis, ad haec Diuina Mysteria, in quibus virgineum Christi corpus & purissimus sanguis ore sacerdotis conficiuntur, digne peragenda accedent? Cum itaq; Sancta, sancte sint tractanda hoc praecipue Nos, qui Sacro Ordini nomina Nostra dedimus contendere debemus ut hoc Diuinissimum Sacrificium ita pure & casto Deo Praepotenti offeramus quatenus ex Nostriis oblationibus, & tota Ecclesia vberem fructum percipiat. & Nos ipsi offerentes non damnationis penam pro indigne praestito officio sed vitae aeternae praemium pro munere laudabiliter expleto referamus. Iam vero quod attinet zelum animarum, Nostrae commissarum, de eo cum

Admo.

1. ad Cor.  
Cap. 6.

Admodu  
lis Noste  
rum ea,  
gemus. E  
Officii N  
enti incit  
Nos vice  
sederiam  
nius dun  
scendere  
tolerare  
tius offic  
precioso  
quoties o  
procuran  
mnes Vos  
cumbit,  
quatenus  
pus, stre  
lo, ab eo  
circa Sa  
rum luc  
anos in  
eosque S  
quo felici  
re; non s  
ad extere  
corpore  
cati ver  
sificent  
nam mon  
spectu bu



*Admodum Reuerendus Dominus Generalis Vicarius, & Officia-* 62  
*lis* Noscer, hesternae die prudenter & copiose disseruerit, Nos tan-  
tum ea, quae in praxi maxime versantur paucis verbis hic attingemus. Et quidem si nulla alia ratio Nos, ad hanc praecipuam  
Officii Nostri Pastoralis functionem, inuitaret, hac sola suffi-  
cienti incitamento Nobis esse debet, quod Christus Dominus, cuius  
Nos vices in terris gerimus, non solum uniuersas fidelium animas,  
sed etiam earum singulas adeo tenere & ardentem dilexerit, ut u-  
nius duntaxat seruicute Diabolica liberanda causa, de caelo de-  
scendere; & omnes labores & dolores, quos in hac vita perculit,  
tolerare fuerit paratus; ac proinde etiam, nullum ei a Nobis gra-  
tius officium prestare potest, quam cura circa salutem animarum,  
precioso ipsius sanguine redemptarum diligenter impensa, in qua,  
quoties occupamur; toties ipsi in ministerio redemptionis humanae  
procurandae cooperamur. Quamobrem Fratres Charissimi, o-  
mnes Vos quidem, sed vel maxime eos, quibus cura animarum in-  
cumbit, hortamur, & per viscera misericordiae Dei obsecramus,  
quatenus uocationis vestrae memores, tam sublime & arduum o-  
pus, serenae & gnauius obeatis, nullaue difficultate vel pericu-  
lo, ab eo sedulo exequendo, deterreamini. Non sit Vobis graue  
circa Sacramentorum administrationem, laborem, solo anima-  
rum lucrandarum incuitu subire; non sit molestum ad Parochi-  
anos in aegritudine constitutos, ad primam noticiam accurrere,  
eosque Sacramentis praemunire, ad illum extremum agonem, ex  
quo feliciter decurso, salus omnium Nostri dependet, dispo-  
nere; non sit denique taedium, iisdem iam in morte conflantibus,  
ad extremum usque halitum, praesentes assistere. Eos vero quos  
corpore quidem sanos, sed animo grauiter egrotantes in statu pec-  
cati versari, & iniquitates tanquam aquam libere cernitis, ad re-  
sipiscenciam verbo & exemplo sedulo inducat, neque illis oportu-  
nas monitiones, & necessarias, correctiones, metu aliquo, vel re-  
spectu humano subtrahatis. Si enim iuxta doctrinam Apostoli-

64 *cam unicuique cura de salute proximi demandata est, tanto magis Nobis, qui ideo munus Pastorum sustinemus, ut salutis ouium nobis commissarum causa, non solum molestias & labores perferre, sed etiam ipsum sanguinem, exemplo Christi Domini perfundere, parati simus, si illum diurnum denarium pro labore in Vinea Domini strenue impenso, & pro duplici lucro asportato, ab illo caelesti Patrefamilias, percipere desideramus, In quo cum omnis Nostra felicitas consistat, idcirco ut Nobis post exantlatos huius vite caduca labores, in illa aeterna Patria obueniat, iure merito, omni studio & conatu adiri debemus.*



EE

Bona  
rum a

BE  
ni

Vni  
darij

C

stri  
exi  
pro  
sed  
atq  
etia  
cut  
var  
igu  
de  
stru  
no

# EPISTOLA PASTORALIS,

Bonæ memoriæ Ill<sup>mi</sup> Cardinalis MACIEIOWSKI, iterum à Sacra Congregatione Illustriss<sup>si</sup> Cardinalium S. Concilij Trident: Interpretum, recognita & à SS. D. N.  
D. VRBANO Papa VIII. approbata.

*BERNARDVS, Miseratione Diuina, tit: S. Joannis ante Portam Latinam, S. R. E. Presbyter Cardinalis, MACIEIOWSKI nuncupatus, Archiepiscopus Gnesnensis, Legatus Natus, Regni Polonie Primas, & Primus Princeps &c.*

Vniuersis & singulis, Archipresbyteris, Plebanis, Commendarijs, Vicarijs, & alijs quibuscunq; , per & intra Prouinciam nostram Gnesnen: curam animarum habentibus,

*Salutem in Domino,*

**C**VM, vt D. Gregorius, norma & exemplar Pastorum, in suo Pastoralis ait, scientia scientiarum, atq; ars sit artium, cura & regimen animarum; meritò Maiores nostri, nullam diligentiam in describendo hoc munere sufficere existimantes, multa & præclara de eo, non modò priuatim, pro Diocesi ac Prouincia quisq; sua, in peculiaribus Synodis, sed & publicè, pro Ecclesia vniuersa, in Generalibus Concilijs atq; Decretis Pontificum, singulis ferè ætatibus, nostraq; hac etiam statuerunt. Quæ omnia cognita & perspecta habere, si cut utilitas, imò necessitas est maxima, ita ob multitudinem & varietatem eorundem, difficultas videtur propè infinita. Nos igitur, memores officij nostri, quo non solum peruigilare ipsi de concreditis nobis animabus, tanquam rationem reddituri strictissimam, sed & vobis, qui in partem sollicitudinis huius nostræ vocati à Domino estis, opportuna tenemur ministrare.

K

sub.



subsidia; atq; idcirco prouidentes, ne vel defectu librorum ignorare necessaria, vel hinc inde sparsa atq; indigesta indagare vos laboriosius oporteat: ex densissima quasi recentium iuxta ac veterum Constitutionum sylua, nonnulla, quæ maximè ad hoc propositum spectant, eligere, ponereque veluti sub vñ aspectum, ac promptuarij cuiusdam instar, exhibere vobis induximus in animum; prout quidem ponimus, atque exhibemus per has nostras præsentēs; ex quibus, quo pacto ordines, & beneficia recipere, fabricam & supellectilem curare Ecclesiæ, ministrare Sacramenta, verbo & exemplo pascere commissum, vobis gregem, bona ac prouentus Ecclesiasticos tueri & administrare debeatis: plurimaque alia, quæ ad officium vestrum, Pastorale pertinent, facile, & in promptu sit vobis depromere. Vestrum itaq; erit legere hæc omnia diligenter, lectaque, meditata, & quasi in succum cōuersa, quàm studiosissimè exequi.

*De Ordinatione Clericorum.*

**Q**uia nihil æque Ministrorum Ecclesiæ, vel mores corrumpit, vel otium atque socordiam fouet, quàm si, quod est primum quasi Hierarchicæ ædificationis fundamētum, cui malè iacto quicquid super struxerimus ruit, ad Ordines Sacros & properant ipsi, & facilè nulloq; aut paruo admittantur delectu: ideo quicumque nuncupari deinceps Ecclesiastico ministerio volent, caueant inprimis, ne gratia cuiusquam, vel metu, viuendi uel licentiùs, aut sæcularis iudicij fugiendi animo, vel quod sæpè accidit, temporalis commodi lucri uel intuitu, quæstum facientes pietatem, & quantum in eis est, ostentui diuina habentes, eligant hoc sanctum vitæ, atq; Angelicis humeris formidandum officij genus: quin potiùs id sibi propositum habeant, ut piè & castè viuētes in hoc sæculo, Deo fidelem cultum, Ecclesiæ obsequium, proximorum saluti sedulam operam nuent. Sicut enim ex bona vel mala radice, bonus aut malus fructus; ita ex intentione accedentium ad Ordines, laudabilis postmodum, aut praua eorundem conuersatio prodit. Sint

Sint deinde scientia & literatura instructi competente. Et  
ad minores quidem Ordines admittendi, legere sciant, & scribe-  
re, linguamq; Latinam saltem intelligant, & fidei rudimenta  
teneant: ad Maiores autem promouendi, versati sint saltem me-  
diocriter in literis, nouerintq; recitare Horas Canonicas, &  
habeant Breuiarium. Sciant item reddere rationem Sacramen-  
torum omnium in genere, speciatim verò, pertinentium ad na-  
turam & exercitium Ordinis eius, ad quem promoueri cupiunt.  
Presbyterandi autem, idonei sint præterea, ad docendum po-  
pulum ea, quæ scire omnibus necessarium est ad salutem, & ad  
administranda eidem Sacramenta.

Testimonium quoque omnes habeant bonum, quemadmo-  
dum Sacro Tridentino Concilio præcipitur, *Sess. 23. de ref. c. 5.*  
Ad Minores quidem promouendi, à Parocho, & Magistro  
Scholæ, in qua educantur: ad Maiores autem singulos euehen-  
di, vno mēse ante ordinationem, Ordinarium loci, vel Officia-  
lem eius generalem, aut si is etiam longè distet, foraneum quif-  
que suum adeant, exposituri illis nomen, cognomen, parentes,  
& patriam, in qua nati sunt, vel vbi domicilium habeant. Or-  
dinarius verò, vel Officiales eius, committent Parochis locorū,  
aut quibus magis expedire viderint, vt nominibus & desiderio  
illorum publicè in Ecclesia propositis, de natalibus, ætate, mo-  
ribus, & vita ipsorum perquirant à fide dignis, literasque, in-  
quisitionem huiusmodi continentes, ad Ordinarium, vel Ar-  
chidiaconum eius, tēpestiuè transmittant, aut eisdem ordinā-  
dis, qui Feria quarta, ordinationem proximè præcedente, præ-  
sentare se illis pro examine debebunt, deferēdas tradant, clau-  
sas tamen.

Viderint autem isti, quibus & quomodo testimonium per-  
hibebant, quamque, si quod absit, inhabiles aut scandalosos  
commendent, præter grauissimum falsæ attestationis crimen  
quod incurrunt, impij sint etiam in Deum, atque Ecclesiam,

dum superioribus tales Ordinados obtrudunt, inde decus Clericalis Ordinis, ruinamque & perniciem multorum.

Atque ætas quidem, in assumendis ad primam tonsuram, & tres Minores Ordines, septem; ad Acolytatum, duodecim completorum; ad Subdiaconatum, viginti duorum; ad Diaconatum, viginti trium; ad Presbyteratum, viginti quinque annorum requiritur: istos tamen sufficit inchoatos esse.

De vita autem & moribus, cum inquisitio fiet, inuestigent, etiam, perscribantque Parochi, an promoti iam antea ad aliquos Ordines, si ulterioribus insigniri cupiunt, modeste ut ministros Dei, vocatosque in sortem eius decet, viuant; num in ministerio Ecclesiæ, atque exercendis susceptis Ordinibus sint assidui, reuerentiam Presbyteris, & alijs Superioribus exhibeant, Sacramenta Poenitentiae & Communionis, crebrius quam antea vsurpent.

Et quoniam prohibet Apostolus, ne cuiquam manus citò imponamus; nemo se in posterum, à susceptione ultimi Minorum Ordinum gradus, ad Maiorem, vel ab vno Maiorum, ad alterum promouendum speret, qui in ante suscepto annum saltem vnum in Ecclesia cui ascriptus est, non ministrauerit; nisi fortè vel causa studiorum absit, vel Ordinarius loci, expedire aliter ob necessitatem, aut vtilitatem Ecclesiæ existimauerit.

Nullus item Clericus secularis, ne cum dedecore Ordinis mendicare, vel sordidum aliquem quæstum exercere, sedibusque incertis vagari cogatur, quamuis idoneus alias, admittatur ad Ordines sacros, nisi prius, iuxta Tridentinum Concilium, *Sess. 21. de ref. c. 1.* legitimè constet, possidere eum beneficium pacificè, vel in aliqua Ecclesia receptiua provisionem habere, certam, quæ sibi pro victu & amictu honesto sufficiat. Beneficium autem illud resignare non poterit, nisi facta mentione, quòd ad titulum eius sit promotus, neque ea resignatio admittetur, nisi constito, quod possit aliundè commodè viuere. Ecclesiam



eleſiam etiam in qua prouiſus erat, inconſulto Ordinario, vel Officio eius, non dimittet, alias interdictum ſibi eſſe propterea exercitio Ordinum ſciat. Similiter, ſi quiſpiam intuitu patrimonij ſui ordinatus fuerit, alienari patrimonium illud, extinguere vel remitti nullatenus poterit, ſine Ordinarij, aut Officij eius licentia, donec ſit promotus, vel beneficium aliquod ſufficiens aſſequatur, vel habeat alias vnde viuat.

Caueant autem, tam Ordinandi, quàm Parochi, & alij quicunque, aſſignantes illis prouiſiones in ſuis Eccleſijs, ne, quod ſæpè faciunt, fictis, atque ementitis pro tempore prouiſionibus, Ordinarijs, vel Archidiaconis illorum, conentur impo-  
nere; aliàs ſcienter & in fraudem hoc modo prouiſi, ſuſpèſi ſint ipſo facto ab executione ſuſceptorum Ordinum, ſpeque & facultate omni aſpirandi ad ſuperiores careant: prouidentes autem, poenam excommunicationis incurrant.

Porro alienæ Diœceſis Clerici, niſi vel verſati fuerint in familiaritate Episcopij integro triennio, vel domicilium firmum, à decem ſaltem annis, ſine voluntate redeundi ad locum originis, in Diœceſi eius habuerint, vel aliàs domicilium contraxerint, iuxta iuris diſpoſitionem, ordinari ab illo non poterunt, abſque dimiſſorijs Ordinariorum ſuorum literis, in quibus, præter facultatem ſuſcipiendi Ordines ab alieno Episcopo, cauſæ etiam conceſſionis huiusmodi exprimantur, examinatosque illos, de natalibus, ætate, ſcientia, moribus, ac probatos eſſe, & beneficium, aut patrimonium, prouiſionemue in receptiuam aliqua Eccleſia habere, appareat.

Nouerint denique vniuerſi, non admittendos ſe eſſe ad Ordines ſacros, citra obtentam legitimè, atque exhibitam Ordinarijs, vel Archidiaconis eorum diſpensationem, aut niſi aliàs idonei & habiles reddantur illegitimi, Hereticis parentibus non, conuerſis poſtea nati, aut ipſi quandoque in Hæreſim lapſi, Neophiti, Bigami, Irregulares, Suſpenſi, Interdicti, Excommuni-

cati maiori excommunicatione. Minores natu. non Confirmati. rudes atque ignari. criminosi. & solemniter poenitentes, homicidæ, adulteri, periuri, vsurarij, manifesti, gulæ & ebrietati dediti, infames, obligati ratiocinijs, serui, vitii corpore, insigniter deformes, peregrini & ignoti, hermaphroditæ, amētes, caduco morbo laborantes, energumēni, & alij id genus, quibuscunq̃ue Canonicis impedimentis obnoxij.

*De modo acceptandi beneficia Ecclesiastica.*

**C**VM vt plurimum ascensui descensus respondeat, quiq̃ue non per ostium, nec per gradus, sed aliunde, & peccati demonisq̃ue ministerio euehuntur, ad templi pinnaculum sæpè impellente eodem, præcipites ad infera ruant: nemo, quod plerique praua & inueterata consuetudine faciunt, resignanda ab alijs beneficia, priusquam reuera resignentur, etiam sub clausula, resignaturus est, impetret: Omnes enim præsentationes & collationes huiusmodi contrariæ sunt iuri, ac proinde irritæ & nullæ.

Nullus item præsentandus, pacisci cum Patronis, aut transigere quouis modo audeat, de alienandis hoc nomine, vel non, repetendis ab eis bonis, aut iuribus Ecclesiæ, decimisue particularibus, in pecuniarias conuertendis, vel locandis, aut minuendo earundem precio, sub pænis, à iure in prouisos simoniacè latis.

Sint verò Plabani, & alij Beneficiati omnes, instituti ab Ordinarijs suis, aut Vicarijs eorum generalibus, teneanturq̃ue eisdem, cum requirent, & visitatoribus illorum, ostendere literas institutionis suæ.

Si quis autem eò temeritatis processerit, vt Parochialem Ecclesiam, vel aliud quodcunq̃ue curatum, aut sine cura beneficium, administrationemue, vel detentionem eius, de manu laicali sine institutione, commendationeue Canonica recipere, aut recepta tenere, sub quouis colore & prætextu audeat; præter-

terquam, quod iure & auctoritate administrandi in eis Sacra-  
menta carebit, fructusque non faciet suos, & restituere tenebi-  
tur; ad beneficium quoque illud, & aliud quodcunque obtine-  
dum reddetur inhabilis; sed & alijs, si quæ habet, Canonice  
obtentis, priuatus erit eo ipso; obediensque & præstantes  
subiectionem vllam occupatori vel detentori huiusmodi, si qui-  
dem vniuersitas sit, interdicti; si persona singularis, excõmu-  
nicationis sententiam incurrant.

Et quoniam beneficium datur propter officium, qui que ex  
Altari viuunt, Altari seruire debet: omnes instituti ad beneficia  
curata, vel alias quouis modo obligationem huiusmodi anne-  
xam habentia, tenentur infra annum post adeptam pacificam,  
illorum possessionem, nisi legitimum impedimentum obstat,  
sub priuatione eorumdem, ipso iure, ad Sacerdotium promo-  
ueri, primamque suam Missam infra sex ad summum menses ce-  
lebrare, sub poenis in cõstitutionibus Prouincialibus expressis.

#### *De fabrica Ecclesie.*

**I**Nter multa, quæ curam & studium Sacerdotum decet: haud  
postremum est illud, vt Ecclesiam quisque suam quasi spon-  
sam excolat, & ornet, diligenque decorem domus Dei, & locum  
habitationis gloriæ eius. Nihil est enim, quod vel illos chario-  
res populo reddat, vel populum ipsum ad deuotionem & pie-  
tatem omnem moueat & excitet magis.

Primum itaque det operam Parochus, vt Ecclesia cui præest,  
tecta sit, & clausa probè, parietes habeat firmos, nec hiantes  
fissuris, fenestras vitro clausas, fornicemque aut laquear decens.

Sacrofanctum Eucharistiæ Sacramentum teneatur in taber-  
naculo competenti, super Altare maius, vbi id commodè fieri  
potest, vel in alio loco conspicuo & nobiliori totius Ecclesiæ  
sito, seraque munito, cuius clauis cautè à Parocho, vel Sacro-  
rum custode seruetur. Recondatur autem in pixide argentea,

dcaura-



deauratâ, supposito eidem corporali, & rehouetur octauo quo-  
libet, aut quindecimo ad summum die, seperque ante illud lâ-  
pas, vel careus ardeat, præsertim diebus festis, dum populus  
in Ecclesia congregatur. Quoties autem deferendum ad infir-  
mos erit, particulæ aliquot in alio vasculo argenteo relinquantur,  
propter ingredientes interim Ecclesiam, ne flectentes ante  
Sacrarium, cultumque latriæ exercentes, errorem committant.

Olea quoque sacra cum Chrismate, in loco benè clauso &  
decenti, extra tamen tabernaculum sanctissimi Sacramenti, in  
quo nihil præter illud poni debet, inque tersis ac nitidis vascu-  
lis; Infirmorum autem, etiam in separato ab alijs collocentur:  
neque ad Baptismum vel infirmos, nisi à superpelliceatis Sacer-  
dotibus, atque cum lumine deferantur. Noua singulis annis,  
repestiuè, post diem sanctum Coenæ Domini, per Clericos, nō  
laicos, ex Ecclesia Cathedrali afferantur, ac modicè, vbi neces-  
sitas exiger, mundo & recenti oleo diluantur: vetera autem,  
extra casum necessitatis, ne adhibeantur à Parocho, sed quot-  
annis pariter in lapide, destinato ad hunc vsum, comburantur.

Fontem item Baptismalem, nitidè, atque sub clausura tene-  
at Ecclesiæ rector, vasque fontis, sæpius intra annum mundet,  
aquam eiusdem, per pannum lineum mundum in olam nouam  
colando, qua refusa in vas suum sic mundatum, pannus ille cō-  
buratur, & olla contracta subterretur. Quando verò renouā-  
da statis tēporibus erit aqua prior, quæ in vase fuerat, in sacra-  
rium proijciatur.

Reliquiæ si quæ sint approbatæ, in Ecclesia loco decenti, tu-  
to, neque humido seruentur, quæuè & quorum sint Sanctorū,  
super scriptis eorum nominibus pateat: quin & Catalogi illa-  
rum describantur in tabellis, cum Antiphonis, Versiculis, &  
orationibus suorum Sanctorum, quæ iuxta Altare, vel alium  
locū, vbi illæ repositæ fuerint, pro oraturis ante eas fidelibus,  
appendantur. Quoties autem venerandæ exponantur popu-  
lo,

lo, non permittant eas osculari aut tangere secular. s, sed vas-  
fa duntaxat, siue thecas illarum. Si quæ verò incertæ sunt, &  
inscriptione carent, non ostendantur publicè, sed reuerenter in  
sacrario teneantur. Nouæ autem vndecunq; allatæ, non reci-  
pian-  
t-  
ur ad Ecclesiam sine recognitione & approbatione Ordini-  
narij. Nulli item liceat accipere vel minimam illarum particu-  
lam; aut dare cuius personæ, sine licentia eiusdem, sub poena  
excommunicationis incurrenda ipso facto.

Imagines & signa non nisi Sanctorum, eaq;ue decentia, ac  
quæ ore, affectu, habituq; corporis, religionis speciem præse-  
ferant, & ad pietatem animos intuentium prouocent, in Tem-  
plis & Altaribus collocentur: imago autem Crucifixi, in me-  
dio cuiusq; Ecclesiæ statuatur.

Altaria sint munda, cooperianturq; umbellis, præsertim  
maius, aut telâ coloratâ ad arcendum puluerem: gradus item,  
firmos, decliues & pro capacitate loci spaciosos, habeant.

Suggestus pro prædicando verbo Dei, loco eminenti atq;ue  
conspicuo, & quoad fieri potest, in medio Ecclesiæ, quò meli-  
us videre omnes Prædicator, videriq; ipse & audiri ab omni-  
bus valeat, collocetur; tegaturq; laqueari ligneo, quò sensa-  
bilius per infera vox Concionatoris diffundatur.

Confessionalia etiam, tot in publico & aperto loco, remoto  
tamen ab Altari maiori, extruantur, quot pro confitentium  
frequentia, & Confessariorum numero sufficiant.

Pauimentum Ecclesiæ stratum sit, & æquale, scopeturq;  
frequenter. Cum autem fidelium corpora sub eo conduntur,  
coaptetur, & planetur denuò, profundeq; fodiantur, & clau-  
dantur optimè sepulchra, ne feteant.

Vas cum aqua benedicta, pro aspersione, in ingressu, & e-  
gressu fidelium, propè limen, intra tamen Ecclesiam statuatur,  
quæ singulis diebus Dominicis renouata, vetus in sacrarium,  
aut per Ecclesiam effundatur.

L

Trabes;

Trabes, frumenta, merces, resque alie profane, etiam in scrinijs, valisjs, vel dolijs, non afferuntur in Ecclesia, nisi forte id fabricæ, belli, aut incendij necessitas postulet: qua cessante, curet ea statim amoueri inde Parochus.

Extruatur etiam porticus ante ostium Ecclesiæ, quæ exorcisaturo baptisandos, vel introducturo puerperas Parocho, pauperibusque petentibus eleemosynam, pro receptaculo deserviat.

Cæmeterium sit septum & clausum, ne brutorum incurfionibus pateat, nullæque sint in eo immunditiæ, lignorumue strues, aut cæmentorum acerui; sed & frutices ac vitiæ, si quæ excreuerint, succidantur: arbores tamen, ob tuendam à circummicinis incendijs Ecclesiam, sini & plantari poterunt, dummodo luminibus templi propinquitate sua non officiant.

Sit etiam ossorium separatum à parietibus Ecclesiæ, in quod ossa mortuorum congerantur, feretrumque pro deportandis ad sepulturam cadaveribus.

Campanæ non appendantur in trabibus parieti Ecclesiæ adnixis, sed sublimes in campanili erigantur, sintque benedictæ, & aliqua illarum quotidie, in ortu & occasu solis, pro signo salutationis Angelicæ, pulsetur.

#### *De supellectili sacra.*

**H**Abeantur etiam in qualibet Ecclesia, albi, rubri, viridis, violacei & nigri coloris, conuenientia splendori, ac redditibus eius, Altarium, Sacerdotum, & Ministrantium illis, ornamenta; vt, antependia, pallia, cassulæ, dalmaticæ, stolæ, manipularia, cingula, mappæ, albæ, amictus, altaria, portatilia, crucces, patinæ, calices, vella pro eisdem, corporalia cum burfis suis, pallæ, purificatoria, vrceoli pro vino & aqua, peluiculæ pro lauandis ad altare manibus, manutergia, pulpita seu puluinaria pro Missali, campanulæ, thurribula, nauicellæ, candelabra, cerei superpellicæ, vexilla, vasculum cum plumbo pro seruandis



dis hostijs, atque instrumenta ferrea, pro pinfendis & formādis eisdem. Quæ si ob tenuitatem prouentuum Ecclesiæ non habebit unde prouideat Parochus, recurrat ad opem fidelium, præsertim Patronorum, suadeatque, ut quemadmodum cultū & nitorem domus quisque suæ amat, ita Ecclesiæ, in qua nati sunt, ex aqua & Spiritu S. doctrināq; Christiana, & Sacramentorum participatione educantur, quæque tandem functorum hac vita, & ipsorum, & charissimorum illis, futura est domus in æternum, debitam rationem habeant.

Habeantur item manuscripti, arte tamen & seorsim ligati libri, Baptifatorum, Cōfirmatorum, Contrahentium matrimonia, negligentium confiteri, vel communicare, tempore Paschali, Decretorum, Visitationis, Excommunicationum fulminataram, Anniversariorum, pro defunctis, necnon matriculæ animarum omnium, quæ sunt in illa Parochia.

Vniuersa autem hæc, tam sacra, quàm profana supellex, in vestiarijs siue armarijs benè clausis & mundis, sacrarioque nec obscuro, nec humido, quàm ordinatissimè disposita, seruetur, semelque ad minus in anno, omnes sacræ vestes siccandæ in solem exponantur; lineæ autem sæpè, sed corporalia, non nisi à Sacerdotibus, vel saltem Diaconis, intraque sacrarium, & in destinatis ad hoc ipsum vasis, lauentur.

Fiat etiam Inuentarium totius supellectilis Ecclesiæ, quod retineatur à Parocho, cum sigillis eius atque vitricorum, aut aliorum probatorum hominum; alterum verò simile huic, ad Lociordinarium transmittatur.

Habeantur denique libri, vnus à Rectore Ecclesiæ, alter à victricis, in quibus diligenter porrectiones siue eleemosynæ, pro fabrica & necessitatibus Ecclesiæ, fieri à fidelibus solitæ, dispensatioque earundem, quæ cum consilio Parochi semper fiet, describantur; & iuxta hos libros, rationem quotannis vitrici tenebuntur facere.

*De residentia Parochorum.*

**M**Vnus atque officium præfidentium Ecclesijs, maximè curatis, hoc exigit, vt agnoscant vultum pecoris sui, vocent oues singulas nominatim, prædicatione verbi Dei, administratione Sacramentorum, & bonorum operum exemplo pascant; faciantque alia quàm plurimà, quæ præstari nisi ab assiduis & inuigilantibus gregi suo, non possunt. Expediit proinde, vt quilibet Ecclesiam huiusmodi obtinens, resideat in ea personaliter, neque vltra duos aut ad summum tres menses, siue continuos, siue interruptos, singulis annis, vel certè ex graui tātum causa, cognoscenda ab Ordinario, & cum licentia eius in scriptis obtenta, prouisoque ne interim cura animarum negligatur, aut Ecclesia debitis fraudetur obsequijs, abesse præsumat; aliqui præter peccati mortalis reatum, quem incurreret, fructus quoque pro rata temporis absentiae, non faciet suos, etiam non secuta alia declaratione, neque tutà conscientia retinere eos poterit, sed in vtilitatem eiusdem Ecclesiae, vel eleemosynā pauperum conuertri debebunt, Ordinarij arbitrio. Quin & grauioribus poenis, si quis hac in parte remissus & cōtumax fuerit, succumbet.

In primis autem caueant Parochi, ne tempore Aduentus, Quadragesimæ, Natiuitatis & Resurrectionis Domini, Pentecostes item, ac solemnitatis Sacratissimi Corporis Christi, Patronique, & Dedicationis Ecclesiae suae, absint. in quibus potissimum, refici fideles, & gaudere Pastorum praesentia debent.

Sæuiente etiam peste, cum si quando alias, tunc maximè indigeant opera illorum, non deserant populos suos, moneantque dum sani sunt, vt confiteantur, atque communicent tempestiuè; qui si nihilominus confiteri ad extremam vsque necessitatē distulerint, per se vel alios idoneos Sacerdotes ex longinquo, per obices, in aperto aëre, vel qua tandem tutiori ratione poterunt; imo cum periculo etiam vitæ, confessiones illorum excipiant,

piant, atque Sacramentum Baptismatis, tam parulis, quam adultis ad fidem conuersis, ministrent. Nullique omnino hæc præcipua duo tam necessaria Sacramenta etiam eo tempore denegent.

### *De Vicarijs.*

**S**I qui autem, gratiam de non residendo apud Ecclesiam suam, aut plura curata, vel alias curatis incompatibilia beneficia, ex dispensatione Apostolica obtineant, adesseque propterea omnibus non possint: inprimis dispensationes huiusmodi teneantur quamprimum Ordinario exhibere; deinde habeant Vicarios rite Ordinatos, probos, honestos, diligentes, & quantum fieri potest, eruditos, probatosque ab Ordinario, vel officio eius generali, quibus debent assignare congruam fructuum portionem, vel condigna alias soluere salaria. Hoc tamen non obstante, ipsi etiam sæpe in persona visitent Ecclesias suas, iuxta Constitutiones Prouinciæ.

Sed & ubi ita numerosus est populus, ut ipsemet residens Rector, ministrandis Sacramentis, Diuinoque cultui peragendo sufficere nequeat, adiungere sibi debet vnum, aut plures, pro & exigentia loci, & quantitate prouentuum Ecclesiæ, similes Vicarios, non Regulares tamen, aut Apostatas, publicenæ criminosos, quibus parem ac ipse habet etiam prædicandi, atque absoluedi Parochianos potestatem, non requisita si remotius degat, approbatione Ordinarij sui, tribuere valeat; dummodò prædicti Vicarij à Decano rurali, congregationem tunc Parochorum celebrante, vel ab Officiali districtus illius foraneo, idonei reperti atque approbati fuerint: in quo conscientias eorundem, Decani & Officialis, oneramus. Fiet autem & scribetur hæc approbatio gratis; semelque approbatus, pro idoneo semper habebitur, quamdiu Ecclesiæ illi ministrabit.

Nullus item Rectorum, in Vicarios huiusmodi, recipere, audeat Sacerdotes forenses, siue peregrinos, & vagos alienæ



Diocesis, absque testimonialibus & dimissorialibus Ordinari-  
orum suorum; vel si sint eiusdem Diocesis, siue Prælati, Paro-  
chiue, cuius Ecclesiæ immediatè seruierunt, literis; sub poena  
decem marcarum, exigenda per Instigatorem officij, ad delati-  
onem Decani Ruralis, pijsq̃ue locis, arbitrio Ordinarij seu Of-  
ficialium eius, applicanda. Sed nec dicti Vicarij, postquam  
se Ecclesiæ alicuius ministerio adiunxerint, audeant sub poena  
eadem, inuito, vel ante trimestre non monitu Parocho, Eccle-  
siam illam deferere; qui se grauatos à Parocho senserint, recur-  
rant ad Ordinarium, vel Officium eius, exponantq̃ue sua gra-  
uamina.

*De Scholaribus, & Scholarum Magistris.*

**Q**uia multum refert, iuuentutem moribus & artibus opti-  
mis à teneris imbui: sit apud Ecclesiam quamlibet Schola,  
Clericusq̃ue Baccalaureus, vel Magister artium, pro eo, ac loci  
postulabit dignitas; qui professione fidei circa receptionem  
Scholæ, in manibus Parochi, vel Vicarij eius, iuxta Bullam Pij  
IV. facta, pueros Parochianorum, pietate & doctrina excolat;  
ac in primis curet, vt iuniores quidem, Orationem Dominicam,  
Salutationem Angelicam, Articulos fidei, Decalogi & Ecclesiæ  
præcepta; prouectiores autem, reliquum etiam Catechismum  
memoriter teneant, & quandoque publicè in Ecclesia recitent;  
modum item ministrandi operanti diuina Presbytero, calleant,  
subindeq̃ue Grammaticam, & alias triuales artes, cum huma-  
nioribus literis, pro ætate & captu discantium, docere eos non  
negligat: libris tamen Melanchtonis, & aliorum Hæreticorum  
abstineat, solumq̃ue approbatos, & in fide non suspectos au-  
ctores interpretetur.

Prouideat autem Parochus, vt tam dictus Rector Scholæ,  
quàm Cantor, & alij adolescentes, qui in Schola degunt, so-  
briè, honestè, & quietè uiuant. Solent enim quandoq̃ue, ma-  
la, & dissoluta vitâ suâ perturbare alios, scandaloq̃ue esse etiam  
inge-

ingenuis pueris, qui dum Scholas frequentant, dapnatos illorum mores intuentur, obseruant, imbibuntque facile.

Omnes etiam isti, vt ministros Ecclesiæ decet, Clericali habitu, vel consueto saltem talari vtantur, sub poena in Constitutionibus Prouincialibus expressa.

Atque Rector quidem & Cantor, repugnante nec monito tempestinè Parocho, locum non immutent: alioquin tam ipsi, quam qui eos recipit, sine dimissorijs à Parocho litteris, poenâ, illi decem, isti quinque marcarum, mulctentur; liberum tamen erit ipsis, si grauentur à Parocho, ad Ordinarium loci vel Officium eius recurrere. Adolescentes quoque commigrare de vna Schola in aliam, sine licentia & testimonio sui Rectoris, non, audeant, & recipi à quoquam non possint. Vagabundi autem à Ciuitatibus & Oppidis abigantur.

*De Predicatione Verbi DEI.*

**C**um ad retinendos in officio, atque informandos omni pietate homines, nihil in Ecclesia vtilius & efficacius habeatur prædicatione Verbi Dei, quod est penetrabilius omni gladio ancipiti, pertingitque ad diuisionem vsque animæ & spiritus: Volumus, vt Parochi, & alij quicunque Ecclesiarum Rectores, quorum præcipua hæc est pars officij, per se, vel si ipsi legitimè impediri fuerint, per alios idoneos atque approbatos, vt supra, Sacerdotes, diebus saltem Dominicis, & festis solemnibus; in Aduentu autem, & Quadragesima, duabus præterea ad minimum ferijs, erudiant pro Concionibus populum, deterreantque à vitijs, & ad virtutes cohortentur, ac præmia bonorū coelestia, cum æternis malorū supplicijs, sedulò inculcēt.

Accommodent autem præcipuè se, & doctrinam suam, ætati, ingenio, conditioni, studijs, & moribus audientium, omniaque omnibus efficiantur, vt omnes Christo lucrifaciant, atque alijs quidem, vt modò genitis infantibus lac, alijs vt prouectioribus iam vel adultis in Christo, solidiores cibos subministrant.

assistent: Omnibus autem & singulis, ea præbeant doctrinæ alimen-  
ta, quæ spiritum augeant, promoueatque illos in virum  
perfectum.

Sed & temporis ipsius rationem habeant, illiq; potissimum  
sermonem conforment, vt tempore (verbi gratia) Carnisprui-  
uij, ab ebrietatibus & impudicijs populum auertant; in Qua-  
dragesima autem, ad Poenitentiae & Eucharistiae Sacramenta  
præparent; & sic in reliquis anni partibus, pro, vel occasione,  
ab Euangelio, Epistola, Lectione, festo ritibusue ac cerimoni-  
is Ecclesiae data, præcipua doctrinæ Christianæ capita explicet,  
vel propensione tunc maiori hominum ad aliqua vitia, eadem  
perstringant, & ad contrarias virtutes hortentur. Ad quorum  
vtrumque Catechismus Concilij Tridentini, cum Postilis Wu-  
icci, & Skargæ, abundè suppeditabunt illis, non solum mate-  
riam, sed & tractandæ eius modum.

Ante omnia verò, rudimenta fidei, & necessaria omnibus  
ad salutem doceant; Orationem Dominicam, Symbolum A-  
postolorum, Decalogum, Sacramentorum vim, naturam, &  
vsum; necnon Præcepta Ecclesiae, cum in matutinis Concioni-  
bus, pro opportunitate exhibita, tum in pomeridiana Catechi-  
smi explicatione, iuxta Synodale Decretum explanent, atque  
ad hos quasi fontes, omnem suam doctrinam reducant.

Et de rebus quidem controuersis in fide, apud rudem & Ca-  
tholicam plebem, disputationes longas non instituunt; si quæ  
tamen occasio, aut necessitas postulet, modeste id, sineq; con-  
uitio, & cum ea quæ ministros Dei decet charitate, præsent.;  
vt non tam persequi aduersarios, quàm errantes ad viam veri-  
tatis reducere, cupere videantur; dogmataque duntaxat Ec-  
clesiae sacrâ Scripturâ, probatis traditionibus, auctoritate Cõ-  
ciliorum, & SS. Patrum doctrinâ, confirment; recensendis au-  
tem argumentis Hæreticorum superfedant, nisi illa & ipsi re-  
soluere solide, & qui eos audiunt, vim & energiam solutionũ  
percipere valeant.

Scho-



Scholastica etiam curiosa, quæque ad ædificationem non faciunt, coram idiotis non tractent. Sæpe enim accidit, ut quia auditores, neque dicta ob subtilitatem intelligunt, neque ob impensam subtilibus totam concionem, audiunt convenientia captui suo, vacui, inanesque fructuum verbi Dei recedant, impleaturque illud Propheticum: *Paruuli perierunt panem, & non erat qui frangeret eis.*

Historiam nonnisi probatas usurpent: nugis autem, fabellis, leporibus, & facete dictis, pigmentis item ac ceruis verborum, quæ Euangelij gravitatem dehonestant potius quam ornant, abstineant omnino; neque tam studeant demulcere audientium aures, quam frangere animos, & deterrere à vitijs, quæ nunc communiter genus humanum infestant; ut sunt, inimicitie capitales, publicæ iniuriæ, virginum & viduarum raptus, adulteria, usuræ, furta, rapinæ, periuria, calumniæ, iudiciorum iniquitas, legum & magistratuum contemptus, subditorum oppressio, violatio Festorum, imprecationes, blasphemie, maleficia, præstigia, ebrietates impudentes, luxus incorrigibilis, perpetuum ocium. Contra verò hortari atque inflammare eosdem ad pietatem in Deum, observantiam in superiores, benignitatem in subditos, honorem erga pares, amorem in omnes, patientiam, humilitatem, castimoniam, sobrietatem, & alias id genus virtutes.

Quoties autem in scelera, præsertim familiaria auditoribus, inuehantur acrius; non hominum, sed peccatorum odio id faciant, neminemque expressè, aut per circumlocutionem noceant, & maxime constitutis in aliqua dignitate, caueant ne acerbe, aut nominatim obiurgent, sed leuiter atque in genere tantum admoneant.

Quod si fortè ij qui prædicaturi sunt, neque ingenio, neque memoria valeant, Homiliam aliquam de tempore, ex dictis Pontificis, loco & auditoribus, à se accommodatam recitent, potius

M

ex scri-

ex scripto quàm nullo ordine atque iudicio, quicquid eis in mentem & os venerit, proloquantur temerè.

Provideant denique, ne dum concio habebitur, deambulationes per Ecclesiam, aut confabulationes fiant: sed nec facrum tunc Missæ officium, quod turbare audientes posset, celebretur, infante iuè ad Baptismum, vel Eucharistia cum Oleo sacro ad infirmos deferatur, nisi periculum mortis instet.

*De promulgationibus a Concionatore faciendis.*

**F**inito sermone, dies festos, ieiunia, indulgentias, Censuras Ecclesiasticas, & alia his similia denuncient Parochi, commendentque publicas & priuatas necessitates orationibus fidelium, ac denique Confessionem cum eis generalem recitent.

Famam autem, seu rumores gestorum alicubi, præterquàm ob gratias Deo peragendas, aut implorandam eius opem, non promulgent: neque res perditas publicent; nisi id necessitas, vel magna paupertas damnum passi, postulet.

Festa porro seruanda in hac Prouincia, denunciandaque populo, præter Dominicos dies, sunt hæc: Natiuitatis Domini, Circumcisionis, Epiphaniæ, Resurrectionis, Ascensionis & Pentecostes, cum duobus diebus immediatè sequentibus; Corporis Christi, Inuentionis & Exaltationis sanctæ Crucis, Conceptionis, Natiuitatis, Annunciationis, Visitationis, Purificationis, & Assumptionis B. M. V. Michaëlis Archangeli, Natiuitatis Ioannis Baptistæ; Apostolorum, Matthiæ, Philippi & Iacobi, Petri & Pauli, Iacobi maioris, Bartholomæi, Matthæi, Simonis & Iudæ, Andreæ, Thomæ, & Ioannis Euangelistæ, Innocentii, Stephani, Laurentij, Adalberti, Stanislai in Maio, Martini, Nicolai, Annæ, Mariæ Magdalene, Catherinæ, Agnetis, Margarethæ, Omnium Sanctorum, nec non proprii, loci aut Parochiæ cuiusque Patroni: quæ omnia & singula sanctificanda sunt à Clero & populo, cultu & ueneratione solo-

mai.

in. Si quæ tamen illorum, ex proprijs diebus transferri cõ-  
tingat in alios, tunc à Clero tantum celebrabuntur in Ecclesijs:  
Labores autem & operas populi minimè impediunt; solemnita-  
tibus duntaxat, Annunciationis B. Virginis Mariæ, Sancto-  
rumque Adalberti & Stanislai in Maio, exceptis, quæ etiam  
translata celebrare populus tenebitur. Dies autem Transfigu-  
rationis Domini, Præsentationis Mariæ, & ad Nives, Diuifio-  
nis Apostolorum, Vinculorum Petri, Conuerfionis Pauli, SS.  
Marci & Lucæ Euangelistarũ, Gregorij, Ambrosij, Augustini,  
Hieronymi, Doctorum Ecclesiæ, necnon SS. Casimiri, Eliza-  
bet & Hedwigis: Clerus quidem venerabitur duplici officio,  
sed populus auditâ Missâ laboribus & operis licitè vacabit.

Instante etiam Sancti aut Sanctæ alicuius festo, cuius cor-  
pus, membra, vel aliæ insignes reliquæ habentur in aliqua Ec-  
clesia, moneatur tempestiuè populus, & ad celebrandam illa-  
rum memoriam inuitetur; quod si multorum simul, vel inno-  
minatæ fuerint, vna saltem quotannis dies, obeundæ ibidem  
solemniter à Parocho commemorationi illarum, assignetur.  
Anniuersaria quoque Dedicationis Ecclesiæ dies, promulge-  
tur in Dominica præcedente.

Inculcandum est autem sæpiùs à Parochis, non propterea  
dies festos institutos esse, vt commensationibus, ebrietatibus,  
impudicijs, choreis, lusibusue fideles indulgeant, temporeq;  
saluti, & placando Diuino numini destinato, ad maiorem ipsi-  
us offensam, atque animarum suarum perniciem abutantur;  
sed, vt cum tot alijs diebus curæ temporalium vacauerint, huic  
saltem diligentius spiritualibus inuigilent, seque ipsos colligant;  
recognitent beneficia Dei, & gratias pro illis agant; sacrificio  
Missæ & alijs diuinis officijs intersint, Concionem audiant,  
Sacramenta curandis animæ vulneribus adhibeant, liberiutque  
pietatis & charitatis Christianæ operibus vacent.

Fora item, mercatus, & nundinas, sicubi Dominicis aut



festis diebus peraguntur, suadeant transferri in alios Parochi;  
ne hæc quoque occasio populum à diuinis retrahat.

Sed & ieiunia, obligantia ex præcepto vel consuetudine,  
denuncient sedulò. Magnus enim in ea re est abusus, multiq̃ue  
non ieiunant, quando ieiunandi imposita est eis necessitas, &  
è contra, ieiunant cum eos ieiunare nullum Ecclesiasticum præ-  
ceptum, aut consuetudo publicè recepta cogit; sed priuata tã-  
tùm deuotio suadet. Ieiunandum est igitur ex præcepto: in  
Quadragesima, Quatuor temporibus, Vigilijs Natiuitatis Do-  
mini, Assumptionis B. V. Mariæ, & omnium Apostolorum,  
præter Vigilijs Ioannis Euangelistæ, Sanctorumq̃ue Philippi  
& Iacobi; Nam B. Matthiæ etiam si in dies Carnispruij incide-  
rit ieiunanda omninò, neq̃ue transferenda est in alium diem. In  
Vigilijs item Ioannis Baptistæ, Laurentij, & Omnium Sancto-  
rum, ferijsq̃ue sextis toto anno, præterquam cum in eas Nati-  
uitas Domini inciderit. Ex consuetudine autem antiqua Pro-  
uinciæ, etiam in diebus, reliqua Beatissimæ Virginis festa, ex-  
cepto Præsentationis & ad Nives, antecedentibus. Cætera iei-  
unia, si quæ præterea colunt & obseruant aliqui, libera sunt,  
placitoque & deuotioni cuiuscunq̃ue relinquuntur.

Indulgentiæ à Sede Apostolica concessæ, ex Tridentini Cõ-  
ciliij decreto, ab Ordinarijs locorum, adhibitis duobus de Ca-  
pitulo, sunt populis publicandæ. Cum autem earum publica-  
tiones alijs commiserit Episcopus, ij promulgando salutare  
illarum fructus, ac vim planè coelestem, edisserant, doceantq̃;  
populum, quo pacto implendis pietatis & deuotionis Christi-  
anæ, quæ tenore Indulgentiarum continentur, officijs, dispo-  
nere se ad eas consequendas debeat. Ad quæstum tamen & e-  
leemofynas, scandalosè à fidelibus exigendas, diuinum hunc  
thesaurum ne exponant, nullasq̃ in posterum Indulgentias, am-  
plissimas & antiquissimas licet, pro quibus consequendis por-  
rigendæ sunt manus adiuntrices, vsurpent, publicentq̃e. Re-  
uocatæ

noc  
ian  
N  
rum  
olo  
taq̃  
dan  
stim  
ter  
B  
mis  
gen  
cũ  
uinc  
Ecc  
min  
hac  
den  
anto

E  
tus  
dilig  
dos  
feru  
pern  
V  
mai  
chi  
præ

nocatæ enim atque irritatæ sunt omnes huiusmodi, nullamque iam amplius vim & efficaciam habent.

Noua item miracula, ad templa, imagines, aut reliquias quorumcunque Sanctorum, nisi sint recognita, atque adhibito Theologorum consilio, approbata ab Ordinarijs, ne publicent; vota que oblata à fidelibus hoc nomine non recipiant, nec appendant, nisi facto, & circumstantijs eius benè examinatis, & testimonio fide dignorum probatis, quæ in peculiari libro diligenter describant.

Bullam præterea Coenæ Domini, bis ad minus in anno, primis scilicet Dominicis Aduentus, & Quadragesimæ, promulgent; zeloque & diligentia maiori qua poterunt, explicent, cum omnia alia puncta & anathemata eius, seruientia huic Prouinciæ tum illa præcipuè, quæ contra violantes iurisdictionē Ecclesiasticam, decimasque & bona spiritualium rapientes, fulminant. Efficaciam quoque & vim censurarum Ecclesiæ, cum hac ipsa occasione, tum aliàs, vt si fortè quispiam incurrisse eas denunciandus sit publicè, diligenter populo inculcent, doceantque quàm meritò vitari & merui ab omnibus debeant.

#### *De administratione Sacramentorum.*

**E**T quoniam is, qui curam animarum gerit, præter ea quæ diximus, ad Sacramentorum etiam ministrationem paratus semper esse debet. Cogitent inprimis, ac perpendant secū diligenter Parochi, quàm ab omni labe peccati mortalis mundos ac liberos illos esse oporteat, ne dum opem salutis aliorum ferunt, sacra indigne tractando, æternam sibi ipsis afficiant perniciem.

Vt autem hæc diuina mysteria venerentur fideles impensius, maiori que illorum exardescant desiderio, non negligent Parochi, cum aliàs sæpè, tum præsertim in administratione illorum, præstantiam atque dignitatem eorundem explicare.

**M**ini-

Ministrent verò ea, ritu & cærimonijs, in libro Agendorum præscriptis, superpelliceo & stola induti, materiam & formam debitas, adhibeant cum intentione.

Nullum item precium vel mercedem, ab ijs quibus ministratur, exigere quoniam modo audeant. Consuetudo tamen legitima, pia fidelium largitione introducta, aliquid Ministro ad eius sustentationem, post ministratum liberè Sacramentum præstādi, erit obseruanda.

Præcipuè verò, atque ante omnia, sub interminatione diuini iudicij, poenitq; grauissimis infligendis Lociordinariorum, arbitrio, caueant; ne vel sine Baptismo infantes, vel infirmos sine Poenitentia, Eucharistia, Extremæque Vnctionis Sacramēto, culpa aut negligentia illorum, contingat decedere.

#### *De Baptismo.*

**E**T ad Baptismum quidem quod attinet, qui est quasi ianua vitæ Christianæ, neminem extra Ecclesiam in priuatis ædibus, nisi ex necessitate, Regumue, aut Principū filios, baptisent.

Erudiant nihilominus plebem, ac præsertim foeminas, quæ obstetricantur, quomodo baptizare debeant infantem recens natum, in necessitatis casu; si nimirum adeò imbecillum videant, ut neque deferri ad Ecclesiam, neque dum Sacerdos veniat, superuiuere posse videatur; nempe, ut fundendo ter aquam super caput eius, proferant hæc verba: **EGO TE BAPTISO, IN NOMINE PATRIS, ET FILII, ET SPIRITVS SANCTI.** Ea tamen cautela adhibita, ut præsentē Clerico non baptiset laicus, neque viro mulier, nisi fortè vir formam Baptismi ignoret; neque Catholico Hæreticus, aut Christiano, Iudæus vel Gentilis, qui etiam hoc casu baptizare possunt, modò aqua & verba debite adhibeant, cum intentione faciendi, quod facit Ecclesia. Quod si sic baptisatus euadat periculum, deferendus est postea ad Ecclesiam, ut solemnes circa eum Baptismi cærimoniæ, prætermisiss tamen exorcismis suppleantur. Si



Si verò dubitetur, an vel huiusmodi, vel expositus infans, aut etiam adultus baptisari cupiens, baptisatus sit antea, & debite baptisandusque propterea, diu atque multum re examinata videatur Parocho; adhibeatur hæc forma: **SI NON ES BAPTISATUS, EGO TE BAPTISO, IN NOMINE PATRIS, &c.**

Patrimos, Matrinæ suæ, ad leuandum de sacro fonte baptisatum, vno, aut vna, vel ad summum vno & vna, plures non admittant Parochi; doceantque cognationem spiritualem, impedientem & dirimentem matrimonia contrahi hoc nomine, inter suscipientes ex Baptismo, ac Baptisatum ipsum, & inter illius Patrem & Matrem, nec non inter Baptisantem & Baptisatum, Baptisati que Patrem ac Matrem tantum; quemadmodum Sacro Tridentino Concilio cauetur, *Sess. 24. de ref: c. 2.* Quorum omnium nomina & cognomina, ipsemet Sacerdos manu sua, describat, in libro Baptisatorum, in hunc modum: Anno 1607. die 15. Octob: Ego N. Piebanus, aut Vicarius Ecclesiæ Parochialis N. baptisauit N. Filium & N. coniugum legitimorum, Patrimi fuerunt N & N.

Sed & Infideles, Hæreticos, Schismaticos, Excommunicatos, Monachos, à munere Patrinorum arceant.

### *De Confirmatione.*

**C**onfirmationis etiam Sacramentum, quod nos armat & induit virtute ex alto, quoties ab Ordinario loci, vel alio Episcopo de eius licentia ministrandum erit, instruant Rectores tempestiue populum, de vi & effectibus eius; moneantque, vt semel confirmati non reiterent illud sacrilege: Confirmandi autem, corpora quasi templa Spiritui sancto peculiariter dedicanda præparent, & animos expurgent per confessionem, si præsertim conscientia noxæ alicuius mortalis teneantur, aut saltem firmum confitendi quantocius propositum habeant: Interea item munda, pro alligando sibi in frontibus Chrismate, Patri,

Patrinumque vel Matrinam, prout ipsi mares vel foeminae fuerint confirmatos iam non Patrem tamen aut Matrem, nec Vitricum, vel Nouercam, Maritumue aut vxorem, suos provideant; qui plures duobus, vel tribus ad summum, vna die tenere non poterunt, & quos tenuerint, instruere debent ad omnem pietatem, ac fidei rudimenta docere, utque pie, reuerenter, & ieiuni, excepta necessitate, ad Sacramentum hoc salutare accedant, neque nisi finito Confirmationis omnium actu, & benedictione Episcopali accepta, deterfoque à Sacerdotibus, si praesertim remotius habitent, Chrismate, de templo discedant. Meminerint denique cognationem spiritualem in hoc Sacramento contrahi, inter Confirmantem & Confirmatum, illiusque Patrem & Matrem, ac tenentem. Quorum omnium nomina & cognomina, cum expressione temporis, curet annotari Parochus, in libro Confirmatorum in hunc modum: Anno, Mense, die, &c. Confirmatus vel confirmata est à Reuerendis: Domino N. Episcopo N. filius vel filia N. & N. Patrinus vel Matrina fuit, N.

#### *De Pœnitentia.*

**Q**uo frequentius in scopulos vicioꝝ impingunt fideles; eò vt sæpius Sacramentum Pœnitentiæ, quæ est secunda, post naufragium tabula, frequentent, admoneant Parochi; semel verò ad minus per annum, praesertim in paschate, confiteri eosdem etiam compellant, non confessos, notent & deferant Ordinarijs vel Visitatoribus eorum: ac demum si moniti parere noluerint, viuos aditu Ecclesiæ, mortuos, Ecclesiastica sepultura, arceant.

Hortandi sunt præterea fideles, ac praesertim illi, qui rarius confitentur, ne confessionem ad extremam vsque Quadragesimam, cum maxime Sacerdotes obsecundis functionibus Ecclesiasticis occupantur, differant; sed primam quidem, tempestiue ante Dominicam Lætare, secundam verò, de, vel post com-

missis

missis, vel reuocatis in memoriam delictis, paulò ante sacram.  
Communione faciant.

Omnes autem inprimis atque super omnia doceantur, vt  
lustratis & excussis diligenter conscientiarum suarum latebris,  
integrè & apertè, nihilq; tacendo, aut palliando inuolucris ver-  
borum, effundant corda & animas suas, coram ministro Dei,  
internumque animi dolorem, saltem attricionis quem vocant,  
cum firmo proposito non peccandi amplius, habere procurent;  
alias sacrilegam, irritam, & nullam, ac proinde iterandam cõ-  
fessionem illorum esse.

His & alijs similibus, publicè & frequenter populo exposi-  
tis; Presbyteri quoque, non in domo, nec in Sacristia, locouè  
aliquo clauso vel obscuro, sed in Ecclesia duntaxat, inque con-  
fessionali ad id deputato confitentes sibi, præsertim foeminas,  
neque cateruatim, aut plures simul, etiam pueros, sed singulos  
separatim audiant, sub poena arbitrio Ordinarij irroganda.

Accedentes ad confessionem, arma si quæ habent, ob reue-  
rentiam Sacramenti, submissique animi significationem depo-  
nere, rudiores autem aperire caput, ad pedesque Sacerdotis,  
demisso in terram vultu, ac manibus supplicem in modum con-  
iunctis, genu flexos se abijcere, & munire signo crucis doceat;  
deinde data eis benedictione hunc in modum: *Dominus sit in cor-  
de tuo, & in labijs tuis, vt digne & competenter confitearis peccata tua.*  
*In nomine Patris, & Filij, & Spiritus S. examinent breuiter, an sci-*  
*ant necessaria ipsis ad salutem, perquirantque de statu, & con-*  
*ditione illorum, si ea ignorant. Item à quanto iam tempore,*  
*propriouè Parocho, an integrè, neque tacito villo de industria*  
*peccato fuerint confessi; an Pœnitentiam iniunctam tunc sibi,*  
*impleuerint; an nunc diligenter examine discusserint conscien-*  
*tiam; an Censuris Ecclesiasticis innodati non sint; ac tum de-*  
*num recensentes peccata sua, patienter & attentè audiant, ti-*  
*midos confirmet, vacillantes instruant, nec si enormia aut tur-*



pia peccata protulerint, signum vllum admirationis ab omni nationisue præferant: sed ac si nihil prorsus audirent huiusmodi, ad finem vsque confessionis dissimulent.

Quod si poenitentes, peccata ipsi sua, ob pudorem, vel simplicitatem recensere nequeant, non contenti Sacerdotes confessionem generalem recitare cum illis, interrogent etiam singillatim, de commissis, omisisque contra Decalogum præcepta Ecclesiæ, & misericordiæ opera, de peccatis Capitalibus, clamantibus in cælum, & contra Spiritum sanctum; adhibita vbi opus erit, peccatorum cogitationis, verbi, & operis, distinctione.

Potissimum autem inquirent de illis, numeroque & specie illorum, cum circumstantiis mutantibus speciem peccati, aut idem valde grauantibus, quæ vel promiscuè perpetrantur nunc ab hominibus, vel propria sunt statui & conditioni cuiusque poenitentis. Caueant tamen, ne nimium scrupulosi atque importunis percunctationibus, offendiculum præbeant infirmis, vel simplices doceant peccata, quæ ignorauerunt: neue eliciat nomina personarum, cum quibus confitentes peccauerunt.

Finitis interrogationibus, proponant opportuna peccatis cuiusque remedia, arguantque obsecrent, increpent, in omni patientia & doctrina; causas & occasiones peccatorum præscindere, restitutionem si quam debent, famæ, damni, aut rerum, facere præcipiant; doloremque inprimis pro peccatis, ac detestationem eorundem, propter offensam maximè Dei, cum firmo proposito non peccandi amplius, excitare in animis confitentium studeant, inculcando grauitatem, & turpitudinem peccati, ac consequentia illud damna.

In poenitentibus autem, & satisfactionibus iniungendis, non sint nimium mites, neque nimium seueri, sed pro qualitate criminum, doloreque, ætate, sexu, statu, & conditione poenitentium, poenas culpis quàm maximè congruentes irrogent, vt  
pecca-

Peccatores à vitijs quidem arceantur, non deterreantur tamen  
à confessione.

Denique præmisso, *Misereatur tui &c.* extensaque super caput  
pœnitentis dextra manu, absoluant eum in hunc modum:  
*Dominus noster IESVS Christus, per suam piissimam misericordiam digne-  
tur te absolueret, & ego auctoritate illius, absoluo te, a vinculo excommuni-  
cationis, suspensionis, & interdicti, si quæ incurristi, quantum possum &  
indiges. deinde, absoluo te ab omnibus peccatis tuis, In nomine Patris, &  
Filii, & Spiritus Sancti. Amen.* Formataque super illum cruce,  
addant: *Passio Domini nostri IESV Christi, & merita Beatissime Virgi-  
nis Mariæ, omniumque Sanctorum, & quicquid boni feceris vel mali susti-  
nueris, cedant tibi in remissionem peccatorum tuorum, in augmentum grati-  
æ, & premium vitæ æternæ. Amen.* Atque hæc præcisè verba,  
nihil detrahendo, addendo, mutandove, adhibeant in absol-  
uendo omnes: si qui verò diffidant memoriæ, descripta in ta-  
bella, & ante se posita, legant. In absolutione tamen laicorum,  
omittant semper verbum illud *suspensionis*: soli enim Clerici pro-  
moti ad Ordines, pœnam suspensionis incurrunt.

Caueant præterea, ne peccata audita in confessione, verbo,  
signo, aut alio quouis modo, directè, vel indirectè, extra illam  
prodant, sub pœna depositionis, carcerisque perpetui, & ex-  
communicationis sententia. Sed & in confessione ipsa vitent,  
ne dum eonfiteres grauiora peccata narrabunt, suspirando,  
spuendo, signando se cruce, corrugando frontem, in citando  
sermonem, seque agitando, aut alias quomodolibet suspicio-  
nem, illorum circumstantibus iniiciant: imò si quem fortè ob  
reueruat casum, aut quia peccatum, vel occasionem eius di-  
mittere, satisfactionemve aut restitutionem præstare recuset,  
absoluendum, non existimabunt; signo saltem crucis, cum præ-  
catiuncula aliqua, propter circumstantes, admonitum prius ea  
dere, benedicant, & sic à se dimittant. Pœnitentias etiam ta-  
les non iniungant, ex quibus alij in cognitionem confessorum  
criminum, deuenire facile possint.

N 2

No

Ne verò se & alios decipiant Parochi, absoluentes à peccatis, à quibus reuera, ob defectum iurisdictionis, non possunt absolvere: nouerint benè Casus Sanctæ Sedi Apostolicæ reseruatōs, tam iure communi, quàm Bullæ Coenæ Domini, alijsque Constitutionibus Pontificum, de quibus post alios optimè Nauarrus: tunc & eos qui Ordinariæ potestati reseruantur.

Vocati ad ægrotos Parochi sine mora accurrant, imò non vocati etiam, cum primùm de aduersa valetudine illorum cognouerint, inuitant: hortenturque eos ad suscipienda Eucharistiæ Sacramenta.

Mulieres etiam grauidas admoneant, vt ob instans in partu periculum, confiteantur tempestiuè, doceantque eadem in confessione, ne se tunc, vel tempore menstrui, maritis cōmisceant.

Sed & morte mulcendis, ob publica crimina exhibeant dignam Sacerdotibus Christi charitatem: munitosque Sacramētis comitentur ad locum supplicij, & ad piè in Domino moriendum; disponant.

### *De Sacrosancta Eucharistia.*

**Q**Vandoquidem panis ille viuus, qui de cœlo descendit, propterea datus est nobis diuinitus, vt eo vescentes, non deficiamus in via, sed in fortitudine eius ambulemus vsque ad montem Dei: exhortentur populum Rectores, vt ad Mensam hanc coelestem, frequenter, aut saltem in festis solemnioribus, accedant. Si qui autem tempore Paschali, à die videlicet Palmarum, vsque ad Dominicam in Albis inclinsuè, quo communicare omnes Ecclesiæ præcepto tenentur, facere id, nisi fortè iubente vel suadente ita Confessario, neglexerint; & quidem in propria ipsorum Parochiali Ecclesia, deque manibus Parochi, aut Vicarij eius: excepto si vel degant tunc ipsi apud externos vel Sacerdos externus licentiam ad id Loci ordinarij Parochinè habeat, notatos in libro denuncient Loci ordinario, vel



vel Visitatoribus eius monitosque, & nihilominus inobedientes, prohibitionis, vt supra, ingressus Ecclesiæ, atque sepulcræ poena mulcent, non obstante, quod aliqui inimicitijs, aut actione in iure, impediri se à sacra communione causentur: quandoquidem petita ab offenso venia, & oblata satisfactione, semotaque penitus ex animo ira, & cupiditate vindictæ, habilem se quilibet ad eam reddere potest.

Contra verò, arcendi atque repellendi sunt, ab hoc pleno sanctitatis omnis Sacramento; excommunicati interdicti, concubinarij, foeneratores, ebriosi, & alij quicunq; publicè scandalosi homines, qui semel & iterum, ad sacram Synaxim, post promissam vitæ emendationem admissi, reuertuntur veluti canes ad vomitum, computrescuntque vt iumenta, in stercore suis; nisi postquam reuera resipuisse eos, vitamque mutasse in melius, certum ac euidentis fuerit. Sed nec pueris vsu rationis carentibus, adolescentibusve, nisi prius benè examinatis, ac pro capitu illorum de vi & natura Sacramenti huius instructis, à Parocho permittenda est sacra Communio. Amentibus item atque furiosis, præterquam cum vel lucida habent interualla, vel in mortis versantur articulo, expunctionisq; aut irreuerentiæ alterius non adest periculum, & si antequam in amentiam inciderant, desiderio Sacramenti huius flagrauerunt.

Accessuri ad mensam Christi, moneantur sedulò, vt attenta dignitate, atq; præstantia Sacramenti huius, quod non solum multiplices, vt alia gratias, sed etiam fontem ipsum auctoremque gratiarum omnium in se complectitur, probent prius se ipsos, & sic de pane illo edant, & de calice bibant; ne quod minatur Apostolus rei aliàs corporis & sanguinis Domini peragantur. Ac proinde, vt excussis nauiter conscientiarum suarum recessibus, sordes & maculas omnes, confessione Sacramentali ex animis eluant; offensas & odia, si quæ mentibus alunt, deponant, dimittantque ex cordibus fratribus suis. Ma-

crimino iuncti, per aliquot ante & post communionem dies;  
contineant ab inuicem; omnes autem à cibo & potu, à media  
præcedentis diei nocte, ad communionis vsque tempus, ieiuni-  
que omnino ad eam accedant. Denique sic se totos corporibus  
& animis præparent, vt dignum tantus hospes, maiestate sua  
ha bitaculum in illis reperiatur.

Administraturi Eucharistiam Parochi, non discurrant cum  
illa per Ecclesiam, vt plerique facere frequenti populo solent;  
distributa vtrinque veluti in filum agresti turba, à qua propte-  
rea ipsi, non solum premuntur irreuerenter, sed & protrudun-  
tur quandoque non sine periculo: quin potius ad Altare maius,  
vel aliud quod illis opportunum magis videbitur, erectis can-  
cellis vel circumpositis pro tēpore æqualibus scamnis, iisdem-  
que decenter stratis, venerabundos, vt tam sancta & tremenda  
mysteria decet, sineque tumultu, & impeditioe alterius ab al-  
tero, accedere quidem ab vno latere Ecclesiæ, recedere autem  
ab altero iubeant.

Accensis deinde in Altari, si fortè extra Missam peragenda  
erit Communio, cæreis; ac vbi id Ecclesiæ facultates permit-  
tunt, etiam intortitijs, factaque generali Confessione siue à  
populo præloquente Parocho nativâ illorum lingua, siue a Cle-  
rico nomine omnium Latina, conuersus ad populum Parochus,  
dicat Orationem: *Misereatur &c. & Indulgentiam &c.* Deinde po-  
sitis pro numero communicantium, non quidem in patina, nisi  
pauci sint admodum propter deiectionis vento, insufflatione,  
aut motu aliquo incauto periculum, sed in calice consecrato,  
pixideve gestatoria, ad hunc vsum cōparata, pluribus vel pau-  
cioribus hostijs, vnamque illarum summis dextræ digitis super  
vasculum tenens, & ad communicaturos versus, dicat: *Ecco  
Agnus Dei, ecce qui tollit peccata mundi.* Deinde subsequente ver-  
ba eius populo, repetat ter: *Domine non sum dignus vt intres sub co-  
ædum meum, sed taurum dic verbo, & sanabitur anima mea.* singuli que  
singula

Angulas particulas porrigens, proferat hæc verba: *Corpus & Sanguis Domini nostri IESU Christi, proficiat tibi in vitam æternam Amen.*

Recedenti ab Altari populo, propinetur à Clericis pro ablutione, vinum, si tenues redditus Ecclesiæ fuerint, aqua dilutum, in argenteo vel stanneo calice, non consecrato tamen, mundūque ac nitidum mantile, pro abstergendo ore offeratur.

Moneantur deniq; fideles, ne post susceptam Eucharistiam, commestationibus atque conuiuijs indulgeant; sed modicā refectiōne contenti, totum illum diem, visitandis Ecclesijs, diuinoque hoc beneficio recolendo impendant.

Quando verò infirmi procurandi hoc Sacramento erunt, deferatur ad illos quàm honorificentissimè à Sacerdote, superpelliceo, & stola induto, in vasculo decenti, & velato, subq; vmbella, vbi id commodè fieri potest, præcedentibus Ministris Ecclesiæ, itidem superpelliceatis, cum vexillis, facibus, cereisue accensis, & tintinnabulo: Hymnosque, aut Antiphonas conuenientes huic Sacramento canentibus, ac populo sequente; qui vt frequens & deuotus comitari assuescat, moneatur sedulo in Concionibus, ac præsertim sicubi Confraternitates laicorum pietati huic destinatæ habentur, vt illam assidue exerceant.

Et si quidem ægrotus non longè abfuerit portentur ad minimum duæ particule, quarum vna in pixide, redeunte ad Ecclesiam Presbytero, maneat, ne inane vasculum adoretur ab obuijs, qui si fortè tunc curru aut equo vehentur, desinere subito, procidereque in genua, & sic flexi persistere, donec Dominus & Deus illorum transeat, doceantur.

Quod si remotius à villa, vel Oppido, ac proinde equitem oporteat ire Presbyterum; tunc omisso dicto apparatu, vnicaque hostia, in perulam auro vel serico textam, quæ ex collo illius, cum noliula tinniente pendeat, assumpta, proficiascatur lento & modesto gradu: vbi tamen ad locum peruenerit, superpellicum & stolam omnino adhibeat, ministratoque Sacramento,



meto, sine sonitu campanulæ, atq; occultata perula reuertatur.

Monendi sunt autem ij, qui Parochum, de infirmo salutare, hoc viaticum exposcente, certiolem reddent, vt cubiculum eius purgari à sordibus, & profana inde omnia amoueri: mensam item, in qua super corporali Sacramento collocetur, munda atq; nitidâ mappâ sterni, ponique in ea cereos accensos, & imagines sacras, aut saltem crucem cum vasculis aquæ benedictæ, & vini pro ablutione, ante Sacerdotis aduentum, curent.

Collocato vt supra Sacramento, si ob distantiam loci, vel instans mortis periculum, vnâ eademque operâ audienda ægroti fuerit confessio, primùm id Sacerdos, excedere omnibus cubiculo, atque foris orare iussis, præstet. Deinde sacram ei Cõmunionem exhibeat. Porro aliàs semper, quando vicinitas loci, nec adeò afflicta infirmi valetudo patitur, aditum priù hoc nomine, audiat, & præparet, tuncque demum ad eum Diuinâ Synaxim feratur.

Ad neminem autem deferatur, qui eam reuera percepturus non est; quod si interea dum refertur, ægrotudo infirmi ita inualeseat, vt ei non possit tutò ministrari; tunc posita Presbyter super mensam pixide, immoretur paululùm, prostratusque, genibus vnâ cum alijs qui aderunt. Deum suplex oret; deinde, cõsolato salubriter pro tempore ægrotò, videndam si id optet, atque adorandam eidem Eucharistiam exhibeat, aut saltem recessurus, inclusa in vasculo, benedicat.

Potest autem, imò debet Sacramento hoc ministrari ægrotis, tam valde & repenti vi morbi oppressis. vt periculum sit, ne sine viatico decedant, quodcumque etiam noctu, postque sumptum ab eis cibum, si nihil aliud obster.

Denique monendi sunt magistratus. ne mulctandos capite, mori sine sacra communione permittant: communicaturosque huiusmodi exolutos vinculis, educi ex carcere in liberiores ac decentiorem locum, pro reuerentia tanti Sacramenti faciant; nec

nec  
fici p

Q  
ordin  
ficij v  
cerde  
hosti  
loco  
lius a

E

Orat  
nari  
ta eff  
raria  
aliàs  
rij:  
huius

N

die:  
fasc  
noë  
sim  
ad v  
tari  
te a

N

ab  
que  
vag  
& c

nec quenquam, eo die quo Eucharistiam sumpsit, supplicio affici patiantur.

### *De Sacrificio Missæ.*

**Q**uia verò eadem diuina Synaxis, non Sacramenti tantum, atque alimēti cælestis fidelium, sed etiam iugis, Christo ita ordinante, verèque propitiatorij, pro viuīs & defunctis, Sacrificij vim ac nomen obtinet; provideant etiam atque etiam Sacerdotes Domini, ut quàm sanctam, augustam, & tremendam hostiam hanc esse sciunt, tam pie & sanctè comparatis animis, locoque tempore, & modo conuenientibus, ad oblationem illius accedant.

Et in primis, nemo in priuatis ædibus, extra Ecclesiam, vel Oratoria, ad hunc ipsum vsum deputata, probataque ab Ordinario, quin & in Ecclesia non consecrata, interdicta, profanata effusioneque violenta sanguinis, vel seminis humani voluntaria, hæreticorumue aut excommunicatorum sepulturis, vel aliàs quomodolibet polluta siue execrata, sine licentia Ordinarij, aut interdicti, profanationis, pollutionis, execrationisue huiusmodi relaxatione, celebrare audeat.

Nemo item ante auroram, vel post meridiem, pluriesue in die: Natali duntaxat Saluatoris excepto, in quo licitè tres Missas celebrare quilibet Sacerdos potest; primam quidem media nocte, secundam in aurora, tertiam interdium, vel omnes tres simul post auroram horâ competente, ablutione tamen vsque ad vltimam reiecta. Sed & Missa *Rorate*, quam vocant, decantari solita in hac Prouincia per totum Aduentum, nunquam ante auroram cantetur, legaturue.

Nullus præterea excommunicatus, interdictus, vel suspensus ab Ordinum exercitio, publicèue & notorie criminosus, nisi quem postea vitæ & morum honestas commendent; nullus itē vagus, peregrinus, ignotusque sine testimonio Ordinationis, & conuersationis suæ, ad celebrationem Missæ admittatur.

Nemo denique nisi ieiunus, vt supra, dormitione siue dige-  
stione præhabitis, recitatisq; horis Canonicis, saltem Maruti-  
no & Laudibus, Confessione item Sacramentali, si sibi sit con-  
scius peccati mortalis, & copiam confessoris habeat, præmissa,  
aut saltem contritus, si mumque propositum cōfitendi, quam-  
primū confessorem nactus fuerit, habens, sacrum Missæ offi-  
cium celebrare audeat.

Recolleto deinde à profanis animo, atque in sedula myste-  
rij huius cogitatione defixo, statuatur ipse secum, consecrare &  
offerre Sacrificium, pro qua tunc re, vel persona tenebitur ex  
officio, aut aliās ipsi placuerit; præscriptasque in Missali preces,  
siue accessum, vt vocant, piè ac deuotè recitet; Missam dicen-  
dam reperiatur, & singulas eius partes notet, ne tunc demum,  
quærendis illis immoretur, cū iam ad Altare fuerit; ad quod  
non accedat, nisi infra scripta hæc adsint.

Primò, Altare ipsum consecratum, aut saltem Portatile inte-  
grum, vel non enormiter læsum, neque violatum, tantæ lati-  
tudinis, vt calicem & hostiam capiat. Mappæ ad minus tres  
mundæ, & quæ totum Altare tegant. Antependium decens.  
Ampullæ cum vino & aqua. Vinum autem desecratum, me-  
rum, non acidum, neque alās quomodolibet corruptum. Ho-  
stia triticea, pura, candida, illæsa, mediocriter subtilis, & re-  
cens. Calix cum patina, tersus, nitidusque, non fractus, nec  
æreus, aut ex aurichalco, sed argenteus, & ab intra saltem de-  
auratus. Vestes item non sordidæ, nec laceræ. Corporalia,  
Pallæ, & Purificatoria benè lota. Vniuersa autem hæc, conse-  
crata ritu solemni, & benedicta. Postremò, accendantur cærei,  
cruque in medio altaris statuatur.

Tum demum vestitus decenter, vultuque & habitu totius  
corporis ad deuotionem composito, accedat ad altare Domini  
Sacerdos, dicatque & faciat omnia, iuxta præscriptum Missa-  
li. nihil omnino addens, mutans, minuensue, neque fidens

memo



memoriæ, sed lecta in libro, secretiora quidem submissè, reli-  
qua autem clarè & distinctè pronuncians.

Non sit autem nimium morosus, neque celer, sed adhibeat  
iudicium, seruet mediocritatem; gestus omnes grauitè, genu-  
flexiones profunde faciat, caueatque ne in eleuatione sanctis-  
simi Sacramenti, Hostiam vel Calicem retro caput declinet, sed  
rectum utrumque eleuet, fixosque in illa oculos habeat.

Il liberales etiam illæ, ostiatim à Pauperibus Presbyteris pro  
celebrandis nouis Missis, aut apparandis potiùs illarum con-  
uiujs, solitæ fieri eleemosinarum petitiones. vti scandalosæ,  
statuque & ordine Sacerdotali indignæ, quin & conuiuia ipsa  
lautè nimis ac instar nuptiarum consueta tunc instrui, alijsque,  
similes abusus, omninò tollantur.

Dum cantata Missa habetur, videant Cantores vt concinnè,  
distinctè, ac nonnisi propria temporis cuiusque, iuxta Rubricę  
Cathedralis & Missalis Romani præscriptum, canant. In Voti-  
us autem, profas canit antiquitus solitas, præter eas, quæ ad  
calcem Gradualis, Cracouiæ recens impressi habentur, non de-  
cantent. *Kyrie eleison, Et in terra, Sanctus*, aliæque his similia alic-  
no à Missali textu ne infarciant, Choralique potiùs quàm sym-  
phonico cātu, si huic vel numero vel arte sunt impares, psallāt.

Sed & fideles moneantur, vt deuotè, reuerenter, & attentè  
assistant diuinis mysterijs. Et in primis, ne statim post eleuati-  
onem sanctissimi Sacramenti, non expectata, vt plurimi faci-  
unt, communione. ex qua præcipuè auditæ Missæ fructus capi  
debet, antequè benedictionem à Sacerdote datam discedant,  
sed ad finem vsque perseuerent: alioqui præterquam quòd spi-  
rituali se participatione Sacramenti huius priuant, præcepto  
quoque Ecclesiæ de audienda integrè festiuis diebus Missa, non  
satisfaciunt.

Consuetudo etiam illa laudabilis, deferendi oblationes ad  
Altare, adorandæque & osculandæ sanctæ Crucis, sicut retinē-  
da me;

da meritò . atque commendanda est fidelibus : ita vt quàm minimo eorundem tumultu ac perturbatione fiat , præsertim post peractam in Missa consecrationem , cum attentissimos omnes esse decet , prouideant Parochi.

*De Processione cum Sanctissimo Sacramento.*

**S**anctissimè institutum est ab Ecclesia , vt singulis annis in pæ-  
scularis Corporis Christi festo , celeberrime toto orbe insti-  
tuatur Processio , in qua præcellsum hoc & venerabile Sacramen-  
tum , reuerenter ac honorificè , per vias & loca publica , circum-  
feratur ; cum ad repræsentandum gloriosum Seluatoris nostri  
de morte triumphum , tum ad confundendam Hæreticorum  
perfidiam : quæ proinde celebritas , vt quàm pijsimè & ordi-  
natissimè peragatur , dent operam Parochi , alijsque , ad quorū  
id munus & officium spectat.

Et in primis in Dominica solemnitate hanc proximè præ-  
cedente , exhortentur populum , vt ieiunare , confiteri , com-  
municare , ac non solum dictam Processionem commitari , sed  
omnibus etiam diuinis officijs , tam ipso solemnitatis die , quàm  
per totam octauam , interesse studeant.

Quod vt libentiùs atq; ardentius faciant fideles , concessas  
hoc nomine à Romanis Pontificibus Indulgentias promulgent.  
Quisquis enim , pridie festi huius , verè poenitens & confessus ,  
ieiunauerit , vel in ipso festo sacram communionem sumpserit ,  
Processionemue dictam profecutus fuerit , matutino aut sacro  
Missæ officio , primisue aut secundis Vesperis interfuerit ; pro  
qualibet deuotione huiusmodi , ducentorum ; qui verò eadem  
die , Primæ , Tertie , Sextæ , Nonæ , Completorio adfuerit , pro  
singulis pariter Horis , octoginta ; qui denique intra octauam ,  
Vespertina , Matutina solemnium Missarum & Horarum fre-  
quentauerit officijs , ducentorum dierum Indulgentiam singulis  
eiusdem octauæ diebus , Apostolica largitione consequetur.

In ipso.

In ipso porro solemnitate die, ubicunq̃e plures habentur Ecclesiæ, omnes reliquarum, etiam Regulares, Clerici, absoluti in Ecclesijs suis Missis, & Processionibus circa eas factis, atq̃e Eucharistia ex Altari in Sacristiam delata, ad Metropolitānam, Cathedralem, vel Collegiatam celebrem, si quæ adest, alias ad Parochialem Ecclesiam, modo & ordine, Cracouiæ nuper, iuxta consuetudinem sanctæ Romanæ Ecclesiæ, quæ omnium Ecclesiarum mater est & magistra, instituto. Ad deducendum inde, per plateas ciuitatis vel oppidi, atq̃e reducendum iterum sanctissimum Sacramentum, processionaliter, cum vexillis & crucibus; Regulares quidem habitu Ordinis quique sui, Clerici minores superpelliceis, Subdiaconi & Diaconi dalmaticis, Presbyteri cassulis pretiosioribus induti, habentesq̃ singuli cæreos in manibus, quos in Processione accendant, ac singulos Ordines, Sacerdote superpelliceo, stola & pluuiali amictu, qui crucem aut sacras reliquias deferat, subsequente, hora à Prælato primariæ Ecclesiæ illis assignanda, conueniant. Vbi etiam Confraternitates sæcularium, & societates opificum, cum facibus vel cæreis tempestiuè adsint.

Egredientie à dicta Ecclesia processione, & ad illam reuertente, omnes eius campanæ pulsantur, reliquarum autem Ecclesiarum, tunc, cum per vicina illis loca processio transibit.

Atque primo quidem loco, sodalicia laicorum procedant; hos sequantur pueri, seu scholares, linæis induti, non calices tamen sacros, ut magno & periculoso abusu fieri solet, sed candelas accensas, aut insignia Passionis Domini portantes; subinde Regulares, loco, & ordine quique suo; post hos Musica, & clerus sæcularis, cum inferiorum si quæ adsint, tum principalis Ecclesiæ; ac demum Sacerdos cum ministris, sacrosanctam Eucharistiam in tabernaculo ostensorio argenteo, subque baldachino, deferendo ab honoratioribus loci illius personis, magna deuotione, atque fixis in illam continuè oculis gestans.



Sed & alij omnes, modestè ac deuotè inter eundum se gerat; neque colloquantur inuicem, aut curiosè hinc inde aspiciant, sed orationibus, & meditationibus pijs vacent, Psalmosq; Antiphonas, vel Hymnos psallant, recitentue.

Constituatur etiam duo aut plures, pro eo ac frequens processio fuerit, directores illius, viri maturi & graues, cum baculis rubeis, ad hunc vsum faciendis, qui progredientes ordinent, dirigant, & vbi opus erit, iubeant subsistere; arceantque populum, ne immiscens se Clero, filum & ordinem processionis perturbet, sed vt omnes à tergo Sacramenti sequantur, primò quidem mares, posteriùs foeminae, vtrique cum luminibus accensis.

Via publicæ, per quas transeundum erit, mudentur, ornenturq; nulla tamen in eis signa, aut imagines profanæ exponantur, nulla exhibeantur spectacula, vel repræsentationes; quæ oculos & animos transeuntium, à sancta mysterij huius cogitatione auertant.

Altaria quoque pro stationibus paranda, stragulis cubilium, conopæis, & cæteris huiusmodi, ad alios quàm ad sacros vsus destinatis, non ornentur; omniaq; circa illa, modo & ordine, in libro Agendorum præscripto fiant.

Postremò finita & reducta ad eandem Ecclesiam Processione, omnes, tam Clerici, quàm laici, eodem ordine quo venerant, reuertantur ad suas Ecclesias, quæ & ipse pariter, vbi id commodè fieri potest præter Processiones quotidie circa Ecclesiam obiri consuetas, vnâ solemniorẽ cæteris, Dominica infra octauas, vel in ipsa Octaua, per adiacentes sibi vicos, cum populo suo instituant.

Denique in pagis & oppidis, vbi vna est tantum Ecclesia, per nobiliorem atque plantiorem earum partem, non tamen per campos aut agros, quam decentissimè, iuxta superscripta, hæc eadem Processio fiat.

*De Ma-*

A  
Etare  
umig  
hoc  
Ec  
stitur  
educ  
uerse  
com  
De  
tium  
iuris  
ad co  
cilio  
Se  
com  
orian  
ris po  
& lib  
rapt  
Co  
conit  
à iure  
nean  
quân  
tas a  
impe  
lis, c  
uenit  
Q

### *De Matrimonio*

**A**ccessuri fideles ad magnum Matrimonij Sacramentum, meminerint se esse filios Sanctorum, & rem Sanctam tractare; ac proinde non sicut equus, & mullus, aut gentes quæ Deum ignorant sed ut Sanctos decet, cum timore Domini, iugum hoc subeant, gerantque.

Et in primis non alio fine, quàm propter quem diuinitus institutum est, ad illud accedant; ob procreationem videlicet, ac educationem prolis ad gloriam Dei, indiuiduamque vitam, & aduersorum iuxta atque prosperorum omnium societatem, & communionem inter se colendam.

Debent autem iniri Matrimonia, libero & mutuo contrahentium consensu. Quod si Domini, aut Magistratus, sub quorû iurisdictione contracturi degunt, eos quouis modo coegerint ad contrahendum; poenam anathematis à sacro Tridētino Concilio propositam, *Sess. 24. de ref. c. 9.* ipso facto incurrunt.

Sed & si quis mulierem rapuerit, præterquam quod ipse & complices eius excommunicati sunt ipso iure, Matrimonium, etiam inter illos non potest consistere, quàm diu rapta in raptoris potestate manserit; si tamen separata à raptore, inque tuto & libero loco constituta, in Matrimonium eius consentiat, eam raptor in uxorem habebit.

Consanguinei quoque & affines, vel cognatione spirituali coniuncti, non admittendi sunt ad Matrimonium, in gradibus à iure prohibitis, nisi dispensationem à Sede Apostolica obtineant, & probent. Ac cognatio quidem tam consanguinitatis, quàm affinitatis legitimæ, ad quartum usque gradum; affinitas autem ex fornicatione contracta, ad secundum inclusiuè, impedit illud & dirimit; idemque operatur cognatio spiritualis, ex Baptismo & Confirmatione inter certas personas proueniens, de qua supra.

Quò melius autem innotescat Parocho, an hæc, vel alia huiusmodi

iustmodi, contrahendum Matrimonium non impediant; nullos copulare audeat, sub poena arbitrio Loci Ordinarij infligenda, absque trinâ, in tribus continuè Dominicis, vel Festis ad populum celebribus, publicè intra Missarum solemnia, denunciatione præmissâ: nisi fortè vel post Matrimonium differendas; Loci ordinarius ex rationabili aliqua causa, remittendas huiusmodi denunciations censuerit, quemadmodum Tridenti Concilij decreto providè statuitur, *Sess. 24. de ref. c. 1.*

Tantò verò minùs præsumat, coniungere vagos & ignotos homines, nisi diligenti inquisitione de statu illorum, & an fidè alijs non dederint, facta; facultateque ob Ordinario loci, vel Officio eius, præstandi id, obtenta: neque item alienæ Parochiæ incolas, nisi licentia proprij eorundem Parochi, & de factis ab eo bannis; nec reperto tamen vllò impedimento, attestatione præhabita; aliàs si quis secus alterius Parochiæ spon- sos, copulare Matrimonio, aut benedicere ausus fuerit, ipso iure tam diu suspensus manebit, donec ab Ordinario Parochi illius, qui Matrimonio interesse debebat, seu à quo benedictio suscipienda erat, sicut Decreto Tridentini Concilij cautum est, *Sess. 24. de fer. c. 1.* absoluator.

Sed & si quod aliud præterea impedimenti genus, à Sacris Canonibus sancitum, occurrerit Parochis, admoneant ea de re, & repellant volentes contrahere, vel si, an reuera impediat, dubitent, suspendant tantisper, donec consilium atque sententi- am peritiorum Sacerdotum exquirant.

Persuadeant autem spon- sis, vt antequam contrahant, vel triduo saltem ante consummationem Matrimonij, quo vberio- rem gratiam & benedictionem Domini recipiant, expurgatis per confessionem animis, piè & deuotè, ad Sanctissimum Eu- charistiæ Sacramentum accedant.

Meminerint contrahentes sponsalia per verba de præsentì, id est, Matrimonium ipsum nullum esse, nisi obseruata fuerit for-  
ma à



ma à Tridentino Concilio præscripta, *Sup. ibid.* id est, Parocho,  
& testibus saltem duobus, adhibitis.

Denique peractis omnibus ijs, quæ de ritu & administratio-  
ne Sacramenti huius, fusè in libro Agendorum tractantur, no-  
tet diligenter Parochus nomina & cognomina, tam coniugum,  
quàm testium, qui aderunt, diemque & locum contracti Ma-  
trimonij, indestinato ad id libro in hunc modum: Anno, Men-  
se, die, &c. Ego N. Plebanus, vel Vicarius Ecclesiæ Parochia-  
lis N. Matrimonium inter N. & N. contractum, confirmaui in  
eadem Ecclesia, vel alibi, Præsentibus N. & N. & alijs multis de  
populo, præmissis solitis denunciationibus.

### *De Extrema Unctione.*

**Q**UO periculosius venenatus ille serpens insidiatur calcaneo  
hominum, scilicet, quàm aliàs vnquam, in extremo ago-  
ne positos aggreditur, eò diligentiores sint Parochi, in suppe-  
ditando eis ultimo præsidio, Extremaque Unctione tempesti-  
uè post alia Sacramenta, dum integris adhuc sunt sensibus, mi-  
nistranda.

Si quem tamen illorum, vel violentia morbi, vel repentinus  
aliquis casus ita oppresserit, vt sensu & ratione penitus destitu-  
atur, confiterique propterea & communicare non valeat, inū-  
gendus erit nihilominus, præsertim, si dum adhuc vsum rati-  
onis haberet, significationem p*er* animi præse tulit, confessusque  
in proximo Paschate, Eucharistiam percepit.

Ac si quidem inter vngendum expiret, omittatur vltior  
unctio: si verò nō cōstet, viuusne sit an mortuus, terminetur ad-  
hibita hac cautione: *Si es viuus per istam unctionem indulgeat tibi &c.*

Quod si infirmus compos sit rationis, & audiat quæ ei dicū-  
tur, consoletur eum præterea Parochus, suadeatque, vt ægri-  
tudinem illam patienter ferat, deponat curam rerum terrena-  
rum, cœlestia cogitet, mortem ne timeat, quin potius bono &  
alacri

alacri sit animo, misericordiam Dei speret, euocariq; se ex hac valle lachrymarum ad æternam felicitatem gaudeat.

Oret item & ipse pro eo, & alios qui aderunt, ut orent, admoneat, si que illum animam agere perspexerit, ne discedat, sed præsto sit agonizanti. cum omni charitate, commendetq; Deo animam ipsius, Orationibus solitis, & maximo quo poterit, pietatis Christianæ affectu.

Porro in vna & eadem ægritudine, semel tantum vngatur infirmus, idque in extremis; qui si conualescat, repetatur vinctio, quoties in simile vitæ discrimen inciderit. Cæterea quæ huc spectant, ex libro Agendorum petant Parochi.

### *De Sacramentalibus, Cæremonialibusq;, & abusu*

*illorum tollendo.*

**Q**uam pius est ac vtile, Sacramentalibus & Cæremonialibus Ecclesiæ religiose vti; tam sacrilegum, aliter illa, vel alio quàm quo & qualiter instituta sunt, adhibere. Moneantur proinde fideles à Parochis, ut sale, aqua, vino, avena, auro, myrrha, thurre, candelis, palmis, igni, cibo, potu, & herbis benedicendis, pro tempore, iuxta vel institutum Ecclesiæ, vel cōsuetudinem Prouinciæ huius laudabilem, non superstitiosè, nec ad maleficia, ut aliqui faciunt, sed piè, sanctèq; ad propulsandas artes sathanicas, animique & corporis sanitatem benedictione Domini tuendam, vtantur; & inprimis ad offerenda illa Sacerdotibus, vel recipienda ab eis, modestè, ordinatè sineque strepitu & tumultu, accedant.

Puerperas fornicarias non inducant Parochi in templum, ne crimen earum videatur probare Ecclesia; sed si publicè peccauerunt, publicè poeniteant; si occultè, occultè etià absoluantur.

Cærimonialia quoque, tam Parochi, quàm populus, non nisi probata & permilla ab Ordinarijs vsurpent. Porro circuitus, seu Processiones circa fontem Baptismalem, in triduo Pascha-

tis

his fieri consuetas, excepto Sabbato sancto circa benedictionē  
aquæ, ne faciant; eodemque tempore, madefactionibus alio-  
rum petulantibus & periculosis, gestatione clauarum textarū  
ex salice, quibus obuios cedunt, cursitationibus per pagos &  
oppida, quas ouationes vocant, obequitationibus segetum,  
ereptionibusque tunc ab inuicem sacrarum imaginum, quas  
per campos deferunt, ac decertationibus pro ijsdem nonnun-  
quam cruentis, omninò abstineant. Die quoque Ascensionis  
Domini, simulachra dæmonum, ex laqueari Ecclesiæ, siue vn-  
decunque aliās, ne deiciant, neque insolenter ac tumultuose,  
per publicas vias trahant. In festo etiam sancti Ioannis Bap-  
ti-  
stæ, ducendis circa ignes & arbores choreis, non vacent: alia-  
que his similia indigna Christianis, non exercent. Hæc enim  
vel accepta sunt ab Ethnicis, vel eò dirigantur, malitia & frau-  
de diaboli, vt populum à recolendis redemptionis nostræ my-  
sterijs, cultuq; & obseruantia vtili festorum, ad nugas & ludi-  
era auertant.

#### *De visitatione Parochiarum.*

**Q**uia plurimum ad bonum regimen refert, præter providē-  
tiam mentis, corporis etiam sensus adhibere, & cuncta,  
præsentī lucrari intuitu; non contenti publicè & in Ecclesia sa-  
luti suorum inferuire Parochi, priuatim etiam domi, statum,  
vitam, & mores cuiusque cognoscere studeant, habeantque  
descriptam in libro totam suam Parochiam, in quo appareat,  
quot & quas Parochia illa villas, villa domus, domus animas,  
comprehendant. Quæ quidem descriptio fiebat antiquitùs  
Kalendis Iannarij, vnde nunc fortasse Kalendas vocamus, vel  
initio Quadragesimæ.

His ergò temporibus, vel quando eis commodiùs videbitur,  
per se, vel Vicarios suos, ad pietatem, non ad quæstum, nec  
querentes quæ sua sunt, sed quæ IESV Christi, domos singu-  
lorum visitent, ingressique, iuxta præceptum Domini dicant:



*Pax huic domui*, vel aliâ quâpiam ex multis, quæ in Epistolis D. Pauli perpulchræ habentur, benedictionis formula vtiuntur.

Conuocata deinde totâ domo, instruant eos de necessarijs ad salutem; & an sciant munire se signo sanctæ Crucis, Orationem Dominicam, Salutationem Angelicam, Symbolum Apostolorum, Decalogi & Ecclesiæ præcepta, examinent; de quæ vita, moribus, occupationibus, studijs & necessitatibus singulorum inquirant. Ac si quidem aliquos ebriosos, peruiros, fures, foeneratores, fornicarios, adulteros, homicidas, blasphemos, festorum violatores, maleficijs & incantationibus deditos, aut quouis alio peccati & criminis genere obstrictos repperint, primum eos, charitate atq; lenitate verborum, qua maxima poterunt, inter se & ipsos solos corripiant; deinde si nihil profecerint, vnum atque alterum, viros probos & prudentes, peccatoribus familiares, adhibeant; quod si ne tum quidē resipuerint, nomina & excessus illorum ad Ordinarium loci, vel visitatores eius, deferant.

Exortentur deinde, pro ætate, & conditione quemque sua, senes, vt sobrij sint, pudici, prudentes, sani in fide & patientia; Anus in habitu sancto, non criminatrices, nec ebrietati, præstigijs, lenocinijsuē deditæ. Viduas, ne circumeant vicos, otiosæ, curiosæ, verbosæ, loquentes quæ non oportet, sed vt regant domos suas, filijs & nepotibus benè præsent, mutuamque vicem parentibus reddant. Maritos, vt diligant vxores suas, sicut Christus dilexit Ecclesiam, filios ad iracundiam ne prouocent, sed educent illos in disciplina & correptione, necessitatibus eorum prouideant. Qui enim suorum & maximè domesticorum curam non habet, fidem negauit, & infideli est deterior. Vxores vt viros suos ament, subditæ quæ sint illis, castas, & sobrias se præstent, curam domus habeant, & ne secum infantes propter suffocationis periculum, noctu in lectis locent. Filios, vt obediant parentibus; Seruos & subditos, vt ministrent Do-

minis

minis  
uent  
tesq  
ytron  
est ap  
Po  
mi, al  
poral  
qua i  
tur; &  
rit ma  
porre  
IESV  
lio vi

M  
stora  
non f  
illoru  
bit, i  
Et  
tione  
bis, p  
aliqu  
prou  
mnu  
bus c  
quot  
Pr  
sibi c

minis in simplicitate cordis, sicut Christo, non ad oculum seruientes, nec fraudantes, sed fidem bonam ostendentes, placeatque in omnibus; Dominos, ut remittant minas, sciētes, quia vtrorumque Dominus est in coelis, & personarum acceptio non est apud Deum.

Postremo, si ibi sint aliqui pupilli, virgines, mendici, infirmi, aliaue miserabiles personae, quae tam spirituali, quam corporali ope indigeant, consolentur eos, incantque rationem, qua illorum orbitati, pudicitiae, egestati, valetudini, consulatur; & tum demum, postquam seminauerint spiritualia, non erit magnum si corporalia metant, sternasque quas vocant, vel porrectiones, ab offerentibus vltro accipiant. Dominus enim IESVS ordinauit ijs, qui Euangelium annunciant, de Euangelio viuere.

#### *De cura & administratione hospitalium.*

**M**agnus census est pauperum, fidelium charitas, & diligens atque ordinata Hospitalium administratio; quae cum Pastoralis non postrema sit pars officij, dent operam Parochi, ut non solum ipsi ex frugalitate & parsimonia sua, necessitatibus illorum subueniant, sed & alios, quibus forte cura earum incumbit, inducant ad explendum sedulo Officium suum.

Et in primis, ubi perpetui ex statuto, priuilegio, vel fundatione, non habentur Hospitalium administratores; viris probis, prouidis, industrijs, non tamen id ambientibus, vel debito aliquo Hospitali obstrictis, permutandis quolibet triennio, prouinciam hanc demandari curent, qui Inuentarium rerum omnium conficere, exhibereque Ordinario loci, vel visitatoribus eius, sed & rationem acceptorum, datorumque, reddere, quotannis tenebuntur.

Prouideant autem, ne mendici, qui vel operam victum possunt sibi quaerere, vel habent alias unde viuant, recipiantur ac Ho-

spitalia; prætextuque Eleemosynæ, inertia otiosorum hominum foueatur; sed confecti tantum morbo, vel ætate, mutiliue, & ad laborem minimè idonei, ac præsertim incolæ loci illius, admittantur. Vagi autem & validi, si laborare noluerint, prohibeantur à Parochis mendicare apud Ecclesias; & à Magistratu sæculari, à villis & oppidis expellantur.

Porrò in quolibet hospitali, cubicula atque hypocausta viro-  
rum distincta sint à foeminis, neque vnquam versari simul permittantur. Si qui item alios contagioso aliquo morbo possent inficere, separati à cætu & contubernio reliquorum mancant.

Neque interim dum corpora illorum curantur, negligantur animi, sæpèque à Parocho, vel proprio Sacerdote, informentur ad patientiam, & de necessarijs ad salutem doceantur. Orationi etiam vacent assiduè, atque semel saltem in quolibet mense ad sacram Synaxim confessi accedant.

Moneantur denique fideles, vt præter quotidianas eleemosynas, quas vel sedentibus ad ianuam Ecclesiæ mendicis distribuunt, vel collectori ad id deputato, in arculam pixidemue feratas imponunt; liberaliores interdum mittere, per suos, aut ipsi deferre, visitareque Hospitalia, & ibidem pauperibus, aut Christo potiùs in illis, seruire assuescant; quibus eleemosynis cum annuo, si qui est, prouentu coniunctis, victus inde & amictus pauperum, lectisternia, medicinæ, & aliæ necessitates procurentur.

Quo autem maturius, & maiori ordine ista peragantur, elaborent Parochi, vt Consules, vel alij locorum Magistratus, cū administratore siue Præposito hospitalis, Parochiue etiam ipsis, semel saltem in mense, vel sæpiùs, prout necessitas postulat, diebus festis, in loco ad id destinato, conueniant, acturi de rebus, ad rectum regimen Hospitalis pertinentibus; sique aliqua occurrent pro tempore, quæ consilio, subsidio, vel operâ indigere existimauerint, in medium afferant, consultant, atque

que o  
ne in  
fraud

V  
bit, ne  
in res  
ti sint  
braui  
vox si  
exhib  
offens  
Dei pr

Ac  
comp  
tensu  
defera  
freque  
ob irre  
calam

Ver  
ac pro  
runde  
buend  
comp  
Ho  
tè, &  
cām su  
Dinina  
Der



que opportuna adhibeant remedia; & inprimis prouideant, ne in dispensandis eleemosynis, aut prouentibus hospitalis, defraudentur viscera Christi.

*De vita & honestate Clericorum.*

**V**Nus ædificans, & alius destruens, quid prodest? Cum igitur Parochi, & alij, quibuscunque cura animarum incumbit, non tam sæpè doctrina, atque accurato officij sui exercitio, in resurrectionem, quam vitâ corruptâ & malo exemplo, positi sint in ruinam multorum; caueant, ne quod Phariseis exprobrauit Dominus, *dicunt & non faciunt*; voxque quidem illorum, vox sit Iacob, sed manus, manus Esau; quin potius in omnibus exhibeant seipsos, sicut Dei ministros, nemini dantes vllam, offensionem, ne vituperetur ministerium nostrum, & nomen Dei propter illos blasphemetur.

Ac inprimis, vt ex habitu etiam corporis externo, interior compositio mentis animique illorum appareat, coronam, seu tonsuram in vertice capitis suo quisque ordini congruentem, deferant; barbam prolixè non nutriant, præcidique faciant, frequenter superioris labri lanuginem, præsertim Sacerdotes, ob irreuerentiam sacrosancti Sanguinis euitandam; capillos nō calamistrent, nec eminentiores supra frontem gerant.

Vestitu vtantur nigro, talari, modesto, non sordido tamen, ac pro conditione quisque sua. Annulos sub & amissione eorundem, & aliâ, iuxta valorem illorum pecuniariâ poenâ distribuenda in pauperes, non gestent, nisi Prælati, aut quibus hoc competit ex officio, dignitate, gradu, vel Priuilegio speciali.

Horas Canonicas singulis diebus, tempestiuè, integrè, attentè, & deuotè recitent ex Breuiario Romano, iuxtaque Rubricam suæ Diocesis; ad cuius præscriptum etiam reliqua omnia, Diuina officia dirigant.

Denique in suo quolibet officio, ac ordine, Deo, Ecclesiæ, & populo.

populo, diligenter seruiant; otiumque in primis, quod multa do-  
cuit mala, imò omnium malorum est seminarium, cane peius  
oderint & angue; ac proinde, quicquid illis ab oratione. Eccle-  
siae cultu, sacris officijs, cura animarum, rei que etiam familia-  
ris necessaria inspectione temporis supererit, totum id lectioni,  
& meditationi Sacrarum literarum tribuant, quo potentiores  
sint exortari in doctrina sana, & eos qui contradicunt arguere.

Vitam deinde domi, pie, castè, sobriè, instituant. Et in pri-  
mis suppellectilem domesticam, non pomposam, neque exqui-  
sitam, mundam tamen & decentem habeant, quæque, ut à va-  
nitate & superfluitate omni absit, ita dignitati, & statui, voca-  
torum in sortem Domini, maximè conueniat.

Familiam quoque alant non superflua, nec discolam, sed  
benè ac laudabiliter moratam, & quæ in vestitu, cultu, & o-  
mnibus actionibus honestatem præ se ferat, sicut decet mini-  
stros Ministrorum Dei.

Accubituri mensæ benedicant, & post eam gratias agant; le-  
ctionemque sacram, si qui legat non desit, comestioni adhibe-  
ant; gulæ & ebrietati, nec ipsi indulgeant, nec hospites, si quos  
apud se habebunt, ad eam inuitent; sed temperantiam & fruga-  
litatem colant in omnibus, colereque alios mensa suâ doceant.

Ex altera tamen parte, avaritiam, quæ est idolorum seruitus,  
fugiant serui Dei, caueantque, ne prouentus Ecclesiasticos,  
qui post prouisas competenter ipsorum necessitates, ornamen-  
tis Ecclesiæ, pauperumque eleemosynis debentur, pro ditan-  
dis consanguineis coaceruent, vel surripiendas alienis, abusu-  
ris labore illorum, relinquunt. Simoniæ item, & usuræ, filia-  
rum rabiosæ huius cupiditatis, abominentur turpitudinem, &  
grauissimas pœnas perhorrescant.

Ante omnia verò indignam, quæ etiam non nominetur in  
baiulis Christi, libidinem, suspicionemque ac occasionem eius  
omnem vitent; neque concubinas, aut alias suspectas mulieres,  
præfer-

præf  
iunio  
cum  
Trid  
press  
fectu  
nesto  
antea  
C  
ab hi  
prob  
nus o  
adea  
præf  
etacu  
aues  
sis vt  
quin  
mulie  
No  
impli  
taben  
non e  
præse  
nequ  
clesia  
narum  
ant: c  
non p  
onis c  
culis  
tibus

præsertim iuuenes, vel in quarum obsequio aut familiaritate iuniores versantur. domi suæ tenere, vel extra fouere, vllam cum eis consuetudinem habere audeant; sub pænis à Concilio Tridentino, *Sess; 25. de ref. c. 15.* & Constituti Prouincialibus expressis. Licitum tamen erit Sacerdotibus, morbo vel ætate affectis, prouectas iam annis & moribus fœminas habere, pro honesto seruitio: dummodò de turpi consuetudine secum suspecti antea non fuerint, & in separatis ab inuicem cubiculis maneant.

Curent præterea, vt testimonium habeant bonum, etiam ab his qui foris sunt, sicq; inter homines versentur, ne in opprobrium incidant, & laqueum diaboli, sed cum Apostolo, bonus odor sint Christi. Et ideò tabernas compotandi gratia non adeant; commessationes & conuiuia sæcularium, etiam rogati, præsertim vbi fœminæ adsunt, non frequentent: profanis spectaculis, choreis, lusu aleæ & chartarum omninò abstineant: aues & canes venaticos non alant, nec venationibus clamorosis vtantur. Non sint etiam iracundi, maledici, aut percussores, quin nec arma vlla offensiuæ deferrant, vel deferri post se à famulis faciant, nisi quando sunt in itinere.

Non arent item in boue simul & asino, neque militâtes Deo, implicent se sæcularibus negotijs; mercaturam proxeneticam, tabernariam, & alias indignas statu suo persequendi lucris artes non exerceant: œconomias seu arendationes, apud seculares præsertim, non subeant: negotia laicorum & tutelas non gerât; neque causas in foro seculari aduocent, nisi fortè suas, & Ecclesiarum suarum, propinquorumuè, aut miserabilium personarum. Fideiussiones, excepta Ecclesiæ necessitate, non faciant: Clericos ad iudicem secularem, omisso proprio Pontifice, non pertrahant, neque citent, sub pœna depositionis & amissionis causæ. Iudicijs capitalibus non interfint, quin nec spectaculis suppliciorum, nisi confortandi puniendos gratia: Magnatibus secularibus, & multò minùs fœminis, pro Capellanis aut



**Sacrificis non inferuiant, sine scitu, & expressa licentia Ordinarij in scriptis obtenta.**

In sermone sint parci, graues, modesti, prudentes, non mordaces, vaniloqui, mendaces, ocores, seminantes suae inter fratres discordias. In actione etiam omni humiles se, mansuetos, patientes, benignos, cumque opus fuerit, fortes & inuictos animis, atque zelum Domini zelantes, praestent.

Denique ita vitam & mores suos, domi forisque componant, ut habitu, gestu, incessu, studijs, sermone, & actibus omnibus, nihil nisi graue, moderatum, ac religione plenum praeseferant, sicque doctrina & exemplo luceant hominibus, ut debitam sibi apud eos, & ordini suo concilient venerationem, normamque eisdem, ac viuum exemplar, pie & sancte viuendi, seipsum exhibeant.

*De conseruatione bonorum, & Furium Ecclesiasticorum.*

**D**ifficile est egentem bene operari, & ideo dent operam Pastori, ut quoniam praeter sustentationem honestam sui & suorum, fabricam quoque & ornatum curare Ecclesiae, exerceat hospitalitatem, subuenire inopibus, aliaque onera beneficijs & officijs suis annexa, quae sumptibus non modicis indigent, suffere tenentur; iura in primis, bona, & redditus Ecclesiasticos, quae sunt quasi basis atque seges rerum agendarum, manu teneant, & conseruent: iuxtaque iuramentum, quod instituendi ad beneficia solenne in manibus Ordinariorum praestiterunt, non modo non alienent ea ipsi, sine speciali & expresso sanctae Sedis Apostolicae, Ordinariorum, & omniumquorum interest, assensu, quamuis id euidens Ecclesiae videatur suadere utilitas, sed & alienata ab alijs recuperare contendant.

Quin neque locare eadem bona possint ad breue etiam tempus, anticipata solutione, vel compensatione faciendarum à loca-

locatorē meliorationum, ad exitum vsque locationis, in præiudicium successoris reiecta; Hæreticisue, aut illis qui fundum contiguum Ecclesiastico habent, ne fines propterea turbari & subijci litibus contingat:

Bona item Ecclesiæ mobilia, vr ornamenta, cruces, & calices, dare, aut accipere pignori, vendereque aut emere iura, privilegia, actiones, vel celare eadem aliunde habita, aut denegare proprijs Ecclesijs non audeant, sub pœna excommunicationis, & amissione beneficiorum.

Decimas manipulares, pensione pecuniariâ, pro perpetuis temporibus non commutent; præsentēs tamen atque separatas à solo, liberum est eis pro suo arbitrio, cui, & quomodo voluerint vendere, dummodò æstimationem illarum, consultò, aut enormiter in damnum Ecclesiæ consequenter futurum, deteriore non faciant.

Si qui autem seculares, perfractis omnium diuinarum atque humanarum legum, quæ Decimas statuunt, repagulis, persolvere easdem recusent, vel rapiant; moneantur à Parochis, vt tremendum anathematis fulmen, quo propterea feriuntur, exclusionemque à Sacramentis & Ecclesiasticâ sepulturâ, horreant; quin & illud Prophetæ vereantur: *Respexistis ad amplius, & ecce factum est minus.* Experimur enim quotidie eos, qui debitam Ministris Ecclesiæ Decimam subtrahunt, vix non reliquas omnes nouem partes perdere infelicitè, mittereque mercedes in sacculum pertusum, seminare multum, & inferre parum, prohibitis super eos coelis ne dent rorem, & terra ne det germen suum; vel si aliquid pullulare atque excrefcere cœperit, vrente subinde vento, ærugine vel grandine percuti à Deo, residuumque erucæ locustam, locustæ bruchum, bruchi rubiginem comedere. Cùm è contra alibi protestetur Dominus: *Inferre omnem decimam in horreum, & sit cibus in domo mea; & probate me super hoc, si non aperuerò vobis catarractas cœli, & effudero vobis omnem benedictionem vsque ad*

abundantiam, & increpabo pro vobis deuorantem, & non corrumpet fructum terræ vestræ. Ego exaudiam cœlos, & illi exaudient terram, & terra exaudiet triticum, vinum, & oleum, & hæc exaudient Israël. Quæ, & alia similia, inculcare non negligant Parochi.

Iura quoque, Priuilegia, & litteras foundationum Ecclesiarum, quò minus fortuitis casibus subiaceant, & custodiantur securius, factis, & retentis apud se authenticis illorum exemplis, ad Cathedralis Ecclesiæ vel Collegiatæ, alicuius viciniore Archiuium, vnà cum descriptione seu registro omnium bonorū fructuumque sui quisque Plebanatus asseruanda, deferant, aut Aetis Officij Ordinariorum inscribi procurent.

Domos item, ac prædia Ecclesiastica deformata ruinis, resarciant, & recens erecta tueantur quàm diligentissimè.

#### *De funeribus & suffragijs pro defunctis.*

**V**Ltimum charitatis officium impendendæ populo à Parochis, funus est, atque oratio pro defunctis. Quamobrem, cum primùm obijisse aliquem ex suis cognouerint, Psalmum, *Miserere*, aut *De profundis*, pro anima illius orent, recordenturq; eius in Missa, quam primam habebunt.

Persuadeant autem hæredibus, & amicis defunctorum, ne diu cadauera insepulta teneant; oppressos tamen repentino aliquo morbo aut casu, ante expletas viginti quatuor horas, vel quamdiu de vita illorum spes aliqua super est, sepulchro ne inferant. Sumptus funerum vt faciant moderatos, expendendæque potius pauperum fami, vel sacrificijs pro anima defuncti procurandis, quàm erigendis pomposè cenotaphijs, aut conuiuijs lautè apparandis, studeant.

Exequiarum cantus atque ritus omnes, eo modo & ordine, fiant, quibus eos liber Agendorum describit. Sed & Concionēs funebres, sic instituantur, vt non tam mortuorum celebrētur in ijs encomia, quàm viui, ad meditationem mortis, & emendationem vitæ inducantur.

Faces.



Faces, & cerei, tela item, pannus, vel sericum, si qui ditiores vti istis vice pallij communis maluerint, Ecclesiæ illi, in quæ corpus humatur, vel ministris eius, pro consuetudine cedant. De reliquis autem, tempestiuè cum Parocho vel alio superiore loci componant curatores funeris, ne in Ecclesia demum concertationes de rebus huiusmodi, ereptionesue illarum ab inuicem indecentes, ac tumultuariæ fiant. Quarta tamen funeralium, iuxta sacros Canones & Constitutiones Synodi, salua & integra maneat Parochiali defuncti Ecclesiæ, vbicunque is tandem extra illam, elèctione etiam sua, sepeliatur.

Porro, equos induci in Ecclesiam, vel eos qui hastas frangunt, incitato cursu deijcere se ex equis, cum magno periculo non permittant Parochi; possunt tamen hæc, & similia, præsertim in funeribus Magnatum, à peditibus, aut extra Ecclesiam fieri.

Prohibendi autem & arcendi sunt ab Ecclesiastica sepultura, præter Paganos, Iudæos, & Hæreticos, paruuli abortiui, & sine Baptismo mortui, excommunicati maiori Excommunicatione, interdictique nominatim, nisi reconcilientur Ecclesiæ: decedentes autem in torneamento, vel duello; cōsciscantes mortem sibi ipsis, nisi id ex amentia, vel contra intentionem suam fecerint, vt si quis volens effugere, præcipitet se in fluuium, & pereat; iniicientes violentas manus in personam Ecclesiasticā; non confessi, & non communicati in Paschate, nisi consilio Sacerdotis à communione abstineant; blasphemæ in Deum & Sanctos, rapientes decimas, vsurarij manifesti, nisi poeniteant, & fariant saltem cautionem de restituendo; Monachus inuentus proprietarius, supplicio affectus impoenitens, ac denique quilibet notorius peccator, in ipso notorio mortali decedens, nec confessus, aut signum saltem voluntatis confitendi, vel contritionis, non exhibens. Nemo tamen ob debita, aut non solutas obsequij operæue mercedes, sepulturam cuiusquam impedire audeat.

Prouideant item Parochi, ne pias fidelium voluntates, qui fundando aut dotando Ecclesias, suffragandi pro se onus ministeriarum earum imposuerunt, deperire vlla ratione, fraudariue patiantur; nec perfunctorie, sed diligentissime illud & adimplerant ipsi, & à vicarijs suis, alijsque adimpleri faciant.

Quod si in aliquibus Ecclesijs, vel tam magnus Missarum celebrandarum hoc nomine impositus est numerus, vt omnibus præscriptis diebus celebrari nequeant, vel adeò tennes pro celebrandis illis assignatæ sunt Eleemosynæ, vt non facile inueniatur qui subire hoc munus velit; significant id quàm primum Loci Ordinario, cui, in Synodo Diocesana licitum erit de his statuere, quod magis ad Dei honorem & cultum, Ecclesiarumque vtilitatem expedire viderit, quemadmodum statuit Tridentinum Concilium, *Sess. 25. de ref. c. 4.*

Nunquam tamen die Dominico, festiue solenni præcepto ab Ecclesia, aut consuetudine publica priuatane recepto, etiam si fortassè in illa inciderent, peragantur Anniversaria, aut Missæ pro Defunctis, sed in præcedentem vel sequentem diem, nõ impeditam simili festo, transferantur.

*De rebus post obitum Clericorum relictis.*

**C**Um Parochus aliquis è viujs excesserit, ne subinde Ecclesia detrimenti aliquid patiatur, diuque opportuno solatio careat; teneatur statim alius vicinior, proprium Decanum vel Officialem foraneum, illi autem, Ordinarium loci, vel Vicarium eius generalem, per litteras aut Nuncium certiores ea de re facere; addito, testatusne, an intestatus decesserit.

Ipse verò interim, adhibitis Consule, Iudice, vel alio loci Magistratu, atque aliquot viris Parochiæ, fide dignis, nec non hæredibus vel amicis defuncti, si adsint, conficiat inuentarium, tam iurium & supellectilis Ecclesiasticæ, quàm rerum defuncti, omniaque illa tuto & idoneo loco deponat, retento apud se  
Inuē.

*Inuentarij exemplo, quod postmodum, cui vel de iure competet, vel nos mandauerimus, consignabit.*

Nemo autem, cuiuscunque status & conditionis existat, etiam Patronus Ecclesiæ, sanguineus coniunctus defuncto, citra vel voluntatem eius, in testamento auctoritate ordinaria firmato expressam, vel arbitrium & dispositionem aliàs Ordinarij, bona huiusmodi beneficiariorum inuadere, rapere, aut quouis modo usurpare sibi, clam palamue audeat, sub poena excommunicationis lata sententiæ.

Teneantur item hæredes defuncti, Clerico in Beneficium eius successuro, libros, scripturas, instrumenta, & iura quæcunque ad beneficium illud spectantia, ac in bonis mortui reperta, etiam si proprijs illius expensis confecta, vel extracta fuerint, gratis omnino extradere, sub eadem excommunicationis poena.

Quamuis autem & consuetudine antiqua, & statutis Prouincialibus, liberum sit Clericis huius Prouinciæ disponere ac testari de suo peculio; nullus tamen quocunque colore & prætextu, concubinae suæ, vel filijs ex fornicatione susceptis, audeat quicquam de prouentibus anni gratiæ, vel aliàs de rebus intuitu Ecclesiæ acquisitis relinquere. Si quis secus fecerit, legatum non teneat, & quod ita relictum est cedat Ecclesiæ, cuiuius seruiuit.

Porro ex intestatorum bonis, absolutâ sepulturâ, persolutis debitis, expedita familia, consolatis propinquis, fabricaque Ecclesiæ & anima defuncti procuratis, quod reliquum erit, arbitrio Ordinarij dispensetur.

*De congregationibus Cleri per Decanos rurales faciendis.*

**E**T quoniam frustra leges & statuta conduntur, nisi debitæ mandentur executioni; Loci Ordinarij verò assidue interesse omnibus, atque, & quomodo singuli Parochorum, vel satisfaciant muneri suo iuxta suprascripta, vel mores & vitam instituant.



stuant, explorare semper ipsi per se nequeunt; expedit, ut præter illos, Visitatoresque illorum, Decani etiam rurales sedulo inuigilent, auctoresque sint & stimuli alijs, ad omnia hæc, quàm accuratissimè præstanda.

Et in primis quilibet eorum, omnes Decanatûs sui Parochias, ubi sitæ sint, & quàm latè pateant, quosue aut quales habeant ministros nouerint probè: deinde bis in anno circumlato processu, omnes earundem Parochiarum Rectores, Commendariosque & Vicarios illorum, necnon Magistros Scholarum, & Cantores, tempore ac loco, quæ opportuna magis videbuntur, conuocent; cantataque Missa de Spiritu sancto & oratione breui, qua potissimum causas atque fructus Conuocationis huiusmodi explicent, præhabitâ; hanc ipsam Epistolam Pastoralem, cum aliquot Synodi decretis, quæ ad illos pertinent, legant, subindeque, an aliqui illorum in promotione ad Ordines sacros, vel eorum executione, acquisitione beneficiorum, vel prouisione, residentiâ, curâ, & reparatione Ecclesiarum, prædicatione verbi Dei, doctrinâ necessariorum ad salutem, administratione Sacramentorum, in sacrificijs sacramentalibus, pietate in pauperes, officio in defunctos, bonorum vel iurium Ecclesiasticorum tuitione, vitâ denique & moribus à præscripto illius defecerint, sedulo inquirant; & quos opus fuerit, fraternè admoneant: reprehendant, corrigant, vel si id grauitas excessuum postulet, aut contumaces fuerint, ad Ordinariû loci, vel Vicarium eius generalem deferant.

Si quæ item scandala, vel necessitates Ecclesiarum, aut casus explicatu difficiliores occurrerint, inito cum alijs consilio, quod optimum & maximè ad rem facere videbitur, statuunt, decidantque; vel si res maiori egeant indagine, à Loci Ordinario perquirant.

Nemo autem inter consulendum, immodestis vocibus perstreperet, vanisue aut obstinatis disceptationibus contendere audeat:

auder: sed omnia fedatè, & imperturbatà recti iudicij acie  
peragantur.

Si qui verò illorum, ad prædictam proprii Decanatus con-  
gregationem non venerint, vel iustas absentia suæ causas, lite-  
ris nuncijsue non exposuerint, puniantur multa pecuniaria,  
statuenda pro culpa cuiusque, atque exigenda irremissibiliter  
ab Officiali foraneo, & Hospitali, aut Ecclesiæ loci, in quo cõ-  
gregatio celebrabitur, applicanda; agente pro ea Decano, ex-  
pensis ex eadem poena deducendis.

Acta denique & petita Conuentuum huiusmodi, subscripta  
à Decano, & duobus Sacerdotibus; quos electos à Clero De-  
canatus sui, & ab Ordinario, nobis probatos, pro consilio atq;  
Vicenotarij publici semper adhibebit; ad Ordinarium loci seu  
Vicarium eius transmittantur.

Officij præterea eorundem Decanorum erit, litteras & Pro-  
cessus Ordinariorum, Officialiumque & Archidiaconorum,  
suorum, circummitti ac exequi à Parochis sine mora facere;  
Visitatores intra Decanatum suum comitari, deque statu sin-  
gularum Ecclesiarum, atque Ministrorum diligentia & moribus  
informare; necnon mandata illorum & reformationes debitæ  
demandare executioni; de vacantibus per obitum, aut aliter  
Ecclesijs, absentiaue Ministrorum ab eis, certiores reddere Or-  
dinarios, quo citius ab eisdem, orbitati illarum consulatur; ac  
denique omnes Decanatus sui angulos, necessitates Ecclesiarũ  
illius, Sacerdotum & populi mores, exploratos habere, Ordi-  
nariotq; vel Archidiaconos eorum, vbi & quando opus erit;  
auisare de omnibus,

Sed & ex altera parte, tam Parochi, quàm alij quicunque  
Commedarij, Vicarij, Clericique eorum, oportet vt Decanos  
suos conuenienti honore prosequantur, debitamque illis obe-

R

dienti;

dientiam præstent, nihil eos celando, quod sciscitabuntur pro suo officio, communicandoque cum illis confidenter sua & Ecclesiarum suarum incommoda, ac necessitates; quibus Ordinarij quantum in illis erit, conabuntur providere, alias contumaces ac refractarios, moniti a Decanis punient grauitur, pro excessu & culpa cuiusque suo arbitrio.

Atque hæc sunt fratres charissimi, quæ ex illa immensa Constitutionum de cura & munere Pastoralis congerie, assumenda, pro vsu vestro, & in hoc quasi compendium redigenda putauimus, cognitaque inprimis & familiaria vobis esse, ac vel ex his, quam arduum, difficile, operosum, & periculosum sit, pretiosos sanguinis & gratiæ Domini thesauros, tam spinoso præsertim, tortuoso, lubrico, & infesto hostibus, quam vita est humana itinere, in concreditæ vestræ fidei hominibus, qui sunt, vasa lutea, inuicem faciunt angustias, transferre ad coelestem, quod vestri est officij, patriam, perpendere vos, etiam atque, etiam optamus. Sed & circumferre oculos mentis vestræ, per totam hanc nostram Prouinciam, ac in quam multis eius locis, refrixerit charitas, inundauerit iniquitas, sanguis sanguinem, tetigerit cogitare. Monstra item hæresum, quæ depasta sunt vineam Domini, polluerunt Sanctuarium, profanauerunt Ecclesias, & pleraque vilius quam in pomorum verterunt custodiam, quæque adhuc, proch dolor! animos multorum occupatos detinent, inueneri, atque pro vinibus quemque suis, quasi in communi hoc incendio, opem & auxilium ferre. Hortamur proinde, atque obsecramus vos, per viscera misericordiæ Dei, ut vobis & saluti eorum, quorum sanguis de manibus vestris requiratur, attendatis; illuminetisque, & doctrina vestra illos, qui in tenebris errorum atque umbra mortis sedent; & exemplo vitæ vniuersos; sicque proficiatis verbo & opere, ut vna-

cum



cum grege vobis concredito, ad gaudia possitis pervenire æter-  
na. Quod vobis concedat benignus & misericors Pater lumi-  
num, & bonorum omnium largitor Deus, qui est benedi-  
ctus in sæcula. Dat: ex Synodo Prouinciali Petri-  
couiæ, Idibus Octobris. Anno Domini,  
M. DC. VII.



## V A R S A V I Æ,

*Apud Viduam Joannis Rossowski, S. R. M. Typo-  
graphi. Anno Domini 1634.*

IV. DC. VII.



Biblioteka Jagiellońska



stdr0020856



